


67


50



THEOLOGIA.

N.


328




311296 - 311298

I St. Drukd

34. VII. 87.





DE
VNIGENITI
FILII DEI
EXISTENTIA,

Inter ERASMUM IOHANNIS,
& FAUSTUM SOCINUM

Disputatio,

nunc secundò edita.

Gal. 4. v. 8.

¶ *ubi venit plenitudo temporis, misit Deus
Filium suum factum ex muliere, factum
sub Lege.*



RACOVIAE,
Typis Sebastiani Sternacii, 1626.

311298

I st. dr.

H
M

F



ro
in
ex
ex
ru
di
re
of
se

A D
HIERONYMVM
MOSCOROVIVM
VIRVM CLARISS-
MVM,

FAVSTI SOCINI
In suam cum Erasmo Iohannis
Disputationem

P R A E F A T I O.



VANTOPERE vera exaltationis hominis Iesu Christi cognitio, ad claram ipsius Christianae religionis notitiam, sit necessaria, tibi, Hieronyme Moscorovi, Vi-
ro tam solida atque erudita pietate praestanti, incompertum esse nequit. Mihi quidem id aded exploratum est, ut hujusce rei, aliqua saltem ex parte, ignorationem, maximorum errorum inter eos, qui Christi nomen sunt professi, diutissime causam fuisse, hodieque esse, affirmare non dubitem. Tantæ autem ac tam perniciosæ ignorationis origo & caput, est ac fuit semper, de existentia unigeniti filii Dei non re-

P R Æ F A T I O.

Et sentire, atque opinari, ante conceptum ex
 spiritu sancto & natum ex virgine Iesum Na-
 zarenum, jam reipsa ac perfectè Dei filium u-
 nigenitum extitisse, qui, videlicet, vel ex ipsa
 essentia Dei patris genitus, vel ex nihilo, an-
 tequam aliud quidquam crearetur, ab ipso Deo
 creatus sit, & suo tempore humanam natu-
 ram assumpserit, vel hominem, sive, ut alii lo-
 qui malunt, humanum corpus seu carnem in-
 duerit. Atque, ut nunc nihil de iis dicam, qui,
 propterea Iesum Nazarenum unigenitum Dei
 filium esse, sunt arbitrati, quòd is naturà divi-
 nâ constet ex ipsa Dei patris essentia genitâ,
 que humanam naturam assumpserit, quorum
 sententiam sacris testimoniis confirmari non
 posse, satis jam nostrorum hominum publicè e-
 ditis scriptis demonstratum esse videtur; de iis
 aliquid hîc attingam, contra quorum sententi-
 am vix quidquam nominatim hætenus nostri
 homines in publicum ediderunt: de iis, inquam,
 qui Arrii similes eum vè imitati, Iesum Naza-
 renum substantiam quandam spiritalem pri-
 mam omnium divinitus creatam, esse statuunt,
 que humanum corpus seu carnem induerit. Hi
 enim maximè hominis Iesu Christi exaltation-
 nem obscurant, vel potiùs penitus tollunt; cum
 vix ac ne vix quidem concedant, Iesum Chri-
 stum verum esse vel umquam fuisse hominem;
 quippe

P R Æ F A T I O.

quippe qui vel nullam aliam animam, præter substantiam istam spiritalem humanâ animâ multò excellentiorem, ei tribuant: vel certè mentis seu intellectus humani loco eam in ipso esse velint. Viderunt nempe isti (id quod plerique alii non vident) nullo pacto fieri posse, ut duæ diversæ naturæ, quarum utravis per se subsistere possit & personam constituere, ita simul jungantur, ut unam tantùm personam constituent: præsertim de qua interim tamen essentialiter utravis per se ipsarum naturarum verè ac propriè prædicetur. Quare, cum pro concesso sumant (quod etiam verissimum est) in Christo Iesu unam tantùm esse personam, cumq; in eo filium Dei unigenitum agnoscant, quem personam esse certum est, & cuius per se naturam nihil cum humana natura commune habere, ipsi autumant; neceße habuerunt, veram naturam humanam a Christo Iesu excludere (quippe quæ per se personam constituere sit apta) ac sentire, Christum revera & essentialiter hominem non esse, aut dici posse: sed tantùm, quatenus verum humanum corpus induit. En quò tandem perducatur sententia ista de unigeniti filii Dei, ante Iesum Nazarenum ex virgine natum, existèntia; ut, scilicet, non modò admirabile atque omnium excellentissimum atque humano generi saluberrimum Dei opus in Iesu Christo

P R Æ F A T I O.

Christo homine ad sui æqualitatem evehendo
 obscuretur, sed Iesus Christus verus esse homo
 negetur: id est, ipsa salutis nostræ æternæ ratio
 funditus propemodum evertatur, & sapien-
 tissimum, in via nobis ad immortalitatem tra-
 denda ac commonstranda, ipsius Dei consilium
 pane irritum reddatur. Est tamen, quòd isto-
 rum misereamur, quos in tam perniciosum er-
 rorem sententia ista induxit; cum non pauca
 extent sacra testimonia, quæ hominibus impe-
 ritis & parum firmis videri possint eam con-
 tinere. atque adeò curandum nobis est, ut ejus-
 modi locorum verus sensus, satis licèt iis, qui
 mentis oculos divinis rebus cernendis aptos ha-
 bent, per se clarus & apertus, istis etiam ex-
 plicetur, & patefiat: aut saltem ostendatur,
 multùm abesse, ut ex illis sententia ista elici de-
 beat. Ego sanè, pro virili parte, id præstare
 jamdiu sum conatus: præcipuè verò in disputa-
 tione quadam inter Erasmum Iohannis, & me,
 ex ipsius Erasmi scripto quodam, & mea ad
 ipsum responsione, a me olim composita & con-
 scripta. Anni enim sunt circiter undecim, cum
 Erasmus ipse Iohannis vir eruditus & in sa-
 cris litteris haud mediocriter exercitatus, qui
 nunc Claudiopolitanæ ecclesiæ in Transilvania
 est pastor, Cracoviam primùm, ut arbitror, ve-
 niens, a nostris hominibus petiit, ut sibi liceret

P R E F A T I O.

coram ipsis explicare argumenta quædam, quibus a sententia nostra de nullo reipsa, ante hominem Iesum Nazarenum ex Maria virgine natum, unigenito Dei filio, amplectenda abstergeretur, & in sua huic planè contraria retinenda confirmaretur, licèt alioqui nobiscum de uno tantùm Deo, Domini nostri Iesu Christi patre, consentiret: atque ut simul quæ a nobis ad ista argumenta responderentur, audire posset, eaq; quatenus opus esse sibi videretur, refellere. Annuerunt fratres; & ex ipsius Erasmi voluntate, uni ex ipsorum numero nominatim provinciam ad ejus argumenta coram aliis, qui adfuturi erant, respondendi demandarunt. Is autem unus ipse fui. Itaque biduo amanter & placidè disputavimus, me singulatim atque ordine ad omnia, quæ Erasmus afferebat, respondente: tamen si meæ responsiones Erasmo nequam probari poterant. Haud ita multò post, cum Erasmus Cracoviæ adhuc hæreret, ego verò tunc temporis ruri habitarem, missum est ad me, vel ab ipso Erasmo (nam non satis memini) vel certè ipso Erasmo id curante, ejus scriptum, in quo nostræ disputationis capita se complexum fuisse, profitebatur. Quo perlecto, cum animadvertissem, non solùm (quod ipsemet ingenuè ad finem ipsius scripti fatebatur) multa, quæ a me dicta fuerant, ab Erasmo om-

P R Æ F A T I O.

missa fuisse, sed etiam nonnulla ex iis, quæ non
 omiserat, parum rectè exposita, & simul post-
 modum rescivissem, Erasmum aliquot exempla
 istius sui scripti ad varios in variis locis degen-
 tes amicos suos misisse; decrevi scripto simili-
 ter ea omnia refellere, quæ ipse Erasmus se di-
 centem in suo scripto faciebat. quod etiam bre-
 vi perfecì; & scriptum meum ad amplissimum
 virum Andream Dudithium, multiplici ac va-
 ria eruditione insignem & utriusque nostram
 amantissimum, misi: rogans, ut, eo accuratè
 perlecto, illud quàm primùm ad ipsum Era-
 smum Iohannis, qui jam Cracoviâ, aliò discese-
 rat, transmittere vellet. id quod, licet non tam
 citò, ut voluissem, ab ipso tamen factum fuis-
 se, postea certò cognovi. Ad hoc scriptum me-
 um nihil umquam, quod sciam, Erasmus respon-
 dit. Tantùm (ut quidem audi vi) professus est,
 se, eo lecto, multò magis in sua sententiâ confir-
 matum fuisse. Ex quo summum me desiderium
 cepit, hanc nostram disputationem in lucem e-
 mittendi; ut, scilicet, quando hic labor meus ni-
 hil apud ipsum, cum quo disputabam, profecis-
 set: tentarem an apud alios, aliquid proficere
 posset; & rem totam piis atque eruditis homi-
 nibus dijudicandam proponerem; ut, ex utra-
 cumque parte staret veritas, ea tandem obti-
 neret. Verùm huic meo desiderio satisfaciendi
 nullam

P R A E F A T I O.

nullam antehac facultatem habere potui. Nunc
 verò (Dei, arbitror, providentiâ) cum ea mihi,
 ne cogitanti quidem, mirâ quadam ratione da-
 ta fuerit; nolui occasionem hanc spernere cum
 iis, qui divinarum rerum scientiæ studio tenen-
 tur, hoc, quidquid est, communicandi. quòd
 nimirum id ad scientiam istam, omnium sine
 ulla controversia nobilissimam & utilissimam,
 maximè pertinere videatur. Expenduntur si-
 quidem in hac disputatione, ut antea innuimus,
 & examinantur satis diligenter sacra testimo-
 nia non pauca, & inde petita argumenta, aliæ-
 quæ rationes, quæ cum ipsis consentire viden-
 tur; ex quibus plurimi in ea opinione confir-
 mantur, Vnigenitum Dei filium aliud quidpi-
 am revera esse, præter hominem Iesum Naza-
 renum; ita ut, eâ perceptâ, facile qui vis, quid de
 testimoniis istis sentiendum sit, quæve ratione
 sint explicanda, statuere possit. Hoc tantum
 non leviter doleo, quòd ex ipsius Erasmi Io-
 hannis literis, quas nuper ad me dedit, intelle-
 xi, ipsum gravatè ferre, quòd utrumque hoc no-
 strum scriptum in publicum nunc edatur. id e-
 nim propediem, ut quidem sperabam, futurum,
 jam ipsi significaveram. Voluisset ipse, ut con-
 jicio, prius saltem scriptum suum a me citatius re-
 cognoscere. Itaque, si id mihi fuisset integrum
 (quamquam propter distantiam locorum &

P R Æ F A T I O :

alia impedimenta, diu admodum hanc editionem differre opus fuisset, & interim fortasse huiusce rei facultas, quæ a multis aliis rebus pendet, aliquo modo mihi periisset) facile hac disputatione nostra edenda supersedissem. Sed, cum ipsius litteræ mihi sunt redditæ, jam totum opus, præter hunc primum quaternionem, typis excusum fuerat. Scripsit autem iisdem in litteris idem Erasmus, se hanc controversiam in quodam suo scripto solidè tractasse; quippe in quo & suam sententiam aliquot argumentis accuratè expositis & confirmatis tueretur, & quæ a nobis obijciuntur ordine refellit. Hoc igitur suum scriptum, quod si ei morem gerere voluissem, se statim ad me missurum pollicebatur, ut refutarem, me conari voluisset, & illud unum cum refutatione mea imprimendum curare. Sed præstabit, ut ipse scriptum istud suum edat. ad quod refellendum, si satis ea non esse judicavero, quæ in hac disputatione a me sunt dicta, parvo labore & sumptu, Deo dante, quæ deerunt, separato libello addere poterò. Satis me officio meo satisfecisse mihi videbor, cum hic lectiores monuerim (non obscure enim id ex iis, quæ supra dixi, colligi potest) quid ipse Erasmus de suo scripto, ad quod in hac disputatione respondetur, sentiat: illud, videlicet, imperfectum esse. verum tamen subjungit ipse, se suis

P R A E F A T I O.

se sue tantopere considerare, ut ausit vel ista ipsa paucula sua verba cum prolixis nostrorum hominum commentariis, quos de Christo homine confecerunt, committere. Quocirca doloris, quem ex ipsius litteris me cepisse dixi, ex eiusdem litteris non mediocrem levamen sentio; & spero ipsum tandem, quidquid a me factum est, boni consulturum.

Iam verò tibi, Moscorovi præstantissime, hunc Libellum potissimum inscribere placuit, quòd quamvis, Dei benignitate, noster iam factus; tamen vix ullum in toto hoc regno noverim, qui incorruptius de hac inter me, & Erasmmum Iohannis controversia iudicare queat. Nam non solum ea eruditione atque ingenii ac iudicii acumine polles, quibus paucissimi sunt præditi; sed tanto animi candore ac sinceritate præstas, ut crediderim, facile fore, ut quicumque te noverit, si inter te, & ipsum aliqua de re contendatur, ubi, quid ipse pro se, aut contra te afferat, rectè cognoveris, te unum litis vestrae iudicem libenter sit constituturus. Quid dicam de summa tua prudentia ac multarum, nec sanè minimarum, rerum usu, unde ad graves controversias dirimendas, etiam in iis, quæ ad ipsa nostræ religionis dogmata spectant, plurimum adjuventi omnino comparatur? O felicem illum diem, quo te cætus noster suum esse, plane

P R Æ F A T I O.

se, planè vidit. Nam, ut tu, ex eo tempore, hujus mundi illecebris spretis, & vanis curis relictis, Dei Christique servitio te totum consecrasti, æternæque tuæ salutis, a qua alioqui facillimè aberrasses, certissimam viam es ingressus; sic cætus noster te tanto viro auctus, jam sperare meritò potuit, fore, ut alii etiam præstantes viri, partim exemplo, partim curâ tuâ, ad ipsum se aggregent: & sic tandem aliquando nostrorum hominum innocentia, & verissimæ ac solidissimæ pietatis studium iis omnibus innotescat, qui, quamvis adhuc nobis insensi, prohi sunt tamen alioqui homines, & ad veritatem, si illis clarè ac sincerè proponatur, amplectendam apti, quæ illos ab æterna morte atque interitu vindicare potest, & ad beatam immortalèque vitam transferre. Neque enim id præcipuè nostri homines agunt, ut de Dei Christique essentia inexplicabiles & a sacris litteris abhorrentes sententiæ ex Christiana republica, quantum ipsi efficere possunt, eiciantur, atque ad eò inde perpetuò exulent: sed ut vitæ ex Iesu Christi Domini nostri præscripto puritas & sanctitas, quæ sola ad æternam vitam est via, inter eos, qui nomen ipsius IESU CHRISTI nominant, quos nimis turpe est ab iniquitate non recedere, ita vigeat, ut qui nondum Christò nomen dederunt, incipiant admirabundi de Christianis

2 Tim. 2.

29.

P R Æ F A T I O.

Christiane doctrine præstantia & efficacia serio cogitare, & agnoscere, verè inter eos, qui Christiani vocantur, Deum habitare, ad eum ipsum, a quo Christiani nominantur, ad principem, inquam, & auctorem salutis æternæ, ab ipso Deo mortalibus datum & constitutum, ex animo convertantur. Hoc, inquam, præcipuè nostri homines agunt & curant. & propter hoc unum, quemadmodum de Dei Christianique essentia, sic de aliis non paucis ad Christianam religionem pertinentibus, ut verè certæque & divinis testimoniis consentaneæ sententiæ obtineant, quoad possunt, dant operam. Vident enim his contrarias, quæ ubique ferme hætenus obtinuerunt, opiniones facillè impedire, quominus quis istam, de qua paullo ante dixi, unicam salutis æternæ viam teneat. Cujus rei fidem facere potest vita, quam ii, qui Christiani nominantur, vulgò, jam a compluribus sæculis, ducunt; è quorum numero vix millesimum quemque reperias, qui verè Christianis moribus sit aut fuerit præditus. Illud certissimum esse videtur, nullo modo fieri posse, ut cum verè ac plena rerum divinarum cognitione, quæ passim habeatur, tam diu tam exiguus hominum verè piorum sit numerus. Ea autem de hominum verè piorum numero, qui vel nunc sit, vel jamdiu antea fuerit, affirmo, quæ omnes verissimè

P R Æ F A T I O .

rissima esse, & agnoscunt & ingemiscunt: tot
 catamitarum gravissimarum, quæ Christianum
 orbem, jam per tot secula, miserime affligunt,
 causam merito in ipsorum Christianorum vi-
 tia ac scelera, & qui ubique regnat, luxum &
 voluptariam vitam conferentes. ita ut nihil
 frequentius audiatur, quàm publicè, & voce,
 & scripto, reprehendi mundoque exprobari
 crimina ista. Sed vix quidquam proficitur, aut
 proficietur umquam, vixque a peccati ubique
 regnantis dominatu illi ipsi, qui Christum Ie-
 sum omnis justitiæ parentem se purius multò,
 quàm vulgò fiat, colere profitentur, vindicari
 poterunt, nisi prius salutis æternæ ratio ac fir-
 mamentum dilucidè cunctis appareat. id quod
 sine divina majestatis, ad quam Christus homo
 erectus fuit, vera cognitione, ut ab initio at-
 tigemus, numquam fiet. Nisi enim, eum ipsum,
 qui vie ad æternam salutem consequendam dux
 nobis ac præmonstrator fuit, cum communem
 nobiscum naturam haberet, & sine peccato per
 omnia, ut divina oracula loquuntur, similiter
 ac nos, tentatus fuisset, non modò ad immorta-
 lem beatitudinem pervenisse credamus, verùm
 etiam ipsius immortalis beatitudinis iis dan-
 de, qui ipsum imitati fuerint ejusque dictis pa-
 ruerint, eosque perpetuò fovendi & ab omni-
 bus malis protegendi, plenissimam potestatem
 adeptum

Heb: 4.

35.

adeptum
 fiet u
 piscat
 valde
 sam
 rata
 anim
 stius
 Iesus
 diser
 se m
 Chri
 ad t
 scien
 Et a
 um u
 nem
 filius
 cise
 enar
 quon
 nem
 gen
 tian
 Chr
 me
 mea

P R Æ F A T I O.

adeptum fuisse, nobis certò persuadeamus; vix fiet umquam, ut seridò nostrum quisquam respiciat, & viam istam nobis præmonstratam, valde asperam alioqui naturæque nostræ invisam, ingrediatur ac teneat, seseque ab inveterata peccandi assuetudine ad justitiæ opera ex animo sectanda convertat. Dux autem viæ istius ac præmonstrator, ex ipsius Dei consilio, Iesus Christus homo fuit, nec alius quisquam; disertè Paulo apostolo contestante, unicum esse mediatorum Dei & hominum, hominem Christum Iesum. Quare, istum ipsum hominem ad tantam majestatem erectum fuisse, agnoscendum nobis est. Hoc autem illi demum rectè ac verè facient, qui nullum alium Dei filium unigenitum, ante, aut præter hunc hominem, agnoscent. Certissimum siquidem est, Dei filium unigenitum nobis viam istam patefuisse, & ipsum Deum alioqui invisibilem nobis enarrasse.

1 Timotheo
5.

Ioh: 14
18.

Legant igitur, obsecro, æquo animo ii, in quorum manus ea incidere, hanc disputationem nostram; ex qua minimo negotio intelligunt, nihil esse, cur suspicari quis debeat, aut etiam possit, Dei filium unigenitum ante Iesum Christum hominem extitisse. Tuque, eruditissime Moscorovi, amoris & observantiæ in quem nec hunc tibi inscriptum libellum testem ac

MONT-

P R A E F A T I O .

monumentum perpetuò extare velim , quando non satis temporis habui , ut tibi eum expendendum antea traderem , si quid in eo a me dictum reperies , quod minus verè aut rectè dictum censeas , monere me statim ne graveris ; ut quamprimùm id corrigere aliqua ratione possim , atque , ut te verè dignus hic meus labor aliquando appareat , nec faciliè umquam intereat , curare . Deus celestibus suis donis in dies magis te augeat ac cumulet . Anno a Christo nato C15.10. XCV. die 16. men: Iunii.



DISPUTATIO

Inter Erasmus Iohannis affirmantem, Christum fuisse unigenitum Dei filium, etiam antequam ex virgine nasceretur, & Faustum Socinum contrariam sententiam asserentem. Vbi ille argumentantis, hic verò respondentis partes perpetuò obtinet.

A Fausto quidem scripta; sed ita, ut qua Erasmus dicentem facit, sit (idque, quoad ejus fieri potuit, ad verbum) quidquid ipse Erasmus sibi attribuit in quodam scripto, in quo Disputationis, quam coram cum Fausto hac eadem de re habuit, capita exponere conatus est. Itaque, etsi uterque sic loquens inducitur, quasi res quodammodo agatur; tamen nihil aliud intelligendum est, quàm hic a Fausto ea omnia refutari, quæ vel ad suam sententiam confirmandam, vel ad contrariam labefactandam in eo scripto Erasmus exposuit.

ERASMUS IOHANNIS.

PRIMO omnium fateor, me tecum facere in articulo de uno vero Deo patre, nec trinitatem agnoscere, quam obrem etiam patior persecutionem a Germanis.

A

manis.

Rationes quatuor

manis. Verùm in doctrina de persona & officio Christi nego, me tecum sentire, quamquam paratus sim meliora amplecti, & in tuam sententiam descendere, quatenus eam defendere e scriptura adversus me possis. Atque ut tantò rectiùs error mihi eripiatur, omnino necesse est, ut palàm & ingenuè proferam ea, quibus impediòr, quominus tecum faciam. Ita ad rem propiùs accedo, & quatuor rationes, quibus a tua sententia alienor, & in mea retineor, leviter attingo.

1. Quarum prima est, quòd videatur non parum decedere majestati Dei, dum ejusmodi ei opponitur mediator, qui sit purus homo, qualem ipse doces, etsi majoribus, quàm alii, donis ornatum. Contra verò hac re maximè extolli Dei altitudinem, si credamus, ad eam non patere aditum, nisi per ejusmodi mediatorem, qui sit filius Dei unigenitus, & creator totius mundi, & omnium angelorum & hominum.

2. Secundò non parum detrahitur Christo ejusq; dignitati, si merus homo habeatur, in quo nihil sit essenziale, quod in alio quovis homine non reperiatur, & si per eum opera solummodo redemptionis peragantur, dignè verò honorari Christum si habeatur non solum pro filio Mariæ, sed etiam unigenito filio Dei, cujus essentia longissimè excedat claritate

claritate & splendore omnium angelorum essentiam quantumvis spiritualem, quiq; fuerit ante initium rerum omnium, ac per quem Deus non solum redemerit mundum, sed etiam ex nihilo creaverit.

Tertiò affirmo tuâ sententiâ non leuiter extenuari beneficium redemptionis, ut pote quod per hominem effici potuerit, cum tamen nihil sit hoc beneficio majus, maximè què in hoc elaborandum, ut ejus dignitas omnibus modis exaggeretur. Quod si quis Christum agnoscit unigenitum Dei filium & creatorem mundi, is rapitur in admirationem tam stupendi operis, & cogitur fateri, oportere, omnium maximum esse beneficium, pro quo obtinendo necesse fuerit parentem rerum omnium de cælo descendere, hominem induere, & acerbissimum mortis supplicium subire.

Quartò elogia illa magnificentissima, quibus scriptura insignit Christum, longè esse augustiora, quàm ut cadere possint in hominem, ut, quòd totum vetus testamentum, cujus summa est dignitas, in hunc unum respexit, sacerdotium, regnum, omnisq; ordo prophetarum in Christum quasi digitum intenderint, quem tanto cum desiderio omnes patriarchæ, reges, & prophetæ cum tota ecclesia veteris testamenti expectarint, de quo

4 Rationes 4 Erasmi Iohannis.

Iohannes dicat, dignum se non esse cuius solvat corrigiam calceamenti, qui a Paulo dicitur imago Dei inconspicui, primogenitus omnium creaturarum, splendor gloriæ Dei, & character substantiæ ejus, in quo habitet omnis plenitudo divinitatis corporaliter, per quem omnia sunt condita, de cuius plenitudine omnes accipiunt, quem angeli adorent Heb: i. Hæc, inquam, & alia multa, quæ scriptura Christo tribuit, non quadrant in tam vile subjectum, quale a te constituitur, & quodammodo coarctanda est magnificentia horum encomiorum, quò in Christo homine, utcumque locum habeant. Quod si revera agnoscimus Christum unigenitum Dei filium, quem Deus tantis dotibus exornarit, ut per eum & mundum condiderit, & omnia sua opera exequatur, majestatem suam hæc elogia retinebunt, & optimè in Christum quadrabunt.

Has quatuor rationes, ut dictum est, breviter attigi, quibus fateor me non parum confirmari in mea sententia. Verum nolo nunc de his prolixius agere, nec magnopere ad eas responsum peto. quandoquidem restat quinta ratio, quæ præcipuam vim in se continet hujus controversiæ, qua cadente simul aliæ omnes cadunt: qua stante omnes stant, ad quam proponendam me nunc accingo.

FAUSTUS

Rationum 4 antecedent. Refutatio. §

FAUSTUS SOCINUS.

QUAM QUAM non admodum requiris, ut ad quatuor istas rationes respondeam, tamen, ut, quem admodum instituta disputatio postulat, nihil a te afferatur, sive pro tua, sive contra sententiam meam, quod a me non refutetur eis omnes resellere conabor.

Quod igitur ad primam attinet, Dico eam in priore parte ad propositam inter nos questionem non facere. Querimus enim, utrum Christus fuerit unigenitus Dei filius, nec ne, antequam ex virgine nasceretur, non autem utrum fuerit purus homo. Nihil autem impedit, quominus Christus non fuerit unigenitus Dei filius, nisi postquam natus est ex virgine, nec tamen sit aut fuerit umquam purus homo: At enim ais, tu, eum purum hominem fuisse doces. Primum non credo me umquam de Christo ad istum modum locutum esse. Deinde dico, quidquid ego doceam, hoc extra questionem nostram esse. Sed fac praterea, & me docere, Christum esse purum hominem, & hoc maxime ad questionem nostram pertinere: Nego quidquam vel Dei majestati decedere, vel absurdi in eo esse, quod mediator inter Deum & nos sit purus homo. Id autem jure a me fieri satis indicat Paulus, dum ^{1 Tim. 2.} ^{5.} diserte ait, unum mediatorem Dei, & hominum esse hominem Christum Iesum. Nam alioqui hac simplici hominis appellatione non fuisset contentus; praesertim ubi nihil cogebat Christum hominem appellare; nisi quod sortasse mens Pauli erat significare, Christum Iesum, quatenus est homo, mediatorem unicum Dei &

hominum esse id quod rationem istam tuam apostolico spiritui adversari planè ostenderet. Adhæc, si Dei majestas non ferret, ut ipsius Dei, & hominum mediator eset purus homo, non ferret similiter, ut ejusmodi mediator, purus homo jure existimari posset. Atqui Christus nihil manifestè in se habuit aut fecit, quod purus homo habere aut facere nequeat, si Deus velit. Itaq; purus homo jure existimari potuit, quemadmodum & olim & hodie a plurimis existimatus est; qui tamen, eum servatorem suum & sempiternæ vitæ datorem esse, agnoverunt, quo nihil majus, seu manifestè, sive non manifestè, in ipso vel fuit, vel esse potest. Postremò, quemadmodum nihil Dei majestati ex eo decedit, quòd filius ejus unigenitus summa ignominia & turpissima morte ab hujus mundi principibus affectus fuerit, nempe quia sic salutis nostræ ratio postulabat; sic nihil Dei majestati ex eo decedere potest, quòd purus homo mediator sit inter ipsum & nos. modò sic ratio salutis nostræ requirat; ut certè requiri contendet, quisquis, Christum purum hominem esse affirmat. Immo, cum Dei gloria ex ipsius erga nos benignitate, ac beneficentia maximè appareat, vehementer ejus gloriam amplificat, quòd purum hominem, quales nos sumus, mediatorem suum esse voluerit, eumq; iis donis cumulare, quibus ad ejusmodi munus perfectè obeundum opus erat. non potest autem Dei majestas ea re minui, qua ipsius gloria plurimum amplificatur. Adde, quòd ex ejusmodi donis majestas Dei maximopere elucet; nec persona di-

gnitas tam in essentia ipsa, quam in qualitatibus consistit. Hinc fit, ut persona, quantumvis indigna, eandem prorsus cum dignissima essentiam habere possit, solis qualitatibus ingens, dignitatis ratione, inter utramque discrimen constituentibus.

Iam quod in altera hujus primæ rationis parte, de filio Dei unigenito dicitur, & alibi identidem repetitur, ad rem nullo modo facere videtur, cum neque ego negem, Christum revera Dei filium unigenitum esse, nec quidquam prohibeat, quin purus homo unigenitus Dei filius esse possit. siquidem purum hominem in hac disputatione eum intelligere necesse est, qui hominis quidem essentiam habeat, nec præterea ullam: cæterum qualitatibus cum nullo alio homine communibus præditus esse possit. Quocirca nisi velis, Christum ex ipsa Dei essentia genitum esse (quod te nobile arbitror) nihil est, cur tibi potius, quam mihi, Christum filium Dei unigenitum esse, jure affirmare liceat. Quod verò addis de creatore totius mundi, & omnium angelorum & hominum, dico, te eum tibi fingere, qui numquam fuit præter ipsum Deum; nec si, ut putas, creare est ex nihilo condere, ullo modo esse potest. nam & quidam ex iis, qui alioqui tecum sentiunt, suntque in hac questione exercitatissimi, pro summa blasphemia habent, si quis creationem istam ulli alii præter ipsum solum Deum tribuat; & nominatim si ejus filio unigenito eam tribuere velit. Præterea, cum ipse, ut infra videbimus, non modo fatearis, sed planè contendas, redemptionem præstantius

esse opus, quàm creationem, non video, quid, te ipso iudice, decedere possit majestati Dei, si mediatorem suum eum constituit, qui sit redemptor, quamvis non sit creator.

2. Secunda ratio eodem vitio laborat, quo primam, cum eam resellere institui, laborare ostendi, ac præterea nihil habet, ad quod re ipsa jam responsum non sit, nisi id ipsum, in quo prædictum vitium consisit; id videlicet, quod dicitur de essentia excellentiore. Nam hoc sanè aliquo pacto ad Christi personæ dignitatem amplificandam pertinere posset. Verùm istiusmodi dignitas personæ Christi non adeo querenda est; & multò pluris, quàm ipsa, est estimandum, multòq; magis ad Christi gloriam & honorem pertinere dicendum id, cum quo dignitas ista consistere non potest, quòd scilicet, quamvis, quod ad ipsam essentiam attinet, Christus nihil aliud, quàm homo esset, tamen talem se in voluntariis laudabilibusq; dictionibus, & operationibus præstiterit, qualem nullus hominum præstitit, aut præstiturus est umquam. Huc accedit quòd non tam de ipsa Christi gloria, nedum de dignitate ista, solliciti esse debemus, quàm de Dei gloria. Atqui hæc multò major conspicitur, si per Christum, licet purum hominem, tot tantaq; Deus patrauerit, quàm si eadem per ipsum diviniore aliqua essentia præditum, quamvis ea a se donatum, patraasset. quemadmodum multò magis laude dignus & gloria est artifex quispiam, si instrumento aliquo viliori & ad rem ipsam per se ineptiore opus aliquod insigne faciat, quam

at, quàm si idem opus præstantiore aliquo instrumento, & ad rem ipsam per se aptissimo faceret; quamvis instrumentum illud ab ipso fabricatum esset. sed, etiamsi dignitas personæ Christi omnino quaerenda esset, huc tamen nihil attineret, quod dicitur de essentia ejus ante initium omnium rerum, (si modò ipsum quoque rem creatam esse fateris.) Nihil enim vetat, quominus Christus, licet post tot alias creaturas a Deo conditus, personæ tamen suæ dignitate præstantior sit, quàm ea, quæ prima omnium fuit condita. Immo facile fieri potest, ut quæ omnium prima a Deo fuit condita, omnium vilissima fuerit; videmus enim eundem Deum a vilioribus, id est, inanimatis, incepisse, & ad præstantiora, id est, animata, & tandem ad hominem intellectu præditum, creando, pervenisse: in ea quidem creatione, quam Moses litteris consignavit. Id porrò, quòd ait, dignitati Christi detrahi, si per eum opera tantummodo redemptionis peragantur & non etiam videlicet, creationis; jam satis refutatum est, cum de Dei majestate in mediatore constituendo egimus. Satis enim est, quòd Christus præstantioris cujusdam operis media causa fuerit, quàm sit creatio. nec quidquam ejus dignitati adderet, quòd etiam creationis fuisset. quemadmodum opifici cuiquam, qui domum ab alio ex ædificatam, ab ipsis fundamentis instaurasset, & ad multò elegantioris & præstantioris formam redegit, quàm antea esset, nihil prorsus dignitatis adderetur, si ejus domus, ut antea fabricata erat, ædificator fuisset.

3.

Ad tertiam rationem dico, nullo modo extenuari posse beneficium redemptionis per extenuationem qualemcunque ejus, per quem facta est; cum qualis & quanta ipsa redemptio sit, manifestè constet. Tunc locum fortasse haberet ratio ista, si de qualitate & magnitudine redemptionis minimè constaret; videretur enim ex essentia seu natura non admodum prestante, aut certè non singulari illius, per quem ea facta fuisset, posse colligi, eam non adeò excellentem rem esse. Nunc, quando, qualis sit & quanta redemptio nostra, quoad in hoc seculo percipere licet, aperte intelligimus, nec ea ex majore quadam Christi personæ prestantia, per quem facta est, major apparere potest quàm illi credant, qui Christi personæ prestantiam istam non agnoscunt, nullus rationi isti est locus. Miror autem, quòd Christum, omnium rerum parentem ausus fueris appellare, non modò præter, sed contra universas sacras litteras, quæ unum illum Deum, quem tu Christum non esse, nec ejusdè cum Christo essentia fateris, unum etiam & solum parentem nostrum atque omnium rerum prædicant, & hac ipsa ratione eum a Christo distinguunt. Vix ausi Trinitarius ullus hoc tempore ita loqui, ut tu locutus es. Et sane non vides, te istis tuis rationibus paulatim in Trinitariorum castra reverti. Nam certè, si tu rectè ratiocinaris, ut major Christi personæ dignitas, sic redemptionis nostræ per ipsum factæ beneficium amplius atque augustius omnibus appareret, si Christus ille ipse Deus esset, præter quem non est alius, & de quo

Scriptum

Scriptum legimus, Audi Israel Iehova Deus noster Iehova unus est. Mitto autem, quod in hac tertia ratione extra propositam questionem mihi obijcere videris, non quidem ut in superioribus, quod Christum purum hominem faciam, sed quod hominem illum esse agnoscam, cum videlicet ais, sententiã meã non leviter extenuari beneficium redemptionis, ut pote quod per hominem effici potuerit. Mitto hoc, inquam. Arbitror enim, te ipsa voce hominis purum hominem intellexisse. Quamquam non desunt ex iis, qui tecum sentiunt, qui concedere nolint, Christum esse aut fuisse hominem. Id enim cum vestra sententia prorsus pugnat; nisi velitis, vel Christum esse duplex $\nu\phi\sigma\iota\varsigma\ \rho\theta\omega\varsigma$, sive, ut vocant, suppositum, vel in uno supposito Christo esse duplicem formam essentialem. quod utrumque falsissimum atque aded impossibile planè est. Certè videris tu ipse, omnino hominem ab ipsa unigeniti filii Dei essentia penitus excludere, cum rudiores quosdam Trinitarios hac in re imitatus, extra omnem scripturam dicit, unigenitum Dei filium, quem omnium rerum parentem vocas, hominem induisse. Nam profectò aliud est, quod induitur, & aliud quod induit. Sed non est meum, nunc absurdissima multa, & cum sacris litteris apertissimè pugnantia adeoq; impossibilia persequi, aut ulla ex parte explicare, quæ ex sententia vestra necessario proficiuntur.

Iam igitur ad quartam tuam rationem veniamus, in qua nonnulla dicuntur, quæ infrà diligentius examinabun-

minabuntur, ea, videlicet, quæ aliquod pondus habere
 videntur. Nam quod affirmas, longè augustius esse,
 quàm ut in hominem cadere possit, in unum Christum
 totum vetus testamentum respexisse, & omnia simul,
 quæ sub eo erant, omnesq; patriarchas, reges, & pro-
 phetas cum tota Ecclesia veteris testamenti maximo
 cum desiderio eum expectasse; quod inquam, affirmas,
 hæc in hominem cadere non posse, ne de iis, quæ hic
 pro concessis sumis, quidquam dicam, quorum saltem
 pars in dubium meritò revocari potest; Dico, si ista
 omnia singulatim apertius explicentur, nec sub ver-
 borum involucro principium (quod ajunt) alicubi
 tacitè petatur, planè perspectum iri, tantum abesse,
 ut quidquam eorum in hominem cadere non possit, ut
 nonnulla sint, quæ non nisi homini convenire queant,
 veluti expectatio illa venturi Christi (quæ non sem-
 per, ut tibi videtur, sed aliquando, idq; serò tandem
 in Israël's ecclesia fuit.) Hominem enim expectabant
 Israëlites, quemadmodum etiam illis promissus fuerat,
 ex Davidis semine, nec alius quisquam præter homi-
 nem, Christus esse poterat. Christus enim populi Dei,
 & sic hominum verum & proprium regem significat.
 Atqui verus & proprius rex, ejusdem generis, sive, ut
 logici loquuntur, ejusdem speciei sit oportet, cujus ii
 sunt, quorum est rex, & idcirco homo, quamvis cun-
 ctis animantibus dominetur, non tamen bestiarum rex
 nisi minùs propriè & metaphoricè appellabitur, quem-
 admodum etiam Deus per Metaphoram hominum
 rex dicitur. Quod afferre ex Iohannis verbis, quæ de
 Christo

Christo dixit, id tibi plurimum adversatur. Iohannes enim ibi de Christo, ut homine, aperte loquitur; ut indicat illud ipsum, quod ait, de corrigia calceamenti ejus, & demonstrant alia ejus verba apud Iohannem evangelistam; ubi ad id respiciens, quod pridie ejus diei dixerat, quodq; a te allatum fuit, inquit, Hic est, de quo dixi, Post me venit vir, qui ante me fuit, &c. Cur verò non potuit Iohannes de Christo homine dicere, quòd ipse non eset dignus solvere corrigiam calceamenti ejus? Num fortasse, quia & ipse Iohannes homo erat? Quasi verò inter hominem & hominem summa distantia esse nequeat propter diversas qualitates. An non, si quis ex nobis dicat, exempli causa, Paulum Apostolum fuisse talem Iesu Christi servum, cujus nos digni non fuissetus solvere calceamenti corrigiam, rectissime loquetur, quamvis Paulus, non secus ac nos, homo fuerit? Atqui non minor, immo multò major erat inter Iohannem, & Christum hominem, differentia, quatenus etiam uterque Dei minister erat, quàm inter quemlibet nostrum & Paulum, quatenus & ille fuit, & nos Christi servi sumus. Adde, quòd ibi Iohannes Christum considerat, qualis etiam postmodum futurus erat, idq; quoniam erat certissimum, tanquam rem presentem accipit. Patet hoc ex eo, quòd baptismi sancti spiritus mentionem facit, quem daturus eset Christus, quodq; hujus rei causam nominatim, cum, videlicet, ipse aquam tantum baptizaret, tantoperè sibi Christum presert. Nihil autem esse ex sacris litteris certius potest, quàm, sicut

Ioh: 2.
30.

spiritus

spiritu sancto baptizandi potestatem re ipsa non habuit Christus, nisi post suam glorificationem, sic, ut hominem glorificatum, eam potestatem illum a Deo consecutum fuisse. Iam quantus est Christus homo pre Iohanne, si post suam glorificationem consideretur? tantus nempe, ut proverbiale (ni fallor) dictum illud, quod Iohannes ad id significandum usurpavit, in cuiusmodi tamen dictis hyperbolicum aliquid sine ulla veritatis offensione esse potest, non satis id expressisse videatur. Iam, quod Christus, ut ais, a Paulo dicitur imago Dei conspicui, splendorque glorie Dei, & character substantie eius; hec omnia, inquam, optime ac plenissime Christo homini conveniunt, in quo, & per quem mirabili ratione ipsa Dei gloria apparet, & voluntas apertissime cognoscitur, sequitur ipsum Deus nobis exprimit. Quin etiam ad Christum hominem hec

2 Cor. 4. omnino referenda esse, ipsi loci indicant, ubi ea dicta sunt; quippe in quibus vel paullo ante, vel ibidem de Christo sit sermo, quatenus aut sanguinem suum in remissionem nostrorum peccatorum fudit, aut Evangelium annuntiavit, aut per ipsum Deus hisce ultimis temporibus nobiscum est locutus. Illud certissimum est, ista divina omnia, quatenus ad humanum genus referuntur ad ipsumque pertinent, de Christo dicta fuisse. Quocirca, cum certissimum similiter sit, Christum hominem mediatorem inter Deum & homines fuisse, immo hominem Christum Iesum unicum Dei & hominum mediatorem a Paulo dici, cumque, quod Christus aliter, quam ut homo, humano generi quidquam divi-

2 Cor. 4.

4.

Col. 1.

15.

Heb. 1.

3.

1 Tim. 2.

5.

num impertierit umquam, nihil apertè constet, immo cum nec Christus esse potuerit, ut paullo ante ostensum est, nisi homo, nec Dei filius ille dilectus quisquam disertè usquam dicatur, qui non sit homo, sub quibus Christi & Filii Dei appellationibus ista omnia illi tribuuntur; cum inquam, hæc ita se habeant, nulla causa est, cur dubitare possimus, quin ista ipsa omnia non dicam homini convenient, sed de alio, quam de homine, dici non potuerint. Caterùm, quòd Paulus dicit, in Christo habitare omnem plenitudinem divinitatis corporaliter, & Iohannes testatur, omnes nos de ejus plenitudine accepisse, utrumvis istorum, cur homini convenire nequeat, hæcenus videre non possum. Quod enim attinet ad Pauli verba, in illis, ut ex contextu ipso satis liquet, divinitatis nomine nihil aliud intelligitur, quam ipsius Dei voluntas, quam in Christo corporaliter omnem habitare ait apostolus. id est, totam eamq; solidam (non autem imperfectam & adumbratam ut quondam in Lege Mosis) in Christi evangelio ejusq; præceptis contineri. Quod verò pertinet ad Iohannis testimonium, illud explicatur manifestè per antecedentia verba, adque relationem habet: per illa, scilicet, plenum gratiæ & veritatis. In Christo enim plenissime Dei benignitas & fidelitas in suis promissis servandis exitit, cujus nos omnes participes facti sumus. Hæc autem si quis Christo homini convenire non videt, necesse est profectò eum præjudicata aliqua eaq; firmissima opinione impediri, quominus veritatem manifestissimam cernere queat.

Arbitror

Col: 28

9.

Ioh: 12

16.

16 Rationum 4. antecedent. Refutatio.

Arbitror, me ea dixisse, quæ satis esse possint ad rationem tuam in præsentia refutandam. nam de reliquis nonnullis, quæ ante commemorasti, Christo in scriptura attributis, infra, ut dictum est, disputandum nobis erit. Illud unum, antequam finiam, non reticebo te hic quoque ita locutum fuisse, ut non solum a proposita questione disceſeris, quatenus Christi hominis mentionem fecisti, sed etiam illum, hominem esse aut fuisse non concedas. Id enim hic similiter innuunt verba illa tua, quàm ut cadere possint in hominem. Quod si quanta Dei & potentia & sapientia & erga humanum genus benignitas sit, quantaq; in eo apparere possit, quod Christo homini ista omnia attribui jure posse voluerit, aliquantò diligentius quàm forsasse fecisti, perpendisses; nec sanè ita umquam locutus esses, nec ejusmodi encomia quodammodo coarctanda dixisses, si ad Christum hominem accommodari debeant. quæ omnino suam majestatem retinent, etiamsi per Christum mundus hic aspectabilis, & qui aliquando periturus est, conditus non fuerit, nec omnia sua opera per eum Deus exequatur; dummodo certum sit, ut esse debet, inaspectabilem illum & numquam interiturum, qui nobis futurus est, mundum, per Christum fuisse conditum, & nihil a Deo in Christi ecclesia fieri quantumvis magnum & admirandum, quod per ipsum Christum non fiat.

ERASMUS IOHANNIS.

Cum non hoc agam in præsentia, ut prolixè in quatuor istis rationibus defendendis
 verſer,

verser, eas missas facio, & quintam rationem in manus sumo, a qua tota hæc controversia dependet. Hæc vero ea est. Quod sententiam tuam sententiam defendi non posse, nisi plurima scripturæ dicta violenter torqueantur, & quasi per vim aliò trahantur. Et hæc est inter alias causa, cur alterum quoque dogma longè verissimum de uno vero Deo minùs feliciter progrediatur, quia multi absterrentur ejusmodi contortis scripturæ interpretationibus, quas plerique vestrorum sequuntur in doctrina de Christo, iisque adeò offenduntur, ut ea etiam suspecta ipsis fiant, quæ rectissimè de uno vero Deo contra Trinitatem docentur. Verùm ne temerè id affirmare videar, aliquot argumentis demonstrare aggredior.

FAUSTUS SOCINUS.

Si dogma de uno vero Deo hæctenus minùs feliciter progressum est, quod tamen ego, omnibus rectè perpensis, affirmari posse non crediderim, alia omnino ejus rei fuit & est causa, quàm a te allata. idq; vel ex eo patet, quòd, ut ipse fateris, plerique ex nostris hominibus interpretationes istas sequuntur, quas tu contortas appellas. Nam, cum interpretationes istæ, ut tibi videtur, necessariò ex sententia nostra oriuntur, quam in doctrina de Christo asserimus; perinde est, acsi dixisses, plerosque eorum eas sequi, qui & tecum & nobiscum idem de uno vero Deo contra Tri-

B

ninitatem

nitatem sentiunt. nam sine dubio plerique ex istis-
 dem de Christo asserunt, quod nos asserimus. Ex quo
 constat, sententiam nostram sacris litteris videri ma-
 gis consentaneam, quam tua videatur. tantum abest,
 ut per eam contorqueri scriptura dicta credantur, &
 quodammodo vim pati. Quinimmo, cum magna pars
 eorum, qui hodie nobiscum sentiunt, etiam postquam
 Deum illum Trinum abjecerant, in istis sacrarum lit-
 terarum locis interpretandis tecum olim sentirent;
 ubi sententia nostra doceri incepit, paullatim, inter-
 pretationibus illis relictis, nostras, receperunt: unaq;
 cum iis tandem ipsam sententiam sunt amplexi. Non
 diffiteor tamen haecenus, nihil a nobis editum fuisse,
 quo dicta Scriptura, quae tu intelligis, diligenter o-
 mnino explicata & explanata fuerint; & adhuc iis,
 qui non facile ab inveteratis opinionibus quantum-
 vis falsis discedere possunt, satisfactum a nobis non es-
 se. sed, qui sententiae nostrae veritatem agnoverunt,
 eamq; omni prorsus difficultate & absurditate, sive
 rationem spectes, sive perpetuum sacrarum littera-
 rum tenorem consideres, carere animadverterunt; i-
 baud agrè serunt, si quaedam Scriptura dicta non-
 dum planè intelligunt, nec, qua ratione explicanda
 sint, sic ut eidem veritati nihil prorsus repugnare vi-
 deantur, suspicari adhuc possunt. Tentabo ego, Deo
 adiutore, num ea, quae allaturus es, ita explicari que-
 ant, ut non istis tantum, sed tibi quoque fortasse ple-
 nè satisfiat: tibiq; ipsi appareat, non nostris, sed ve-
 stri

Arg: primi Eras: Ioh: Refut. 19

stris interpretationibus scripturam torqueri, eiq̄ vim afferi. Itaque tua argumenta audiamus.

ERASMUS IOHANNIS.

PRIMUM ARGUMENTUM. Omnis cognitio veri Dei est à Christo Iesu, quemadmodum probatur duobus testimoniis, Ioan. i. *Deum nemo vidit unquam, unigenitus filius, qui est in sinu patris, ipse enarravit nobis, & Matth. ii. Nemo novit patrem (hoc est Deum) nisi filius, & cui filius voluerit revelare.* In sanctis veteris testamenti fuit veri Dei cognitio. Ergo Christum, qui eam sanctis veteris testamenti revelavit, tum fuisse necesse est.

FAUSTUS SOCINUS,

Tuum hoc argumentum, nec omnino id probat, quod tibi probandum sumpstisti, nec cum ipsis testimoniis, quæ attulisti, planè consentit. Probandum enim tibi sumpseras, Christum fuisse unigenitum Dei filium, antequam ex virgine nasceretur, & de filio, seu de unigenito filio testimonia ipsa loquuntur, quæ protulisti; tuum verò argumentum de Christo simpliciter concludit, quòd fuerit ante virginem matrem. Itaque in maiore propositione & in ipsa conclusione pro Iesu Christo, seu Christo, unigenitus filius Dei substituendus est. Iam verò, ut de vi ipsius argumenti agamus, dico, maiorem propositionem nullo modo concedi posse; præsertim, si verbum Est in ea, tamquam rei naturam seu conditionem perpetuam declarans,

B 2

accipia-

accipiatur, & ad omne tempus referatur. nec porro
propositio ista ex allatis testimoniis ulla ratione pro-
batur.

Quod enim attinet ad testimonium posteriore lo-
co allatum; illud nec de omni Dei cognitione, sed
quatenus est pater, eaq; plena, loquitur, nec ad pra-
teritum tempus refertur. Quod loquatur de cogniti-
one Dei, quatenus est pater, ex eo satis perspicuum
est, quod de Patris cognitione disertè in eo verba fi-
unt, nec de alia praeterea. Id quod tu ipse sentiens,
cum illud recitasti, vocem Patrem interpretatus es
Deum. Atqui verum quidem est, patrem istum, esse
Deum; sed ex ipsa voce apparet, illic non considerari
simpliciter, ut Deum, sed ut patrem. Non omnem au-
tem Dei cognitionem, ut patris, esse, nec porro in ve-
tere testamento Dei, ut patris veram cognitionem
fuisse, vel illa Pauli verba ostendunt, Non enim ac-
cepistis spiritum servitutis iterum in timorem,
sed accepistis spiritum adoptionis filiorum, in
quo clamamus Abba, Pater. Quod verò testimo-
nium istud de pleniore aliqua cognitione loquatur,
primùm indicat ipsum verbum graecum $\pi\alpha\tau\epsilon\rho\varsigma$
quod sine dubio plus significat, quàm si simplex ver-
bum $\gamma\iota\upsilon\omicron\sigma\kappa\epsilon\iota$, scriptum esset, ac plenam omnino
quandam cognitionem declarat. Deinde id ex eo de-
monstratur, quod antecedit: neminem, scilicet, nosse
filium, nisi patrem. Nam certè, etiã praeter patrem
sunt, qui filii aliquam cognitionem habeant. Quod si
huc quoque referenda dicas verba illa, & cui vo-
luerit

Rom. 8.
35.

luerit filius revelare; tamen falsum erit, neminem nosse filium, nisi patrem, & cui filius seipsum revelare voluerit: si hoc de qualicumque non autem de plena tantum cognitione accipiatur. Certum est enim, posse diligi a nobis filium, antequam is seipsum nobis revelet. Atqui dilectio sine aliqua cognitione esse non potest. Igitur, etiam antequam filius seipsum nobis revelet, possumus ejus aliquam cognitionem habere. Quod autem possimus filium diligere, antequam is seipsum nobis revelet, probant hæc verba ipsius filii, Qui autem diligit me, diligitur a patre meo; & ego diligam eum, & manifestabo ei meipsum. Idem enim Revelandi, quod Manifestandi, verbum pollere, nemo arbitror negaverit. Quamobrem, si dixeris, hic Christum de pleniore sui ipsius patefactione loqui, nihil est, cur nolis, itidem in testimonio a te allato eum de pleniore ista patefactione locutum esse, ob idq; de pleniore etiam cognitione. nec porro rationem differentie ullam inter hos duos locos, quod ad verbi illius significationem attinet, asserre poteris; nisi id pro concesso sumas, quod vel planè controversum inter nos sit, vel non minus, quam ea, de quibus controversamur, probationis indigeat. Postremò verba simpliciter prolata, simpliciter etiam in dubio sunt accipienda. Verum qui ex parte tantum, non autem ulla ratione plenè aliquem novit non simpliciter eum novit, sed, ut loquuntur, secundum quid. quare nec, se illum nosse, affirmare, propriè loquendo, simpliciter poteris. Hinc dixit Christus, seruum nescire, quid

Ioh. 14.

21.

Ioh. 16.

15.

faciat dominus ipſius, non quòd ex nulla parte id ſciat, ſed quòd non plenè ſciat; quemadmodum ſequentia verba demonſtrant, vos autem dixi amicos, quia omnia, quæcumque audivi a patre meo, nota feci vobis. Quapropter, cum de patre cognoſcendo allatum a te teſtimonium ſimpliciter loquatur; non de cognoſcendo illo etiam ex parte tantum, & ſecundum quid, ſed ſolùm de eo pleniore aliqua ratione & ſimpliciter cognoſcendo verba fieri, niſi aliunde contrarium appareat, concludendum eſt.

Iam, quòd prædictum teſtimonium ad præteritum tempus referri non debeat, planum ſit ex ipſo verbo *ἐπιτύωσκει*, quòd præſentis temporis eſt, nec ad præteritum ullo modo trahi poteſt; niſi forte ſe, ſi jam conſtaret, filium præterito etiam illo tempore fuiſſe. Verùm de hoc aded inter nos non conſtat, ut ſit illud ipſum de quo diſputamus, & quòd ego falſum eſſe conſtanter affirmo; tu verò, ut verùm eſſe oſtenderes, nec aliam ob cauſam, hoc ipſum teſtimonium protuliſti.

Alterum teſtimonium a te allatum, quamvis in priorè parte de omni tempore loquatur, negās. quemquam umquam vidifſe Deum; non tamen de omni tempore in poſteriore loquitur, dum ait, filium unigenitum, qui eſt in ſinu Patris, enarraſſe; nec, quòd loquatur, intelligi poteſt, niſi priùs certum ſit, filium unigenitum ſemper fuiſſe; id quòd, ut dixi, illud ipſum eſt, de quo controverſamur. Quin etiam poſſet filius unigenitus ſemper fuiſſe, & Deum enarraſſe,

nec tamen semper enarrasse. Nec verò est in Evange-
 liste verbis ea vis, quam tu sine dubio existimas; no-
 minem, videlicet, umquam Deum novisse, nisi quate-
 nus Filius enarraverit neque enim, etiamsi verbum
 Videre pro Cognoscere usurpatum esset, hac verba i-
 ipsa præferrent: in quibus præcisè negatur, quem-
 quam umquam Deum vidisse. Iam loci sententia, ipsi
 verbis planè consentanea, hac est: Quamvis nemo um-
 quam Deum viderit, & sic per ejus visionem nemini
 umquam contigerit ipsum Deum cognoscere; tamen
 per filii unigeniti enarrationem Dei cognitionem
 hominibus contigisse. Hoc autem per se nullo pacto
 excludit alias rationes cognoscendi Dei, præsertim
 quocumque tempore. non enim ex simplici eaq; parti-
 culari affirmatione negatio ulla universalis colligi
 potest. Nam, si quis dicat, non esse ibi simplicem affir-
 mationem, propter pronomen Ipse, quod eam vim ha-
 beat, ac si dictum esset, Ipse, & non atius; animad-
 vertendum est, fieri posse, præsertim ex lingue he-
 bræ proprietate, ut pronomen illud nullam vim ha-
 beat nisi exornandi orationem, & nomen, quod an-
 tecessit, quia interposita fuerant illa verba, qui est
 in sinu Patris quodammodo representandi. Exem-
 pla hujus rei in sacrilitteris sunt frequentissima. Præ-
 terea, etiamsi id pronomen vim istam efficiendi ne-
 gationem & ceteros omnes excludendi haberet, pos-
 sent tamen verba illa, Ipse, sive Ille. (ἐκεῖν & enim
 est in græco) enarravit, ita accipi, ut ad præsens il-
 lud sæculum referrentur, non autem ad omnia præ-

verita; quemadmodum accepisse videtur Beza, ad-
 dens in interpretatione de suo verbum Nobis; quod
 verbum tu ipse quoque (quod sanè valde miror, id e-
 nim non parum tibi obest) in ipso testimonio recitan-
 do addidisti. Sed ego & facile concesserim, vim istam
 illius pronomini, & nihil addendum Iohannis verbi
 dixerim. nec tamen ex testimonio isto propositio illa
 tua probabitur. Verbum enim enarravit, quod græcè
 est, ἐξήγησεν, non tantum rectam, ut, quemadmo-
 dum infra videbimus, id verbum accipis, sed simul ex-
 actam expositionem & explanationem rei declarat,
 aut certè declarare potest; que non est necessaria ad
 qualemcumque ipsius rei cognitionem. Quocirca ve-
 rum esse potest, idq; simpliciter, id est, quarumcum-
 que personarum & temporum respectu, solum filius
 Dei unigenitum, ipsum Deum enarrasse; & interim
 non minùs verum esse, ut profectò est, etiam sine uni-
 genito filio Dei aliquam inter homines Dei cogniti-
 onem fuisse. Ex his autem apparet, non modò Iohan-
 nis verba, ut antea dictum est, ad omne tempus non
 nisi ex parte pertinere, verum etiam non de qualibet
 sed de plena Dei cognitione in illis agi, merito affir-
 mari posse. Nec sanè, si de qualibet Dei cognitione in
 illis ageretur, visionis Dei mentio in ipsis facta esset.
 Quandoquidem, aliquam Dei cognitionem etiam si-
 ne ipsius Dei visione haberi posse, certissimum esse vi-
 detur; at plenam cognitionem non item. Itaque si
 quis istorum verborum clariorem explanationem ha-
 bere velit; addat in illorum sententiæ superiore ex-
 positione

positione nostra Plenè, & Plenam ante verba Cognoscere, & Cognitionem. Nos enim id facere propterea omisimus, ut tantò magis constare posset, nulla ratione ex verbis illis majorem tui argumenti propositionem confirmari.

Hactenus a me ita disputatum est, quasi nullum dubium sit, quin in propositione illa tua Omnis cognitionis nomine, quælibet etiam non plena cognitio intelligi debeat; quemadmodum te intelligere certum est. Verùm, si quis esset, qui eodem modo argumentans Cognitionis simplici nomine plenam cognitionem intelligeret, eamq; generalem in Dei populo; tunc major quidem ista argumenti propositio vera esset, cum certum sit, nullam ejusmodi Dei veri cognitionem extitisse, nisi per unigenitum Dei filium. Sed minor propositio esset falsa, neque enim in sanctis veteris testamenti fuit generatim plena veri Dei cognitio. Quin etiam ne in ullo quidem ex ipsis plenam veri Dei cognitionem fuisse, affirmare licet; non quidem (quòd, videlicet, tunc temporis filius Dei unigenitus non fuerit) propter duo ista testimonia a te allata, quorum neutrum de omni tempore prorsus loquitur, prius verò de generali; præterea & publica quadam Dei cognitione accipiuntur; sed propterea quòd ea de re nihil apparet, aut disertè scriptum est. Quamvis enim pluribus in locis legatur, tunc etiam Dei cognitionem extitisse; tamen non simpliciter, sed secundùm quid ejusmodi testimonia accipienda esse, docent apertè plurima alia loca; ex quibus colligitur, plenam Dei

cognitionem sub novo demum testamento contigisse, ac contingere debuisse. Legatur cap: 3. posterioris ad Corinth. & quæ scripta sunt in initio epist. ad Heb. & deinceps pluribus in locis, præsertim verò cap. 2. 3, 7, 8, & 10. & vel ex his cognoscet quilibet, quàm uberius Dei cognitio sub novo testamento extiterit, quàm sub vetere. Quodsi ad ipsa novi testamenti præcepta, quæ explicantur cum alibi passim, tum potissimum Matth. cap. 5, 6, & 7. ad ipsasq; ejusdem testamenti promissiones, quæ & ibidem & alibi exponuntur, atque in epist. ad Heb: cap. 3, meliores iis, quæ in vetere testamento erant, esse dicuntur, respicere velimus, idem confiteri cogemur; maxime cum scriptum sit a Paulo, vita æterna & immortalitatis cognitionem per Evangelium Iesu Christi, quod ipse Paulus prædicabat, contigisse, 2. Tim. 1. id quod alii ex locis, iisque non paucis, satis perspicuum est. inter quos vide 1. Ioh. 1. 2, & 3.

ERASMUS IOHANNIS.

Ego verò in testimoniis a me allatis urgeo particulas universales, Nemo Deum vidit unquam, & Nemo novit patrem sine filio, & dico comprehendere tempus veteris & novi testamenti, & omnes quicumque Deum unquam noverunt, qui aliter accipiunt, is non simpliciter accipit verba sed restringit. Restringit enim verba, qui cognitionem Dei de qua generaliter fit sermo intelligit de pleniore cognitione novi testamenti. Is verò qui affirmat omnem cognitione-

gnitionem huiusce duabus sententiis comprehendendi, non restringit eas, cum de omni cognitione loquantur, & tam imperfecta quàm perfecta cognitio sit cognitio, & tam in Deum norint, qui imperfectè norint, quàm qui perfectè. Deinde, quod ad dictum Iohannis attinet, puerile est, si dicamus, Iohannem loqui de visione oculorum, cum omnibus constet Deum oculis nequaquam videri. Loquitur igitur Iohannes de cognitione mentis, ita ut videre idem sit quod cognoscere; ut sententia sit, Deum a nullo mortalium umquam fuisse cognitum, nisi Christo revelante. Præterea cum postea sequatur, filium exposuisse nobis Deum, hinc facile colligitur, Iohannem loqui de cognitione mentis. Si enim solus filius exposuit nobis rectam Dei cognitionem, sequitur, Iohannem velle dicere, omnem rectam Dei cognitionem longissimè remotam esse a captu omnium mortalium, nisi a Christo exponatur ac reveletur. Quod si prior pars de sensu oculorum esset intelligenda, in posteriore dicendum fuisset, filius, qui est in sinu patris, is fecit ut Deum oculis intueremur. Verùm quia dicitur Christus exposuisse nobis, colligitur priora quoque verba de expositione per filium facta intelligi oportere: ita ut Christus quoque in veteri testamento fuerit fons omnium oraculorum, quæ prophetis sunt patefacta, Christus verò ea a Deo immediate

diatè acceperit, & ecclesiæ suæ per prophetas
revelarit.

FAUSTUS SOCINUS.

Particula universalis Nemo, quæ est in testimo-
nio ex Mattheo prolato, non potest habere eam vim,
ut omnino comprehendat tempus veteris & novi te-
stamenti, & omnes, quicumque Deum umquam no-
verunt. Prohibet enim hoc, ut dictum est, verbum græ-
cum ἐπιγνώσκεις, quod presentis temporis tantum
est, & Cognoscit, sive agnoscit, ut Seba. Castellioni
placuit, verti debuerat, non autem Novit; quod ver-
bum est ambiguum, & tam præteritum, quam præ-
sens tempus significare potest. Nam, si dixeris, quam-
vis id verbum per se presentis temporis sit, tamen
tamquam indefinitum quiddam accipi debere, quod
rei naturam explicet, atque ad omnia tempora per-
tineat; jam ego huic exceptioni occurri, cum dixi, non
posse verbum illud ad præteritum tempus ullo modo
trahi, nisi fortasse, si aliunde constaret, filium præ-
terito etiam illo tempore fuisse; id est, jam certum es-
set illud, quod ejusmodi tractione probare animus es-
set. & dixi fortasse; quia nihil obstat, quominus tunc
quoque filius fuerit, & tamen eo tempore etiam sine
ipso filio quispiam Patrem noverit, immo ipse filius
nondum patrem noverit; quod attinet, inquam, ad
vim ipsorum verborum, Nemo cognoscit patrem,
nisi filius, & cui filius voluerit revelare. Exem-
plo a nobis conficto similis locutionis, res clarior fiet.
Si quis dicat, Nemo præter hunc Regis cubiculari-
am ipsum

um ipsius Regis mentem cognoscit, & is, cui ipse cubicularius patefacere voluerit. Certè, etiamsi constet, istum cubicularium multo ante tempore non solum exstitisse, sed Regis etiam cubicularium fuisse, fieri nihilominus poterit, ut verissima iste dixerit, & interim tamen ante hoc tempus non modo sine cubiculario isto contigerit Regis mentem cognosci, sed ipse cubicularius eam non noverit. quippe quòd is, qui ista dixit, de presente tantum tempore, non etiam de præterito loqui potuerit. Itaque vides, in ratiocinatione tua ex particula universali ducta non uno modo principium peti; & ea pro concessis tacitè sumi, que vel probare ipsa ratiocinatione queris, vel tibi priùs probanda erant. Hoc autem dico, quantum pertinet ad testimonium ex Mattheo prolatum. Nam in testimonio Iohannis fateor, eandem particulam complecti omnes, qui umquam fuerunt; sed non ex simplici vi ipsius particule, verùm ex eo, quòd adjuncta est verbo præteriti temporis Vidit, & addita est alia particula Umquam, que id genus omne tempus comprehendit, quod verbo, cui adheret, significatur. Sed quid hoc ad ratiocinationem tuam? Primum enim Iohannes de visione, ex qua, ut diximus, cognitio oritur, non autem de ipsa cognitione in illis prioribus verbis loquitur. At enim ais, puerile hoc esse, si dicamus, Iohannem loqui de visione oculorum. Respondeo, sive visio ista sit oculorum, seu qualiscumque sit, eam esse quid diversum a cognitione: nec ullo modo puerile censendum, si Iohannes hoc loco de
 ea sit

locutus. Alioqui paeriliter omnino alibi locutus es-
set, ubi non contentus hanc eandem sententiam, De-

1 Joh: 4.

22.

um nemo vidit unquam, totidem verbis absolu-
tè extulisse, (unde apparet eum de visione ista non
autem de cognitione locutum esse, falsum est enim
prorsus, neminem unquam novisse Deum) hoc, in-
quam, non contentus, haud multò inferius scribit,

Qui enim non diligit fratrem suum, quem vi-
dit, Deum, quem non vidit, quomodo potest
diligere? Ex quibus verbis præterea constat, eo sen-
su, quo diximus, sententiam illam supra ab ipso sus-
seprolatam. Pueriliter quoque planè locutus fuisset

3 Tim: 6.

16.

Col: 1.

25.

Paulus, cum asserit, neminem ex hominibus vidisse,
aut videre posse Deum, ipsique invisibilis sive in-
conspicui nomen attribuit. Sed affers rationem tui
dicti; quam non auctoritate solùm, ut jam feci, sed
ratione similiter refutabo. Quia, inquis, omnibus con-
stat, Deum oculis nequaquam videri. Quasi verò ni-
hil sit dicendum, nisi quod aliquo modo ignoratum
sit. Immo scriptores, & quicumque de re aliqua ver-
ba faciunt, persæpe ea dicunt, vel potiùs dicere ne-
cesse habent, quæ sunt notissima; ut inde nimirum e-
orum, quæ docere volunt, & minùs nota sunt, aut si-
dem faciant, aut explicandorum sibi viam parent.
quemadmodum sine dubio hic fecit Iohannes, ut ex
mea loci explanatione superius allata intelligi po-
test; si modò ita notum est, ut dicis, Deum ea visione,
quam ego intelligo, & a cognitione distingvo, nequa-
quam videri. quod dico propter Anthropomorphi-

8as (quos

ras (quos vocant) & alios nonnullos, qui hoc, licet
 verissimum, non tamen facile concedent; & Paulus
 satis ostendit, non esse rem apud omnes certam, cum
 id doceat, nec appareat, ob aliud quippiam demon-
 strandum, hoc ab eo fieri. Deinde fac, Iohannem non
 de visione, sed de cognitione ibi locutum fuisse, quid
 inde concludere poteris? Etenim, si velis, illum de qua-
 cumque cognitione loqui, non solum id, quod falsissi-
 mum est, eum dicentem facies, sed contrarium ejus,
 quod in tua argumentatione assumis. Assumis enim, in
 veteri testamento veri Dei cognitionem fuisse. Quo-
 modo autem hoc verum esse poterit, si nemo ullo co-
 gnitionis genere Deum umquam noverat, cum jam
 vetus testamentum amplius non erat? Nam, quod ita
 accipis verba Iohannis, ac si dixisset, Nemo umquam
 novit Deum, nisi quatenus filius unigenitus enarra-
 vit; hoc est vim manifestam ipsis verbis afferris; in qui-
 bus duae sententiae distinctae habentur; atque in priore,
 ut dictum est supra, praecise negatur, Deum a quoquam
 fuisse visum, & porro cognitum si ibi Videre idem
 est, quod Cognoscere. Quod si velis quidem, Iohannem
 in priore sententia de omni cognitione loqui, seu per-
 fecta, sive imperfecta; sed tamen de immediata, quam
 prorsus neget ulli umquam contigisse, in posteriore ve-
 ro exponat quod nam solum & semper fuerit medium
 cognoscendi Dei; dico nihil constare ex verbis ipsis,
 quod filius unigenitus solus & semper fuerit medium
 cognoscendi Dei quacumque cognitione; sed tantum,
 quod simpliciter fuerit medium cognoscendi Dei; idq;

non quacumque sed pleniore quadam & excellentiore
 cognitione; ut ex iis, quæ ante disputata sunt, facile
 apparebit. Neq; enim, si prior sententia de immédia-
 ta cognitione accipienda est, per universalem illam
 vocem Nemo excluduntur ab immediata cognitione
 alii præter homines: Non excluduntur, inquam, an-
 geli, per quos certum est Deum sapissime se hominib;
 patefecisse, adeoq; legem suam, ex qua factum est, ut
 eum non minima ex parte Israël's populus cognoverit,
 Mosi ac per illum ipsi populo dedisse: Act. 7. 53. Gal. 3.
 19. Heb. 2. 2. Iam, si videndi verbo in priore Iohannis
 sententia non qualibet cognitio intelligenda est, sed
 plena cognitio, quemadmodum ipsum verbum, si ad
 cognitionem referatur, omnino præ se fert; hoc nihil
 te juvat: cum, ut dictum est, plena veri Dei cognitio
 in veteri testamento non fuerit. Sed præstat sanè ad
 ipsam visionem verbum illud referre. Sic enim & ver-
 bum ipsum, ut sonat, accipitur, & planissima alibiq;
 non semel atque adeò iisdem planè verbis alicubi con-
 signata sententia, ex Iohannis dicto colligitur. Mi-
 ror autem, te tantopere negare, contra multorum,
 immo omnium, quos hæcenus legi, sententiam, ver-
 bum illud isto loco de ipsa visione accipi posse, idq; pro-
 pterea quod in sequentibus verbis non de ipsa visio-
 ne, sed de cognitione agatur. cum potius, eò quia in
 sequentibus verbis de cognitione agitur, necesse sit,
 ut in præcedentibus istis de ea non agatur. Siquidem
 in istis præcisa negatio est, in illis autem affirmatio.
 & sic fieri non potest, si utrobique de eadem re agi-
 tur, ut

tur, ut verba ullo pacto cohereant, aut sibi ipsi Iohannes constet. at verò, si primùm de visione, deinde verò de cognitione agatur: & verba ipsa optimè inter se coherent, & Iohannes non modò sibi omnino constat, sed illud dicit, quod appositissimum est, & a Paulo quoque apostolo paucissimis verbis dictum su-
 it. Quid enim est aliud, Christum esse imaginem Dei invisibilis, quàm Deum a nemine umquam fuisse visum vera visione, filium autem unigenitum, illum enarrasse?

Supereft, ut de eo aliquid dicam, quòd ais, me Scripturæ verba non accipere simpliciter, sed restringere; quia videlicet Cognoscendi simplici verbo pleniorẽ cognitionem absolutè intelligo significari, non autem pleniorẽ novi testamenti, ut tu mihi tribuis. Dico igitur, me jam ostendisse, rem potiùs contra se habere, cum ego simpliciter tantùm verba accipiam, tu verò etiam secundum quid. Est autem animadvertendum, non restringi verba, cum eorum propria tantùm significatio retinetur, minus propriã aliquã rejectã. Minus propria significatio verbi Cognoscendi simpliciter prolata est, ut cognitionem ex parte declaret, propria verò, ut plenam; quemadmodum ipse loquendi usus satis docet. Quamobrem qui per verbum Cognoscendi simpliciter prolatum, non ex parte, sed plenam tantùm cognitionem intelligit, is nequaquam verbum illud restringit. Sed qui ex parte cognitionem etiam intelligit, is minus propriè verbum accipit, illudq; quodammodo dilatat; quòd fieri

fieri non debet, nisi faciendum esse, aliunde constet. Nam quod ais, testimonia a te allata de omni cognitione loqui, id nullo pacto admitti potest, cum verbum Cognoscendi & Videndi, quæ tu pro eodem accipis, itemq; verbum Enarrandi simpliciter in ipsis proferantur, nulla universali particula adjecta. Particula enim universalis Nemo nullo modo ad ipsum verbum, sive ad cognitionem eo verbo significatam referri potest; sed ad homines tantum pertinet. hoc autem dico, quia videris, nescio quo pacto, velle, ut particula illa vim habeat ostendendi, de omni cognitione verba fieri. Sed postremò affirmas, tam imperfectam, quàm perfectam cognitionem, esse cognitionem, & tam eos Deum novisse qui imperfectè eum noverunt, quàm, qui perfectè. Ego verò ista pro me nego: & dico, imperfectam, id est, ex parte tantum, cognitionem non tam esse cognitionem, quàm perfectam, id est plenam: neque utramque sub eodem genere univoco comprehendi, sed vel equivoco, vel saltem analogo. Priùs enim omnino & magis propriè, cognitio de plena cognitione prædicatur: deinde verò & minus propriè, de cognitione ex parte. & idcirco verum esse non potest, quod ais, eos, qui Deum imperfectè norunt, tam illum novisse, quàm, qui perfectè; etiamsi, ut apparet, particulas illas tam, & quàm non ad rei intensiorem (ut vocant) sed ad rem ipsam simpliciter in verbis tuis referri velis. Adde verò hoc loco id, quod supra attigimus; videlicet in neutro ex tuis testimoniis verbum Cognoscendi simpliciter.

pliciter scriptum esse, sive id, quod tantumdem valeat. quandoquidem, ut ante dictum fuit, in altero est verbum $\epsilon\pi\iota\gamma\iota\upsilon\omega\sigma\kappa\epsilon\iota\upsilon$, quod plus significat, quam simplex verbum Cognoscere; in altero verò verbum Videre, quod, si ad cognitionem referri debeat, exactam cognitionem præ se fert, & verbum Enarrare, quod de exactiore aliqua cognitione agi declarat.

Itaque tandem, ut arbitror, constat, in testimoniis a te allatis nullam vim esse ad id probandum, quod in argumenti tui majore propositione dicere voluisti, quo minimè probato, argumentum ipsum penitus dissolvi atque evanescere, necesse est.

ERASMUS IOHANNIS.

SECUNDUM ARGUMENTUM. Propono dictum I Cor. 8. Nobis unus tantum est Deus pater ex quo omnia. Hic nulla necessitas cogit, cur restringamus particulam universalem, quominus de omnibus Dei operibus tam creationis, quam redemptionis, accipiamus. Dixit Paulus paulò ante, non esse, alium Deum nisi unum, & idolum nihil esse. Hæc sunt generalia, ideoq; verisimile est, Paulum in genere loqui de omnibus Dei operibus. Igitur particulæ, per quem omnia, quæ sequuntur de Christo, non debent restringi ad opera redemptionis. Opponuntur enim inter se Ex quo, & Per quem, suntq; ejusdem amplitudinis. Præterea Ex quo, significat actionem mediatam, quam Deus efficit non

cit non per se, sed per alium, Per quem verò, immediatam, quam ipsemet Christus efficit Deo mandante ac vires suppeditante. Sequitur igitur, Deum non in se, aut per se, mundum creasse, sed per filium; aliàs tollitur discrimen harum particularum Ex quo, & Per quem.

FAUSTUS SOCINUS.

Hoc secundum argumentum similiter non probat ipsam thesim, quòd Christus fuerit Dei filius unigenitus, antequam ex virgine nasceretur. nec ullo modo corrigi, ut primum potest; cum ne allatum quidem testimonium ad ipsam thesim accommodari queat. Sed si rectè conclusum est, probat tantùm, ipsum Christum fuisse ante illud tempus. Cum autem hoc verum sit commune plerisque aliis, de quibus deinceps videbimus, argumentis tuis, nihil de eo posthac dicam. Sed fingam, thesim, quam tibi probandam suscepisti esse huiusmodi. Is, qui est unigenitus Dei filius, fuit, antequam ex virgine nasceretur (hoc enim a me plane negatur) & ubique pro concessio a te sumi permittam, quod & verissimum est, Christum esse unigenitum Dei filium. Nunc ad argumentum.

In hoc argumento non ostendis, vocem Omnia, in verbis illis ex quo omnia, non debere restringi ad ea omnia, que ad Christi ecclesiam, seu ad Christianos, quatenus sunt Christiani, quoquo modo pertinent. Sic enim interpretor ego vocem illam, eo in loco: non

co: non autem, ut ea tantum complectatur que perti-
 nent ad redemptionem, quamquam posset quis Re-
 demptionis verbum ita late interpretari, ut hoc idem
 esset cum eo, quod ego intelligo. Verumtamen satius
 est sic loqui, ut ego feci, quo omnis ambiguitas tolla-
 tur. Non ostendis, inquam, in argumento tuo, falsam
 esse, nec recipi ullo pacto debere interpretationem
 istam meam. Hoc autem non ostenso, infirmum pror-
 sus est tuum argumentum; cum alioqui certissimum
 sit, voces istas universales sepius debere restringi,
 prout locus, & subjecta materia postulat: quin etiam
 non raro, quamvis nec locus, nec subjecta materia id
 per se requirat, tamē ad absurda vitanda eas restrin-
 gendas esse constet. At enim dices, te ostendisse, vocem
 Omnia, isto in loco, indistinctē sumi debere, & gene-
 raliter: adeo ut ad opera quoque creationis pertine-
 at; cum ibi paulo ante generaliter dicatur, non esse
 alium Deum, nisi unum, & idolum nihil esse. Respon-
 deo, Ista quidem per se esse generalia; sed tamen a
 Paulo Christianis, quatenus Christiani sunt, accom-
 modari: idē, antequam verba illa proferat, ex quo
 omnia. Inquit enim statim post generalia ista, Nam
 et si sunt, qui dicantur dii, sive in cælo, sive in
 terra (siquidem sunt dii multi & domini mul-
 ti) nobis tamen unus Deus, Pater ex quo om-
 nia, & nos in illum & unus dominus, Iesus
 Christus per quem omnia, & nos per seu pro-
 pter ipsum. Vides, apostolum a generalitate illa,
 quam verba præ se ferebant, discedere; tamquam a-
 liquid

liquid difficultatis habiturum esset in ea persistere, ac simpliciter affirmare, Deum unum tantum esse, (quamvis alioqui id recte intellectum verissimum sit) propter eam videlicet causam, quod multi sint dii & domini, aut certe esse dicantur. Propterea concludit, quidquid sit, Nobis, id est Christianis, unum esse Deum, patrem illum, ex quo omnia: ex quo, scilicet, Christiani, quatenus sunt Christiani (jam enim illos a reliquis hominibus distinxerat & separaverat) omnia habent. Quemadmodum igitur dicendo nobis, Christianos intelligit, eosque non quatenus res create sunt, aut homines, sed quatenus sunt Christiani, sic dicendo Omnia, non solum omnia nostra, id est, Christianorum tantum intelligit, sed etiam, ut Christianorum; non autem, ut rerum creatarum, aut etiam hominum. Quod vero omnino respectu Christianorum, idque quatenus sunt Christiani, de Deo loquatur, vel ex eo colligi potest, quod illum Patris nomine vocat, nempe quia illum hoc loco, ut Patrem, & sic Christianorum, quatenus Christiani sunt, Deum considerat. Idem præterea ex eo patet, quod sequitur, & nos in illum, quasi dicat: Quemadmodum a Deo, quem nos Christiani non nisi unum habemus, videlicet a Patre illo ad nos, tamquam filios, omnia proficiuntur, sic nos vicissim in illum unum tendimus, & ad eum, tamquam Patrem nostrum, omnes respicimus, atque aspiramus. Certum igitur esse debet, cum deinde apostolus subiungit, & unus Dominus, Iesus Christus, per quem omnia, Omnium nomine ea omnia intelligi,

relligi, quæ ad Christianos, ut Christianos, perti-
 nent, non autem prorsus omnia, quæ umquam creatæ
 fuere, aut facta, quæve ad quoscumque quacumque
 ratione pertinent; & eum, qui ad hæc vocem omnia
 referat, verborum apostoli sensum corrumpere, & in
 alienam a proposito, adeoq; ab ipsis verbis sententi-
 am, locum transferre. Itaque fateor quidem, opponi
 hoc loco inter se Ex quo, & Per quem, atque inde se-
 qui, Deum hic mediatam, Christum autem immedi-
 atam causam omnium ostendi; sed non prorsus omni-
 um; præsertim verò cali, & terræ, qui creati sunt
 multò ante, quàm Christiani existerent, ad quos o-
 mnia ista omnino referenda sunt. ut alibi quoque sine
 dubio faciendum est; ubi similiter Dei, tamquam i-
 storum auctoris, fit mentio; videlicet, 1 Cor. 12. 6. &
 2 Cor. 5. 18. Ut nihil dicam de articulo in græco non
 minùs hic, quam in prædictis locis voci $\pi\acute{\alpha}\nu\tau\alpha$ id
 est Omnia præposito, qui de cujusdam generis seu
 de quibusdam omnibus sermonem esse videtur indi-
 care. Mitto etiam, quòd oppositio ista verborum Ex
 quo, & Per quem, non est perpetua, quòdq; Deo ipsi
 alibi tribuitur, quòd non modò ex illo, sed etiam per
 illum sint omnia, Rom 11. 36. Heb. 2. 15. id quod quam-
 vis idcirco fieri possit (ut in animadversione fratrum
 secunda, in 19. Assertionem de trino & uno Deo col-
 legii Posnaniensis explicatum est) quia alio sensu di-
 ctio Per ibi accipiat, quàm hic accipitur, tamen
 potest etiam simul fieri, ut ideo in prædictis locis, per
 ipsum Deum omnia esse, fuerit dictum, quòd vox O-

omnia latiùs ibi pateat, quàm hìc (ut certè patet) atque multa etiam comprehendat, quorum nec mediata nec immediata causa Christus sit, & propterea non potuerit dici, ea per Christum esse. Adde autem iùque ante dicta sunt, concedi posse, cum Paulus dicit, Ex quo omnia, Omnium nomine res omnes creatas, cælumq; & terram ipsam debere intelligi; nec tamen inde secuturum, cum deinde àicit, Per quem omnia, eadem omnia significari. Sape enim, ubi una & eadem vox, eaq; etiam non repetita, ut hìc, sed semel tantum expressa, ad plura refertur, solet secundum naturam eorum, ad que refertur, significationem

1 Pet. 4. diversam habere, ut cum Petrus dicit, Tempus esse ut
17. iudicium incipiat a domo Dei, (subaudi & pergat ad impios.) Nam certè alio sensu dictum est ab ipso iudicium respectu domus Dei, & alio, respectu impiorum. Vel, cum auctor epist. ad Heb. ait, Christum non
Heb. 7. habuisse quotidie necesse, quemadmodum pontifices
27. (legales videlicet) priùs pro suis peccatis, deinde pro populi offerre; hoc enim ab ipso semel fuisse factum, cum seipsum obtulit. Hìc enim nisi Peccatorum nomen, quatenus ad ipsum Christum accommodatur, aliter interpreteris, quàm, quatenus ad pontifices illos, aut ad populum refertur, turpissimè blasphemantem facies divinum illum scriptorem. Nihil igitur hìc similiter impedit, quominus vox Omnia ad Deum relata unum significet, ad Christum verò aliud: id est, non tam plenam habeat significationem, cum refertur ad Christum, quàm, cum refertur ad Deum.

quem-

quemadmodum in exemplo proxime allato Peccatorum nomen, quatenus refertur ad pontifices illos, atque ad populum, & reatum & poenam peccatorum significat. quatenus verò refertur ad Christum, poenam tantum declarat, eamque non revera ut poenam, sed ut quae poena esse soleat, mortem scilicet, atque eam anteedentes arumnas & calamitates; a quibus ut ipse quoque liberaretur, Christus seipsum obtulit. Quod si nihilominus necesse esse velimus, ut in loco nostro utrobique vox Omnia idem prorsus significet; certe cum nulli dubium esse possit, ut dictum fuit, quin eiusmodi voces universales sepius restringi debeant, potius ex eo, quod planè verisimile est, vocem istam ad Christum relatam ea tantum complecti, quae ad Christianos, ut Christianos, pertinent, immo ex eo, quod certum est, fieri non posse, ut ad Iesum Christum relatam ea comprehendat, quae fuerunt ante ipsum, Iesus autem ipse Christus verè & propriè loquendo non fuit, antequam ex virgine nasceretur, utrumque enim nomen, Iesus, & Christus, ad illum hominem comminò spectant; ex hoc, inquam, potius statuere debemus, vocem Omnia ad ipsum Deum relatam, eo pacto, quo dictum est, restringendam esse, quam cum istis incommodis & acyrologiis ejus vim planè universalem, cum ad Christum refertur, esse retinendam. Namque praeterea animadvertendum est, Christum hoc loco manifestè tamquam eum, qui revera & pleno jure unicus dominus noster sit, considerari: & idcirco necesse esse, ut eatenus per ipsum omnia esse dicantur,

cantur, quatenus revera ac pleno jure est unicus noster dominus. Atqui asserere, Iesum Christum, nostrum unicum dominum revera & pleno jure fuisse, etiam antequam ex virgine nasceretur, nihil aliud est, quam universam religionem nostram pervertere, ac ludibrio exponere, & ipsas sacras litteras abjicere atq; contemnere; quarum, præter perpetuum sensum, aperta testimonia, que id falsum esse demonstrant, plurima sunt. Sed unum tantum, quod pro omnibus esse potest, brevitate causa attulisse sat fuerit. Inquit **Rom: 14** igitur Paulus ad Romanos scribens, In hoc enim Christus & mortuus est, & resurrexit, & revixit, ut & mortuorum, & vivorum dominetur. ex quibus verbis apparet, Christum non modò, antequam ex virgine nasceretur, sed antequam a mortuis resurgeret, non fuisse revera & pleno jure unicum nostrum dominum.

ERASMUS IOHANNIS.

TERTIUM ARGUMENTUM. Profero dicta Pauli Phil. 2. Cum esset in forma Dei & æqualis Deo, assumpsit formam servi, & factus est obediens patri usque ad mortem crucis, 2 Cor. 8. Nostis beneficentiam Domini Iesu Christi, quod propter nos pauper factus sit, cum esset dives, ut vos illius paupertate ditesceretis. Hinc sic colligo: Summa humiliatio præsupponit summam gloriam & felicitatem, & quicumque ex ditissimo fit pauperrimus, eum ditissimum

sumum ante fuisse necesse est. In Christo hoc accidit. non autem apparet illa felicitas ac divitiarum illarum in Christo versante in his terris, cum eo nihil fuerit calamitosius toto illo tempore, quo in his terris vixit usque ad id tempus, quo crucifixus est & humiliatus usque ad mortem crucis. Ergo necesse est, ut præcesserit eius nativitate gloria illa & beatitudo in cælis; ex qua demiserit se in has miserias & omnium rerum indigentiam nostri causa.

EAUSTUS SOCINUS.

In hac tua argumentatione sumis tanquam præbaturum ex testimoniis a te citatis, in Christo summam fuisse humiliationem, eumque ex ditissimo factum fuisse pauperrimum; hoc ex posteriore, illud vero ex prioris testimonio. Quod in Christo summa fuerit humiliatio id dupliciter potest intelligi, prout nomen summa accipitur, relative scilicet, aut per se sive absolute. Iam si absolute accipitur, falsum est, summam humiliationem summam gloriam & felicitatem que videlicet antecesserit, præsupponere. potest enim ejusmodi summa humiliatio esse, ubi non modo summa, sed ne ulla quidem gloria aut felicitas antecesserit. Quare, si formam servi assumere, & fieri obedientem usque ad mortem crucis, quod Christo in verbis testimonii, que protulisti, tribuitur, summa per se est humiliatio; in quolibet, cui ista contigerint, summam humiliationem fuisse merito dicetur. Sin autem relative

ve nome

vè nomen istud accipitur, summa humiliatio presupponit antecessisse, propriè loquendo, non summam gloriam, nec ullo modo felicitatem, sed tantummodo summam excellentiam, eamq; non absolutè summam, sed summam relativè ad humiliationem. Atqui, si hoc pacto nomen Summa in verbis tuis accipi debet, necesse est, si velis ex loco a te producto probare, in Christo fuisse summam humiliationem, aut simpliciter hæc ipsa, vel similia verba, in quibus tu relationem contineri contendas, ibi esse scripta, aut illud quoquo modo expressum esse, ad quod humiliatio, que ibi similiter exprimatur, relationem habeat. Id, quod priore loco dixi, non est; quemadmodum fatebitur, quicumque verba a te prolata legerit. Neceesse igitur est, ut sit hoc posterius. Quod si ita se res habet, quid attinet dicere, summam humiliationem, que, videlicet, ex citato loco probetur, presupponere summam gloriam & felicitatem, si id quod ex humiliatione Christi relativè accepta colligi potest, ibidem commemoratum fuerit? Et sanè id commemoratum ibi fuit. Nam, ut tu ipse locum citasti, dicitur ibi, eum fuisse in forma Dei, & equalem Deo. Hæc tibi igitur urgenda erant, que ipsum testimonium per se probat, & ex quibus intelligitur, quenam excellentia illa fuerit, que Christi humiliationem antecessit; non autem in genere summa gloria & felicitas Christi (que qualis fuerit, querendum postea sit) ex allati testimonii verbis per argumentationem, perperam colligenda.

Iam verò

Iam verò, quod attinet ad id, quod secundo loco, tamquam ex altero testimonio probatum, te sumpsisse dixi, Christum videlicet ex ditissimo pauperrimum fuisse factum, id nullo modo ex testimonii verbis, qualia tu ipse recitasti, probari videtur. nec enim Superlativa ibi sunt nomina, Pauperrimus, Ditissimus; sed Positiva, Pauper, Dives.

His ita expositis, & demonstrato, te in argumentatione tua vel ea sumpsisse, tamquam per testimonia, quæ protuleras, probata, quorum probatio in illis, ut a te ipso recitata sunt, minime continetur, vel perperam ex eo, quod tamquam probatum sumpseras, argumentatum esse; sequitur, ut videamus, quid tu postea inferas. Quamvis enim satis ex iis, quæ dixi, dissoluta sit universa sermo tua argumentatio; alia tamen ejus vitia adhuc sunt retegenda. Inferis igitur, non apparere illam felicitatem, illasq; divitias in Christo versante in his terris; cum eo nihil fuerit calamitosus toto illo tempore, quo in his terris ante mortem crucis vixit. Quod ad felicitatem attinet, jam dictum est, non esse querendam in Christo ante sui ipsius humiliationem felicitatem ullam, sed tantummodo aliquam excellentiam, quæ citra ullam felicitatem esse potest. Verum fingamus, felicitatem istam esse querendam; unde, queso te, habes, aut quomodo demonstrare potes, nihil Christo fuisse calamitosus toto illo tempore, quod ejus mortem antecessit? Certè in sacra de ipso historia nihil, quod ego meminerim, de ejus statu, & conditione explicite narratur,

narratur, nisi vel, cum planè infans esset, vel, postquam jam annos natus circiter triginta Evangelium predicare incepit. Cur igitur, alios imitatus, (quorum tamen hic invidiam subire nolim) id ita asseras, quod nec tu, nec illi certò scire queunt? De divitiis, dico, Paulum non eas Christi divitias intelligere, quibus calamitates opponuntur, vel opponi possunt. Ejus enim generis divitias Christum habuisse eo loco intelligit, de quib. alibi scribit ad eosdem Corinthios, eos in Christo Iesu divites esse factos in omni verbo, & in omni scientia, ita ut nihil illis desit in ulla gratia spirituales nimirum divitias. Et infra eodem alloquens ait, Iam saturati estis, jam divites facti estis. sine nobis regnatis; & utinam regnaretis, ut & nos vobiscum regnemus. Hic enim similiter de divitiis donorum spiritus sancti sermonem esse, indicant verba antecedentia, quibus monet eos, ut ipsius, & Apollo exemplo discant, propter dona sibi divinitus concessa non superbire, neq. alius contra alium inflari. Sed quid aliunde exempla conquiri? Nonne in ipso testimonio tuo ea verba, ut vos illius paupertate ditelceretis, de hujus generis divitiis sunt accipienda? Neque enim Corinthii hujus vitæ commodis per Christum, sed spiritualibus bonis aucti fuerant; quemadmodum in superioribus exemplis aut expressum est, aut indicatum. Sententia igitur loci a te prolata est, Christum, cum dives esset donis celestibus & divinis operationibus, dum Evangelium regni Dei annuntiabat, postmodum ipsis donis celestibus

2 Cor:1.

3.

2 Cor:4.

3.

cel
tio
tur
lud
cruc
stus
dan
pau
est
qua
ex
com
tea
que
ut
te g
dun
cise
rus
id f

ves
sit i

tion
pos
liar

caelestibus non fuisse usum; divinas autem illas operationes quodammodo abjecisse, & sese illis privasse; runc scilicet, cum se comprehendi, & miris modis illudi, cædi denique ac flagellari, permisit, & tandem crucis morte affici. quæ omnia cum propter nos Christus fecerit, rectè innuit Paulus, eum singulari quadam beneficentia erga nos fuisse usum, nosq; ipsius paupertate fuisse ditatos. Nam alibi quoque scriptum est ab eodem Paulo, per sanguinem Christi gentes, Ephes. 3 que aliquando procul erant, factas esse prope; id est, 13. ex non Dei populo Dei populum fuisse factum, & sic compluribus spiritualibus donis ditatas esse, quib. antea penitus carebant. Propterea hîc Corinthios alloquens, qui ex gentibus erant, propter vos, inquit, & ut vos ditesceretis. Miror autem, te de antecedente gloria, quam ex humiliatione (quamvis non admodum rectè) colligebas, nullam deinde mentionem fecisse. Certe, si hanc Christo adimis, tunc cum in terris versatus est, contra aperta scripturæ testimonia id facis.

ERASMUS IOHANNIS.

Quomodo verò is potest esse beatus & dives, qui non habet, quò caput reclinet, quiq; sit ipsis vulpibus & alitibus pauperior?

FAUSTUS SOCINUS.

De beatitudine jam dictum est, ex ipsa humiliatione, ex qua sola tu id colligis, nequaquam concludè posse, Christum beatum fuisse, antequam sese humiliaret. Quod si tamen posset concludi, ea, quæ tu modo com-

dō commemorasti, quæ beatitudinem excludere vi-
 dentur, non tribuuntur Christo per totum illud tem-
 pus, quo ante mortem in terris versatus est; sed ea de
 se Christus affirmat tunc temporis, cum jam post tri-
 gesimum suæ ætatis annum evangelium Dei annun-
 ciaret, nec ullum locum, ubi requiesceret, haberet.
 De divitiis, etsi, quod ad ea attinet, quæ a te com-
 memorata sunt, idem responderi potest; tamen addo,
 jam me exposuisse, quæ ratione hîc in terris Christus
 fuerit dives, divitiis, videlicet, non terrenis, sed ce-
 lestibus: non carnalibus, sed spiritualibus: eumq; tunc
 factum fuisse pauperem, cum se illarum usu privavit.
 Quamquam verbū græcū ἐπιτωχευσε, non significat
 revera, Pauper est factus, sed potissimum Mendica-
 vit; aut certè hoc non minùs, quàm illud significat.
 Hac autem significatio rectissimè cum mea divitia-
 rum Christi interpretatione convenit. Translatio est
 enim elegans ab aliquo, qui multas pecunias habe-
 ret, quiq; quantumvis revera dives eset, mendica-
 re tamen sustineret, ac pauperum sortem subire.
 Namque simili modo Christus fecit. Cum enim iis do-
 nis celestibus eset a Deo ditatus, quibus innocentia-
 am suam asserere, eamq; omnibus patefacere ac pro-
 bare potuisset, atque, inimicis suis prostratis, splen-
 dorem & dignitatem suam retinere ac tueri, in ta-
 men aliquando nulla ex parte est usus; sed ea ultro
 passus, quæ antea dixi, & tamquam si homo sors at-
 que alienæ op̄is indigus eset, ita se gessit, & homi-
 num omnibus celestibus donis destitutorum sortem
 subijt.

subijt. Notandum est enim, in Pauli verbis non haberi vocem ullam, quæ indicet, divitias Christi, unâ cum ipsa mendicitate seu potius mendicatione non fuisse: sed simpliciter dici, eum mendicasse, cum esset dives, ἐπὶ ἡλικίᾳ, πλούσιος ὢν, Ad verbum, mendicavit, dives existens; ex qua loquendi forma aperte potius indicari videtur, eodem tempore eum & divitem fuisse, & tamen mendicasse. Huc accedit, quòd, si quis pertinaciter neget, Paulum, cum, Christum divitem fuisse, dixit, de divitiis illis spiritualibus locutum esse; non videtur saltem posse negare, illum divitem dici posse, cuius in manu sit, quantumcumque velit divitiarum habere; in Christi autem manu, dum hic in terris ageret, positum fuisse summam sibi opes ingentemque pecunie vim comparare, ea, videlicet, potestate, qua tot alia planè admiranda faciebat, nemo, arbitror, non confitebitur. quod cum facere noluerit, sed pauper esse elegerit; rectè ob hanc causam dicere potuit Paulus, Christum, cum dives esset, pauperem nostri causâ fuisse. Nam, Pauperem esse, significat verbum πτωχέω, ubi a Mendicandæ significatione recesseris: non autem, ut arbitror, Pauperem fieri. Cujus verbi dum propriam & usitatam significationem diligenter inquirò, incidi in Lexicum quoddam, ubi hæc verba habentur: Paulus de servatore 2. ad Corinth: cap. 8. ὅτι δι' ὑμῶν ἐπὶ πτωχίᾳ, id est, vestra causa, ut mendicus, nihil possidens aliorum opibus eguit, cum tamen locuples esset. Ex quibus apparet,

D

eorum

eorum auctorem, quisquis fuerit (linguae autem graecae peritum eum fuisse necesse est) in interpretatione verbi *πτωχὸς* hoc loco ea in parte mecum maxime facere, quod non Pauperem fieri, sed pro Paupere se gerere significet; & porro in eo mihi astipulari, quod ista divitiae Christi una cum ista ejusdem mendicitate seu paupertate essent.

ERASMUS IOHANNIS.

Nego, Christum verè dici beatum divitem & gloriosum inter tot difficultates & defectus, imò tum revera dico fuisse pauperem, cum in terris versaretur, & praecipuè cum fungeretur munere docendi.

FAUSTUS SOCINUS.

De beato & divite, itemq; de paupere Christodum in terris versaretur, supra satis responsum est. De glorioso verò iterum dico, nec humiliationem omnino praesupponere antecedentem gloriam, sed tantummodo excellentiam, nec Christum gloria caruisse, cum in terris versaretur, & tunc maxime, cum docendi munere fungeretur. Neque enim suis modò discipulis aut quibusdam ex apostolis tunc gloriosus extitit, Ioh. 1. 14. & 2. Petri 1. 17. sed etiam in aliorum conspectu gloria fuit praeeditus, Ioh. 2. 11. Ex quo loco perspicuum est, non solum, Christum apud populum gloriosum fuisse (nam, si cum unum tantum signum, idq; non adeo mirandum, in privato loco edidisset, dicitur gloriam suam patefecisse; quid dicendum

Arg. 3. Eras: Ioh: Refut.

Sc
endum est, cum tot tantaq; alia signa publice edi-
dit) verum etiam gloriam istam ex miraculis factis
manasse. unde sequitur, cum ipse velis, Christi sui i-
psius humiliationem fuisse glorie sue abjectionem
quandam, te negare non posse, tunc Christum seipsum
humiliasse, cum mirabilia illa opera facere destitit,
nec potestate, qua illa faciebat, ad se e manibus suo-
rum inimicorum, atque ex tanta ignominia & morte
liberandum, usus fuit: nec necesse esse, ut aliam quan-
dam gloriam comminiscaris, qua quia privatus fue-
rit, humiliatus jure dici possit, eamq; ad id tempus re-
feras, quo ipsum Christum fuisse non constat, immo
ex hac nec ullo modo necessaria & plane incerta glo-
ria, eum tunc fuisse statuas, cum nondum natus erat
quo nihil absurdius excogitari potest.

ERASMUS IOHANNIS.

Rogo te, an non inter se opponuntur di-
vitiae Christi & paupertas, humiliatio item &
gloria, & quidem eodem respectu?

FAUSTUS SOCINUS.

Omniò, si paupertatem, & divitias Christi ea-
dem modo accipiamus. Sed tu sine dubio loqueris, au-
certè loqui debes de divitiis, & paupertate Christi,
de quibus loquitur Paulus in loco a te citato; ubi, ut
suprà ostendi, paupertas non intelligitur re ipsa &
verè, quemadmodum intelliguntur divitiae; ex quo
fit, ut (id quod etiam ex verbis ipsis colligi potest) &
bas, & illam simul eodem tempore in Christo fuisse
D 2 affirmare

affirmare liceat. Verumtamen, ut veritati inquirendæ amplior sit locus, concedo tibi, eas inter se opponi. ac præterea, quamvis hoc, propriè loquendo, verum non sit, concedo tibi, humiliationem præsupponere antecedentem gloriam; & fateor, Christum antequam se humiliasset, fuisse gloriosum, gloriamq; istam, & humiliationem similiter inter se opponi.

ERASMUS IOHANNIS.

Atqui gloriæ Christi opponitur ignominia & mors crucis; & sic ejus divitiis opponitur paupertas & defectus tum aliarum rerum tum etiam hujus vitæ commodorum. Ergo gloria quoque Christi, quæ hanc mortem crucis & divitiæ quæ hanc ejus summam inopiam præcesserunt, simul includunt felicitatem & affluentiam commodorum, quæ vitam reddant suavem & ab ea omnem miseriæ & calamitatis sensum depellant. alias non rectè opponerentur ignominia & calamitatibus vitæ Christi. Cumque nihil tale reperiat in Christo, quamdiu doctoris munere perfectus est in his terris, ad aliud omnino tempus hæc felicitas pertinet, nempe id quod præcessit ejus natiuitatem ex virgine.

FAUSTUS SOCINUS.

Aferis, Christi divitiis opponi paupertatem & defectum, tum aliarum rerum, tum hujus vitæ commodorum.

modorum: nec id tamen ulla ratione probas; licet hoc illud sit, de quo hoc loco potissimum controversamur. Fortasse credis, te id satis probasse, quia supra commemorasti, Christum (quemadmodum ipse partim dixit, partim tu eum dicentem facis, ut mox docebo) non habuisse, ubi caput reclinaret, & ipsis vulpibus & alitibus pauperiorem fuisse. Nam, quamvis hoc nihil prorsus ad rem faciat, non possum aliud invenire, ex sacris litteris a te allatum, quod huc ullo modo pertinere queat. Iam istud quid, queso, ad probandum, quenam sit illa Christi paupertas, quæ ejusdem divitiis opponatur? Primum enim in Christi verbis nulla paupertatis expressa mentio, quæ omnino requiritur, cum de ipsius verbi vi agatur. Etenim, quamvis tu, dum eorum verborum sententiam exponere tentas, dicas, Christum fuisse vulpibus & alitibus pauperiorem, tamen non sic locutus est Christus (nec sane audiivi umquam, bestias pauperes vocari) nec aliud de se reipsa dixit, quam, se non habere, ubi caput reclinaret; cum tamen & vulpes sua lustra, & volucres cali suos nidos haberent. id quod non ad paupertatem, sed ad calamitatem illam est referendum, quam secum trahebat Evangelii prædicatio; cujus causâ nec ullo in loco quiescere poterat, & non facile inveniebat, qui eum hospitio reciperet, (paullo enim ante, ut est apud Lucam, in quodam Samaritanorum vico non fuerat ei concessum diversorium: sed una cum suis discipulis inde fuerat exclusus; quò sine dubio hæc ejus verba respiciunt.) Cujus rei voluisti

Luc: 9.
 38.

monere illum, qui dixerat, se secuturum ipsum quocumque ivisset; ut, scilicet, si id facere vellet, ad ejusmodi incommoda perpetienda se pararet. Neque enim ullo modo apparet, istum sic locutum fuisse, quia, ut quidam sunt arbitrati, divitias a Christo speraret, quemadmodum in quibusdam latinis codicibus in margine ad eum locum annotatum fuit huiusmodi verbum, Sequens Christum ob divitias. & si apparet, potius inde colligi posset, Christum ditissimum fuisse. Deinde fac, ibi disertè scriptum esse, Christum fuisse pauperrimum, idque propter defectum tum aliarum rerum, tum hujus vitæ commodorum; certè nulla ibidem divitiarum Christi, quas ante hac habuisset, & quibus paupertas ista opponatur, fit mentio. Nam quid non potuit alia ratione ibi pauper vocari Christus, quàm a Paulo tum dictus fuit, cum ejus paupertati ejusdem divitias antecedentes, ut tibi placet, opposuit? Non sic igitur tibi agendum erat: sed probandum, in ipso Pauli loco de paupertate ista verba fieri, ut inde ejusdem generis divitias fuisse demonstrares, quibus ibidem illa opponitur. Quod cum nullo profectus pacto seceris, nec facere possis; sequitur, rationationem tuam in hac parte omnino inanem esse. In qua parte explicanda, sanè miror, quòd tam firmiter asseverare ausus fueris, Christum fuisse pauperrimum, & summè inopem rerum hujus vitæ: cum tamen ex Iohannis Evangelistæ verbis liqueat, illum una cum suis discipulis, qui eum comitabantur, habuisse in Iudæa Iscariotæ manibus communi marsupium, unde etiam

de etiam aliquid pauperibus dandum promi soleret.
Ioh. 12. 6. & cap. 13. 29.

Iam quod dicit de ignominia & morte crucis, que Christi glorie opponatur; id supra satis aperte concessi, cum dixi, me tibi concedere, Christi humiliationem ejusdem glorie opponi. Certum est enim, Christi humiliationem, de qua loquimur, eam, videlicet, cujus meminit Paulus ad Philip. 2. fuisse ignominiam & mortem crucis. Sed paullo ante ostendit, quoniam Christi gloria illa fuisset, eaq; certa & testatissima, cui ista recte opponerentur, quaeq; proxime & ignominiam, & mortem crucis antegressa esset; nec de alia incompetissima quadam Christi gloria, que ejus nativitatem antecesserit, per absurdum querendum esse docueram. Quod si recte intellexeris umquam, quid sit forma illa Dei, in qua Christus erat, illaq; ipsius cum Deo equalitas, cujus ibidem Paulus mentionem facit, que illa sunt revera, quibus Christi humiliatio opponitur, quam postea subjungit; id enim ex ipso contextu apertissimum est; Si recte, inquam, id umquam intellexeris, tunc fateberis ipse ingenuè, ratiocinationem tuam, hac etiam in parte, nihili esse, nec ex eo loco quidquam contra sententiam meam concludi posse; cum ista de Iesu Christo ipso, ut verba sonant, non autem de filio quodam Dei unigenito, qui ante Iesum Christum natum extiterit, dicta fuerint: haec autem illa sint, quibus potissimum ex loco illo sententia mea oppugnari posse videatur. Poterunt autem fortasse nonnihil ad totum locum intelligendum.

intelligendum te iuvare ea, quæ de eo scripsi in mea profratribus responsione ad Andreæ Volanum, licet, ut Trinitarium, paullo aliter locum illum accipientem, ac tu facias. Ceterum libet adhuc tibi ostendere, etiam si quæ, abs te de divitiis & gloria Christi dicta, hæcenus refutavi, verissima essent, te tamen hæc rectè argumentum tuum conclusisse: id quod in universa ejus conclusione collegisse, quod ex istis nullo modo sequitur; ac præterea, si rectè conclusa esset argumentatio tua, in absurdissima quadam devenire, necesse omnino futurum.

Concludis igitur, cum ista divitiæ, ista quæ gloria, atque adeo beatitas, quæ Iesu Christo ante paupertatem & humiliationem tribui in sacris litteris, tibi probasse videris, in ipso non fuerint versante in terris, necesse est, ut eas in celo habuerit, ex ipsa nostra causa se in has miseras demiserit, & omnium rerum indigentiam: & consequenter, ut illæ ad illud tempus pertineant, quod ejus ex virgine nativitatem præcessit.

Sed primum, unde (obsecro) habes, hæc omnia a Christo absuisse toto tempore, quo versatus est in terris, antequam crucifigeretur? Certè, ut supra admonui, quid egerit Christus, quove in statu ejus res fuerint, antequam evangelium prædicaret, aut, ad illud prædicandum accingeretur, nihil sermè commemoratum est a sacris scriptoribus, præter quedam pauca, quæ illi in prima infantia contigerunt, quæ, cuiusmodi fuerint, nihil ad rem faciunt; cum nec in ætate

illa per se ulla ferè ratio conditionis vitæ, ac fortunæ hominis habeatur, & spatium deinde usque ad Evangelii prædicationem interceperit viginti quinque plus minus annorum, cum Christus, ut ex sacra ipsa historia colligere licet, vix trigesimum tertium sue ætatis annum exceperit, cum est crucifixus. quo toto viginti quinque annorum tempore, nihil de eo memoriæ traditum in sacra historia invenimus, nisi ea, quæ scripsit Lucas cap. 2. non multò ante finem usque ad tertii initium; ex quibus vix quidquam de conditione vitæ, deq; statu rerum ipsius sciri potest. Hoc ipsum, ut videtur, tu ipse cum animadvertisses, id, quod in argumento proponendo de toto tempore dixeras, quo Christus versatus est in terris, ad finem tuorum verborum, ut vidimus, te ipsum quodammodo corrigens, de eo tantum tempore dixisti, quo doctoris munere in terris functus est.

Verùm finge deinde, certissimum esse, Christum hic in terris, postquam ex virgine natus est, perpetuò contemptum, pauperem, & calamitosum fuisse; numquid gloriam, divitias, & felicitatem in hoc ipso annorum cursu aliquandiu in celis habere non potuit, quas nostri causâ reliquerit, ut, scilicet, in terris salutem nostram operaretur, nempe Evangelio nobis prædicando, eoque pluribus modis confirmando, ac deniq; obedientiâ suâ erga Deum usq; ad mortem crucis viâ nobis ad calum patefacienda? Nam, si dixeris, neesse futurum, si hoc verum esset, Christum hoc eodem tempore in celo fuisse, de hoc autem nihil scri-

Ioh: 6.
62.

prum extare; Primum respondebo, Immo id scriptum
 esse, ubicumque ipse de se affirmat, vel quod descendi-
 rit de celo, vel quod fuerit in celo; præsertim cum
 licubi de se sub nomine Filii hominis, & sic de se homi-
 ne ista dicat. Deinde affirmabo multò minùs constare,
 Christum fuisse, antequam ex virgine nasceretur,
 id quod tamen necesse est, si tua argumentatio rectè
 est conclusa. ex quo sequitur, te quodammodo pro-
 cesso tacitè sumere illud ipsum, quod argumentationis
 tua probare debes; Quasi jam certum sit, Christum
 ante illud tempus fuisse, & nihil aliud queratur, nisi
 utrùm ante, an verò post, istam gloriam, divitias, &
 felicitatem habuerit. Nam certè non concluditur, tunc
 ipsum, quod probandum sumpsisti, videlicet, ante il-
 lud tempus Christum fuisse: sed, ante illud tempus eum
 ista omnia habuisse. At dices, si ista omnia tunc habu-
 it, consequitur necessariò, ipsum tunc fuisse. Respondeo
 non proprie consequi, sed hoc in illo contineri, & ab
 illo, ut loquimur, præsupponi. Ex quo intelligitur, non
 in hoc tantùm sed & in plerisq; aliis tuis argumentis,
 in quib. idem re ipsa fit, esse tacitam quandam prin-
 cipi petitionem; que cum circa affirmationem rei ver-
 setur, que alioqui per se planè paradoxa est, ac per al-
 furda, quempiam, scilicet, fuisse, antequam ex matre
 sua nasceretur; quelibet exceptio, etiam parum pro-
 babilis, cui modo qualibet ratione, locus esse possit. Iu-
 ris est ad argumentationes istas tuas infirmandas et
 dissolvendas.

Sed jam absurda videamus, que omnino conse-
 quuntur

quantur, si rectè argumentum tuum conclusum est. Ea duo sunt. Vnum est, quòd Iesus Christus in celo, antequam ex virgine nasceretur, eas divitias, eamq; gloriam & felicitatem haberet, quibus paupertas, ignominia, & miseria hujus vite opponuntur. Itaq; ex vi argumenti tui dicendum est, eum in celo tunc habuisse aurum, argentum, vestes, suppellectilia, prædia rustica & urbana, armenta, greges, & id genus alia, quibus ejusmodi divitiæ continentur, populi præterea auram & plausum, ejusdemq; salutationes, acclamationes, encomia, celebrationes, & reliqua, in quibus ea gloria consistit: & denique, ut tuis verbis utar, affluentiam commodorum, quæ vitam reddunt suavem, & ab ea omnem miseriæ & calamitatis sensum depellunt. namque hæc commoda tu ipse Christo in eo statu tribuis, quibus addi possunt honestæ voluptates. His enim simul junctis (quoniam hic de felicitate humana non admodum subtiliter agitur) ea felicitas contineri dici potest. Hæc autem Christum in celo habuisse, præsertim quod pertinet ad divitias, an non res est planè absurdissima?

Alterum absurdum est, quòd homo ille, qui crucifixus revera, & mortuus est, extiterit in celo, ipsius Dei manibus fortasse, ut Adam in terra, formatus, aut ex alia quapiam virgine natus, antequam ex Maria virgine, Augusto imperante, nasceretur. Nam præterquam quòd is homo, qui crucifixus revera & mortuus est, ex argumentatione ipsa tua, ille ipse est, qui ante omnia bona ista habuit aliquando; nemo etiam,

nisi verus

nisi verus homo, ejusmodi bonis frui potest. Hoc autem an non absurdissimum jure dici possit, tu ipse judicato.

Sed quod postremo omnem vim tuo argumento penitus adimit, est quod Pauli testimonia illa duo, quibus totum innititur, de divitiis & de gloria Christi loquuntur, quæ notæ illis essent, ad quos scribebat, atque compertæ. quemadmodum in loco ad Corinth. verba illa docent, Nostis, seu scitis enim, &c. & in utroque id demonstrat, quod Iesu Christi exemplo eos movere vult. Exempla autem, movendi causa, non solent proponi, nisi rerum, compertarum apud eos ipsos qui movendi sunt, aut saltem ejusmodi, quas ita se habere illi facile investigare queant. Atqui quod Christus divitias ullas aut gloriam habuisset, antequam ex virgine nasceretur, id nec ullo modo istis, ad quos Paulus scribebat, jam compertum esse poterat, nec, etiamsi verissimum fuisset, illud investigare ulli prorsus ratione potuissent.

ERASMUS IOHANNIS.

QUARTUM ARGUMENTUM. Christus Iohan. 8. dicit, Amen amen dico vobis antequam Abraham fieret ego sum. Ergo Christus fuit ante Abrahamum quatenus est unigenitus Dei filius & non tum cepit esse totus, quando ex virgine fuit natus. Nec alia est mens istius loci siquidem quaestio est An Christus Abrahamum viderit; quod de se affirmat Christus, Iudei gant. Tu, inquiunt, nondum es natus annos quinquaginta, & Abrahamum vidisti.

Christus

Christus negat se tam recentem esse, imò verò ante Abrahamum fuisse, ideoque illis mirum videri non debere, si Abrahamum vidisse se dicat.

FAUSTUS SOCINUS.

Ratio, quam affers, cur Christi dictum aliter accipi non possit, ac tu unà cum plerisque aliis illud accepisti, inanis censeri debet, cum planè falsum sit, Christum affirmasse, se vidisse Abrahamum, qui ne ab Abrahamo quidem visum se fuisse affirmavit. id quod est quidquid ex Christi verbis colligi posse videtur, & tuæ aliorumque sententiæ aliquo modo favere. Et tamen id verissimum esse potest, etiamsi Christus, antequam ex virgine nasceretur, non extiterit. Quandoquidem Abrahamus propheta erat, ipso Deo teste, Gen. 20. 7. Prophetæ autem futura videbant; unde etiam apud Hebræos Videntes olim sunt appellati, Sam. 9. 9. Verba Christi, ex quib. tu sine dubio, nescio tamen quo pacto, colligis, eum de se dixisse, quod Abrahamum viderit, in vulgatis codicibus sic leguntur. Abraham pater vester exultavit, ut videret diem meum; & vidit, & gavisus est. Videre diem alicujus non est propriè ipsum videre; multò autem minus ab ipso videri. Sed, ut plerique hodie hunc locum accipere videntur; est adventus in hunc mundum & actionum illius notitiam aliquo modo habere. Quamquam diem suum hoc loco potuit Christus vocare alterum adventum suum. quemadmodum alibi & ab ipso & ab ejus apostolis sæpe vocatur.

tur. Præterea sciendum est, in græco verba Exultavit, Vidit, Gavisus est, esse Aoristis expressa, ἠγαλλίσσατο, εἶδεν, ἐχάρη. quæ verba ita possunt accipi, ac si potentialis (quam vocant) particula cum illis fuisset addita, & ad hunc modum verti: Exultasset, Vidisset, Gavisus esset. Nam præter ipsam græcæ linguæ consuetudinem, quæ hoc fert, atque alia exempla in ipsis novi testamenti scriptis verba illa, quæ paullo ante idem Christus de eodem Abrahamo iudæis Iudæis dixit, Ἦν Ἀβραάμ οὐκ ἐποίησεν. quæ vulgò reddita sunt, Hoc Abraham non fecit, potius reddi debuerant (ut Wolsfg. Musculo placet, atque Henr. Bullingerus locum explicat) Hoc Abraham non fecisset; quemadmodum unusquisque facile confitebitur, qui locum ipsum inspexerit. Et sanè in loco nostro multò credibilius est, Christum de Abrahamo affirmasse, id quod verisimile planè erat, Abrahamum, videlicet, summè desideraturum fuisse, ipsius diem videre, eoq; viso, gavisurum, quàm id, de quo nihil prorsus constabat, nempe, Abrahamum rerè summè desiderasse, ut ipsius diem viderit, eumq; vidisse, & gavisum esse. Lingua porrò, qua locutus est Christus, sententiam, quam ego magis probos non aliter explicare potest, quàm per simplicia præterita, quæ, ut in verbis græcis factum est, ambiguum reddant sermonem. quam ambiguitatem ideo conservare voluit Iohannes, ut sequentibus Iudæorum verbis aliquis locus esse posset; ut tunc fuerat, cum res acta est, quam nobis ob oculos ponere voluit. Quidquid verò

de hoc

De hoc statuendum sit; illud indubitatum est, Christum,
 contra quam tua ratio pro concesso sumit, non dixisse,
 Abrahamum a se fuisse visum. Itaque, ut dixi, ea
 inanis censenda est. Adde, quod illi nullus locus esse
 potest, nisi Christi dictum, quod tu attulisti, ita aut
 legatur, aut saltem jure legi possit, quemadmodum tu
 ex vulgatis interpretationibus illud citasti. Atque
 Grammatica ratio nullo modo patitur, ut in eo lega-
 tur Fieret, sed, ejus loco Fiat legendum esse, omnino
 ostendit; id est, verbum græcum γένεθαι non præte-
 riti, sed presentis temporis verbo cum futuri tamen
 significatione in latina interpretatione reddendum.
 Quamvis enim modi infinitivi & aoristi temporis ejus-
 modi voces, & ad præteritum, & ad futurum tempus
 accommodari per se queant; tamen, ad utrum accom-
 modanda, certo quodam in loco sint, indicant ibidem
 adjuncta verba. Si quis igitur nosse velit, in illis verbis
 πρὶν ἢ ἂν παρὰ μὲν γένεθαι, utro tempore vox γένεθαι
 accipienda sit, oportet inspicere, utrius temporis, præ-
 sentis, an præteriti, sit verbum illud, a quo ista per-
 det. Nam si presentis aut futuri temporis fuerit: verbo
 presentis temporis reddenda erit vox γένεθαι; sin
 præteriti, verbo præteriti temporis. Atqui duo sunt
 verba, a quorum altero necesse est ut ista pendeant,
 λέγω, quod antecessit, & εἶμι, quod sequitur. U-
 trumque autem presentis temporis est. Ergo fieri non
 potest, quin vox γένεθαι verbo presentis temporis
 reddi debeat, Et sanè nemo fuit hactenus, qui, cum
 nihil

nihil alioqui de vulgata interpretatione a quoquam dubitaretur, & verba illa, Antequam Abraham fieret, quæ pro grecis istis $\pi\rho\iota\nu\ \alpha\beta\rho\alpha\alpha\mu\ \gamma\epsilon\nu\epsilon\delta\alpha\iota$ posita sunt, a verbo Sum, id est, $\epsilon\iota\mu\iota$, quod sequitur, pendere existimarentur, manifestum in Christi dicto solæcismum esse non dixerit. nec alia ratione illum ferè excusabant, nisi quod cum proprium (ajebant) Dei sit, semper esse, non autem aut fuisse, aut futurum esse, Christus se esse ipsum Deum hoc pacto significare voluisset. quæ ratio quàm levis sit, atque adeò inepta & falsa, nunc non est opus explicare; sed satis est dixisse, eam tibi placere non posse, qui confiteris Christum, non esse ipsum Deum. Igitur nihil dubitare debes, quin ad solæcissimum istum evitandum Fiat, non autem Fieret verbum $\gamma\epsilon\nu\epsilon\delta\alpha\iota$ vertendum sit. Quamquam non est, ut arbitror, membrum illud tertius periodi, $\pi\rho\iota\nu\ \alpha\beta\rho\alpha\alpha\mu\ \gamma\epsilon\nu\epsilon\delta\alpha\iota$, conjungendum cum verbo $\epsilon\iota\mu\iota$, sed cum verbo $\lambda\epsilon\gamma\omega$; & vox $\epsilon\tau\iota$ seu Quod, quæ omnino subaudiri in hac periodo debet, non ante ipsum, sed proximè ante verbum $\epsilon\iota\mu\iota$ statuenda, ut totus locus latinè sic reddatur. Amen Amen dico vobis, antequam Abraham fiat, quòd ego sum. Nam & hæc locutio, Ego sum, simpliciter & absolutè ab eodem Christo est usurpata non solum alibi apud hunc scriptorem, videlicet infra cap. 17. 19. sed etiam in hoc ipso cum Iudæis sermone, idèq; bñ, id est, supra v. 24. (ubi etiã eadem sermone, quam hic esse mox docebo, sententia habetur)

& 28. & ista conjunctio verborum Dico, seu Dixi vo-
 bis, cum Antequam, adeoq; sequente verbo Fiat, quod
 in græco similiter est $\gamma\epsilon\upsilon\epsilon\delta\alpha\epsilon$, non est sine exem-
 plo in ejusdem Christi verbis apud hunc ipsum scri-
 ptorem. Sic enim locutus ab eo scribitur, tum in ante
 citato loco cap: 13. v. 19. tum verò cap; 14. v. 29. ubi
 in græco scriptum est $\pi\epsilon\gamma\iota\upsilon\gamma\epsilon\upsilon\epsilon\delta\alpha\epsilon$ quemadmodum
 & hic. Ostendi, ni fallor, Christi dictum non posse,
 Grammaticæ ratione salva, legi, ut tu illud recita-
 sti; & quomodo legendum sit, docui. Unde necessariò
 sequitur, argumentum tuum ex eo ductum nullo pa-
 cto consistere, nec te quidquam ad sententiam tuam
 stabiliendam inde elicere posse. Id quod satis superq;
 est, ut tibi a me hac in parte satisfactum esse confite-
 ri debeas. Verùm quia fortasse præterea quæris, quid
 igitur sibi velit Christus isto suo dicto; hic quoque, si
 poterò, tibi satisfaciam. Nam profectò, quemadmo-
 dum loci lectio a me exposita, cum germanissima sit,
 non idcirco reiici debet, quia fortè non intelligatur
 ejus sententia (neque enim hic solus locus obscurus est
 in sacris litteris; licet nihil dubitetur quomodo sit le-
 gendus) sic quærendum est diligenter, an sententiam
 quoque ipsam verè ipsius loci germanam asequi pos-
 simus. Id autem non admodum difficile videtur con-
 sideranti nomen Abraham posse vel ipsum hominem,
 cui hoc nomen a Deo impositum fuit, significare, vel
 id, quod ipsum nomen declarat, & propter quod illi
 homini a Deo fuit impositum, id est Patrem multitu-
 dinis seu multarum gentium. Si priorem significati-
 onem

onem simpliciter hoc loco sequaris; nihil sanè intelliges. Constat enim, hominem illum Abrahamum fuisse factum, id est, natū esse & exiitisse, multò ante, quam hæc verba Christus proferret. At si alter am amplectaris, aut priorem etiam, verū non simpliciter, sed secundū quid, id est, quatenus homo ille Abraham Pater multarum gentium est; omnia plana sunt, & sensus verborum Christi est, monere Iudæos, ut antequam gentibus fides & pœnitentia ad vitam detur, atq; ut populus Dei sint, cōcedatur, credere velint, ipsum esse Christum Dei filium ipsiq; fidem habere; alioqui videlicet futurum, (quod & alibi sæpe illis comminatum fuerat) ut, gentibus in regnum Dei admisis atq; receptis, ipsi eo priventur, & foras ejiciantur. Nam cerè Abraham, quatenus est, aut significat Pater multarū gentium, non fuit factus neq; exiitit, donec gentibus fidei donum fuit a Deo datum. Quoniam enim Abraham homo ille Deo insigniter præ ceteris, qui ante ipsum fuerant, Deo confidit, propterea exemplum fidei in Deum omnibus est deinceps propositus, & metaphorice omnium Deo fidentiam pater dictus. & quia multe gentes olim Deo fidem habituræ erant; idcirco potissimum Pater multarum gentium est a Deo nominatus & constitutus. Quæ omnia luculenter satis docet atque explicat Paulus ad Rom: cap: 4. Iam verba illa Christi, Ego sum, significare, Ego sum lux mundi, servator, redemptor, denique Christus Dei filius, demonstrant alii loci, quos ante indicavi, in quibus ea leguntur. Iudæos verò, postquam gentes

per fidem in Deum verum patrem domini nostri Iesu Christi populus Dei sunt factæ, repulsos quodammodò fuisse, nec illis generatim viam ad salutem amplius patere, donec plenitudo gentium, ut Paulus loquitur, Rom: 11: 25, ingrediatur, apertius est, quàm ut probari debeat. Satis est autem ad id percipiendum ea legere quæ idem Paulus scribit ad Rom: cap: 11.

ERASMUS IOHANNIS.

Fateor me per omnem vitam meam non magis contortam scripturæ interpretationem audivisse; ideoque eam penitus improbo.

FAUSTUS SOCINUS.

Cum primùm Fatendi verbum in tuis verbis animadverti, sperabam, te potiùs fassurum nullam in vita tua scripturæ interpretationem te audivisse, quæ hac sit aut acutior aut verior, quæve magis divinum quid sapiat, & a Deo ipso patefactam fuisse præ se ferat. Ego quidem certè non leves conjecturas habeo, illum, qui primus etate nostra eam in lucem protulit (hic autem is fuit, qui primus quoque sententiam de Christi origine, quam ego constanter defendo, hac etate renovavit) precibus multis ab ipso Christo illam impetrasse. Hoc profectò affirmare ausim, cum Deus illi viro permulta aliis prorsus tunc temporis incognita patefecerit, vix quidquam inter illa omnia esse, quod interpretatione hac divinius viderè queat. Tibi tamen, ut ais, planè contorta visa est. Cur verò? Nam, aut Christi verba concedis legi debere.

vel saltem posse, ut ego legenda docui, aut non concedis. Si concedis; nulla causa est, cur interpretationem hanc contortam esse dicas, immo cur eam ipsis verbis accommodatissimam esse non fatearis: atque ad eam solam esse, que illis accommodari queat. Sin autem non concedis, & vis omnino locum non aliter legi debere, atque hactenus plerique senserunt; tu is es, qui unà cum aliis scripturam contorques, & illius verbi manifestam vim affers; cum, ut supra ostendi, nulla grammaticæ ratio patiatur, ut ad istum modum hic locus legi debeat. Sed, ut conjicio, durum admodum tibi videtur, quòd Christus ad illud ipsum non respondeat, quod Iudæi dixerant, eiq; objecerant. Ego vero contrà, durum omnino videri debere existimaverim, si Christus istorum hominum perversitatem atque stultitiam quodammodo approbasset; illiq; tacite concessisset, se id dixisse, quod nullo modo dixerat, quodq; nec ad institutum sermonem quidquam faciebat, & planè falsum ac ridiculum meritò visum fuisset, nullaq; præterea alia ratione, quàm ipsius Christi simplici aßeclaratione, confirmari potuisset. Hinc patet, quàm non rectè in argumento tuo explicando ea verba dixeris, quæstio est an Christus Abrahamum viderit, quod de se affirmat Christus, Iudæi negant. nam quomodo ea de re questionem instituisset Christus, cujus veritas investigari nullo pacto potuisset, nisi quatenus sensus ipse communis dicitur id falsissimum esse, quod ipse in ea questione affirmasset ac defendendum suscepisset? Nisi igitur
 velimus

velimus, Christum contra Sapiens præceptum stul- Prov: 26
 ris secundum stultitiam illorum ita respondisse, ut 4.
 stultus & ipse unà cum illis videri posset, statuendum
 est prorsus, eum ad illud ipsum, quod ludæi ipsi obje-
 cerant, minimè respondisse; sed potius ut mea inter-
 pretatio fert, ad institutum antea sermonem eos suo
 responso revocasse; qui totus in eo versabatur, quòd
 ipse esset Dei filius, cujus verbis credere illi deberent,
 & nisi credidissent, futurum esset, ut funditus peri-
 rent; & interim tamen, ut idem Sapiens eodem in lo-
 co monet, secundum illorum stultitiam ita respondisse,
 ut sibi sapientes esse minimè videri possent: sed po-
 tius agnoscerent, se, qui illum in verbis capere volu-
 erant, ac mendacii coarguere, meritò ab ipso unius
 verbi ambiguitate delusos, & suæ stultitiæ ac perversi-
 tatis, mirabili elegantia & brevitate sermonis, se-
 verè admonitos & castigatos fuisse.

ERASMUS IOHANNIS.

QUINTUM ARGUMENTUM. Propono
 locum Heb: 1. v. 10. Tu domine initio terram fun-
 dasti; ipsi peribunt, tu autem permanes. Eo enim
 dico luculentissimè probari, Christum fuisse
 filium Dei unigenitum, per quem Deus mun-
 dum creavit, priusquam ex virgine nasceretur.
 versatur siquidem autor hujus epistolæ in hoc
 argumento, ut ostendat dignitatem Christi,
 supra omnes angelos & homines. idque probat
 primùm excellentiore nomine, quod sortitus
 sit præ angelis, quia dictus sit filius Dei v. s. De-

E ;

inde

inde v. 6. probat excellentiam Christi supra omnes angelos argumento adorationis, quam angeli debent Christo, & ad id probandum citat testimonium ex Psal: 97. Tertio arguit excellentiam Christi ex eo, quòd thronus eius dicitur durare in seculum ex Psal: 45. Quarto adducit testimonium Psal: 102. idquè conjungit cum prioribus conjunctione Et, v. 10. ne quis dubitet de intentione auctoris; & probat opere creationis dignitatem Christi supra angelos. Cum igitur certum sit, hoc dictum Psal: loqui de prima creatione, eamquè tribuere Christo, necessariò sequitur, Christum esse eum, per quem Deus mundum non solùm redemerit, sed etiam creavit ex nihilo, nec posse aliter hunc locum accipi, nisi quis velit torquere.

FAUSTUS SOCINUS,

Au, auctorem epistolæ ad Heb: versari in hoc argumento, ut ostendat dignitatem Christi supra omnes angelos & homines. id quod etiam ad primum ejus epist: caput privatim refert; ut ex iis, que subiungu, satis liquet. De angelis verissimum dicitur de hominibus autem, nequaquam. Sed est tuum additamentum. ex quo, si verum esset, colligeretur quodammodo, Christum non fuisse hominem. nam & supra ostendi, te non semel perinde locutum fuisse, ac si Christus non esset homo, aut certè homo simpliciter appellari

appellari non posset. Iam verò, ut ad argumentationem tuam veniamus; quòd asseris, auctorem illum, dum assert, ad Christi dignitatem probandam, Psal: 102. illam colligere ex opere creationis; id prorsus nego. Nec verò, ut arbitraris, id sequitur ex eo, quòd ibi de creatione agatur. neque enim totus ille locus idcirco a scriptore illo assertur, quòd totus, id est, quidquid ibi de Domino illo dicitur, qui a principio nominatur, & compellatur, ad Christum pertineat: precipuè verò id, quod primo versiculo comprehenditur. sed ideo primus quoque versiculus assertur, quia alioquin ea, quæ sequuntur, & ad Christum ea ratione pertinent, quam postea explicabo, nullo modo intelligi potuissent. Et profectò videmus, quotidie hoc ipsum contingere, & apud omnes scriptores usitatissimum, ipsa nimirum necessitate cogente, esse, ut in testimoniis, ipsarum etiam divinarum litterarum, afferendis integri loci recitentur, quamvis non omnia illorum verba, ad rem faciant. id quod supra hoc eodem cap: factum fuisse, a quibusdam animadversum est. nempe in afferendo testimonio Psalmi 45. Nam quid, obsecro, ad Christi excellentiam supra angelos probandam pertinent verba illa? Virga æquitatis virga regni tui; Dilexisti iustitiam, & odisti iniquitatem. Nonne hec omnia multis aliis regibus, & partim etiam longè inferioris conditionis hominibus convenire possunt? Sed quia intertextata ea verba aliis verbis erant, quæ proprie, & ut sonant, accepta, illi tantum convenire possunt, qui an-

gelis sit dignior atque excellentior; propterea una cum illis ea quoque attulit auctor epistolæ. Similiter in loco nostro, quia verba, quæ ad propositum ipsius faciebant, quorum initium est ibi, Ipsi peribunt, &c. ab iis, quæ versiculo superiore continentur, prorsus pendebant, nec sine illis ut dictum est, intelligi poterant; idcirco ista quoque recitavit, vel potius recitare necesse habuit, quamvis ad ipsius propositum non facerent.

Sed dices, Certum est, & ista, & sequentia de uno eodemq; dici; quare, si sequentia de Christo dicuntur, necesse est, ut ista quoque de Christo dicantur. Respondedo, sequentia ad propositum facere, quamvis de Christo ipso nec simpliciter, nec præcipuè dicantur, sed de Deo. Nam ideo ad propositum faciunt, quia, quæ in illis de Deo ac præcipuè simpliciter dicuntur (sunt enim omnia futura) in Christo implenda erant, ut eo, qui viva imago est ipsius Dei; Quemadmodum etiam paullo ante citatus est ex Psal. 97. locus ille, Et adorent eum omnes angeli Dei, & de Christo acceptus. non quòd ibi verba ista proprie atq; absolute de Christo fuerint dicta (patet enim unicuique superiora legenti, aut certè admodum verisimile est, de Deo ipso illa fuisse dicta) sed quòd in Christo, quo adorando, ipse Deus adoratur, id erat implendum. Est enim in eo psalmo, ut omnes animadvertent, de Christi regno, sub ipsius Dei persona, vaticinatio. nimirum quia regnat & regnaturus est ipse Deus per Christum. Sic in loco nostro, licet totus Psalmus nihil aliud sit,

ad sit, ut inscriptio ipsa docet, quam precatio ad ipsum Deum; tamen a versiculo 14. ad finem usque, inest ibi vaticinatio satis aperta de salute, quam Christus Dei nomine nobis attulit, & de mutatione hujus seculi per eundem Christum facienda, in aliud, scilicet, longè melius & præstantius, deq; ipsius Christi æterna duratione. Quatenus igitur de hisce rebus ibi est sermo, eatenus etiam, nec ulterius, quidquid ibi dicitur, licet de Deo simpliciter dictum, ad ipsum Christum simul pertinet. Non enim, ut quibusdam Iudaico spiritu imbutis placuisse video, censendum est, hunc scriptorem loca ista attulisse, non ut revera ex Spiritus sancti mente ad ipsum Christum pertinentia, & de ipso Christo aliquo modo dicta, sed tantum ut a se illi accommodata; quod & aliis plerisque in locis factum fuisse in novi testamenti scriptis volunt, cum testimonia ex veteri citantur, & ad Christum referuntur. Namque hoc (quod alicubi sanè fieri, non negamus) ubicumque ejusmodi testimonia afferuntur ad aliquid de Christo divina auctoritate probandum & confirmandum, quemadmodum hic sine controversia factum fuit, nihil aliud est, quàm, ut leviter dicam, novi testamenti scripta omnia falsitatis suspecta reddere, eaq; deridenda cunctis exponere. Quin immo, nisi etiam iis, ad quos hic auctor epistolæ eam scribebat, vel jam constitisset, vel facile constare potuisset, scripturæ locos ab ipso allatos ad Messiam pertinere, frustra & prorsus ridiculè eos attulisset. Vnde etiam sit, ut nullo pacto tamquam ad suum propositum faci-

entia ea prima verba hujus testimonii asserre poterit; in quibus de celi & terra creatione agitur; Quamdoquidem Hebræis nec constabat, nec constare poterat, hanc partem, que nullam vaticinationem per se continet, ad Messiam pertinere. cum omnes indubitate de Messia in vetere testamento sententiæ in futurum respiciant; quippe quod Messias nondum existisset, sed extiturus esset. Quod verò & ipse episcopus auctor quacumque de Christo testimonia in medium protulit, ea ut in futurum, illius temporis ratione, quo scripta fuerunt, respicientia protulerit; perspicuum est ex eo, ad quod probandum ea prolata sunt. Id autem illud sine dubio est, quod superioribus illis verbis continetur, Tantò melior, id est, præstantior, angelis effectus, quantò differentius, id est, excellentius, præ illis nomen hæreditavit. Ex quibus intelligitur, non conferri Christum cum angelis simpliciter & in universum, adeò ut originis etiam, & essentiæ, quam semper habuerit, ratione cum illis conferatur; sed tantum eorum ratione conferri, que a Deo exaltatus obtinuerit, & hereditario quodam jure consecutus sit. Id quod planissimum præterea faciunt verba, que proximè antecedunt; & quando hoc fuerit, demonstrant. Verba, inquam, illa, et quibus hæc, que modo recitavi, inseruntur, purgationem peccatorum faciens (vel, ut greci codices habent, per semetipsum purgatione peccatorum nostrorum facta) sedit ad dexteram majestatis in excelsis. *Illico enim sequitur, Tantò &c. Tantò*

igitur, Christum præstantiorem angelis factum fuisse, affirmat hic divinus scriptor, cum, aut postquam, purgatione peccatorum nostrorum per seipsum facta, sedit ad dexteram majestatis in excelsis. Quis igitur non videt, fieri non posse, ut ad præstantiam Christi præ angelis, quam ipse intelligit, & ex sacris litteris deinde confirmare aggreditur, testimonium aliquod attulerit, ubi cali & terre prima creatio Christo attributa fuerit? vel, ut ipse ad eam confirmandam (quamquam id, ut dixi, alioqui etiam prorsus ridiculè fecisset) Christo creationem istam attribuerit, & locum aliquem de ea loquentem ad ipsum ulla ratione accommodaverit? Ista enim creatio hanc Christi præ angelis excellentiam longissimo tempore antecessit.

Huc accedit, quòd quidam ordo apparet in iis recensendis, quæ sacras litteras Christo tribuere scriptor noster ostendit; qui ordo planè perverteretur, si in testimonio, de quo disputamus, Christo prima rerum creatio tribueretur, & ob hanc causam, ut tibi videtur, illud fuisset allatum. Etenim in primis duobus testimoniis, quæ simul assert, tribuitur Christo, quòd sit filius Dei, & Deus illius pater, quòdq; Deus illum quodam die genuerit; quod nondum extitisse, quando dictum fuit, id est, tempore regis Davidis, demonstrant verba futuri temporis Ero, & Erit, quæ in posteriore testimonio leguntur. Quando verò id propriè & revera extiterit, docet Paulus Act. 13. v. 33. prius testimonium de Christi resurrectione accipiens. atque id ipsum ostendit ipse auctor hujus epistolæ, sive is su-

eria

erit idem Paulus, seu quisquis alius, dum cap. 5. v. 5. eundem locum ad inaugurationem a Deo factam sacerdotii Christi refert; iis, inquam, ostendit, qui ex pluribus locis ejusdem epistolae didicerunt, Christum non ante fuisse nostrum sacerdotem consecratum, quam mortem fuerit expertus, & immortalis factus.

Sequitur testimonium adorationis, quam Christo debent ipsi angeli. Atqui ejusmodi adoratio non fuit debita Christo, nisi post mortem crucis, tamquam premium summae obedientiae, quam Deo praestitit, ut Paulus docet ad Philip. cap. 2. v. 9, 10, & 11. adeoque post ejus assumptionem in caelum, & immisionem in hereditatem futuri saeculi. Nam scriptor noster aperte indicat, se non de alia adoratione testimonium a se allatum accipere, quam de ea, quae secuta est introductionem primogeniti in orbem terrarum, id est, ejusdem Christi in futurum non quidem ipsi Christo, sed nobis orbem terrarum. De hoc enim terrarum orbe se loqui testatur auctor ipse paullo infra, id est, cap. 2. v. 5. Consecuta autem est possessio futuri saeculi ejusdem Christi resurrectionem & immortalitatem. Possessionem verò ipsam consequitur regni duratio aeterna; quam comitatur amplitudo divinarum donorum, & potestatis, ultra omnes alios, qui a Deo donati & exaltati fuerunt, aut futuri sunt umquam. Itaque subjicit testimonium Psal. 45. ubi ista habentur; cum quo conjungit testimonium hoc Psal. 102, quippe in quo eadem regni aeterna duratio commemoratur; & simul hujus saeculi mutationis, qua regnum perficietur.

perficietur & stabilietur, sit aperta mentio. Quae omnia id necessario secum trahunt, quo ipsius Christi & membrorum ejus summa felicitas & gloria continetur, quodq; quanta Christi excellentia sit, apertius, quam caetera omnia, declarat; hoc est, victoriam & triumphum de omnibus inimicis, potissimum verò de morte & inferno. ad quod probandum assert postea testimonium ex Psal. 110. Cumq; nihil aliud praeterea restet, hacq; victoria & triumpho, Christi majestas & sublimitas concludatur, finem facit ejus ex sacris documentis probanda & confirmanda.

Vides, ut arbitror, hujus scriptoris ordinem & ut magnus orator est, in Christi excellentiis connectendis artificium. quod planè periret, si, ut tu putas, loco isto Psal. 102. in testimonium adducendo, id spectasset, ut Christo caeli terraq; primam creationem tribuendam doceret; etiamsi alioqui ea illi tribuenda esset, idq; ex loco isto constare posset. Quare non potest sine summa non modò ipsius veritatis jactura, sed etiam hujus divini scriptoris injuria, vel vulgata, quam tu sequeris, loci interpretatio retineri, vel mea rejici.

ERASMUS IOHANNIS.

Ego verò interpretationem tuam fateor esse coactam, ac praeterea, me non videre, quomodo hic agatur de reparatione mundi, cum potius Christi perpetuae adorationi opponatur fragilitas & inconstantia rerum humanarum

78 Arg. 5. Eras. Ioh. Refut.
manarum; quò sic ejus dignitas conspicitur.

FAUSTUS SOCINUS.

Ast ego ingenue fateor, me nescire, cur meam interpretationem coactam appellare non dubites, cum & verba & sententia manifesta scriptoris eam omnino requirant: atque, ut ostendi, necessarium illi fuerit, etiamsi prima pars loci, quem citavit, ad propositum non faceret, eam tamen unà cum reliquo loco recitare. Nam quod ais, non posse hinc agi de reparatione mundi, cum potius agatur de ejus fragilitate & inconstantia, eaq; opponatur perpetuae Christi durationi (sic enim puto in scripto tuo legendum, non autem adorationi ut legitur) Respondeo, non de reparatione, sed de mutatione mundi agi, ut ipsa verba praeseferunt. non enim reparabitur caelum hoc, quod videmus, aut terra haec, quam incolimus; sed eorum loco novum caelum, & nova terra substituetur. hoc est dissolventur & peribunt, quemadmodum ipse Psalter loquitur, ipsum hoc caelum, & ipsa haec terra, pereunte simul vita animali, propter quam ea creavit Deus; & alia existent secula unà cum spiritali vita illis conveniente, quam nobis per Christum idem Deus promisit. Qua de re fusius a me alibi est disputatum contra Franciscum Puccium, caeli terraeq; hujus perpetuam durationem asserentem, eorumq; futuram instauracionem, unà cum aliis non paucis, tantummodo agnoscentem. Sed unus ille locus 2 Pet. 3. satis est ad opinionem istam falsitatis coarguendam, ex quo pre-
tere

vere a loco non obscure intelligitur, dissolutionem harum rerum & in multo prestantiores mutationem, per Christum faciendam esse. Illud postremo, antequam ad alia tua argumenta respondeam, omittere nolui, quod credis omnino, si per Christum a Deo mundus primum creatus fuit, inde colligi, Christum, iam tum fuisse filium Dei unigenitum. Nam ego contra, crediderim, fieri posse, ut prima mundi creatio per Christum facta fuerit, nec tamen Christus umquam fuerit filius Dei unigenitus. Quod enim Christus filius Dei unigenitus sit, ut certè est, id nihil prorsus commune habet, aut habere potest cum prima rerum creatione, presertim si ipse quoque Christus omnino creatus fuit, ut tu sine dubio tenes.

ERASMUS IOHANNIS.

SEXTUM ARGUMENTUM. Venio ad dictum Christi Ioh. 17. *Glorifica me pater ea gloria, quam habui apud te, antequam hic mundus fieret.* Hinc enim colligo, Revera tum fuisse unigenitum Dei filium, siquidem hoc rogat Christus his verbis, ut quandoquidem nunc sibi moriendum sit, & extrema ignominia perferenda, ne pater ipsum in morte sinat interire, sed quandoquidem ferè peractum sit opus redemptionis sibi commissum, efficeret, ut isti gloriæ redderetur, qua ante conditum mundum in cælis usus fuisset.

FAUSTUS

FAUSTUS SOCINUS.

*Non defuerunt ex ipsis Trinitariis, quorum ple-
 rique hunc locum valde contra nos omnes urgere so-
 lent, qui aliter, ac vulgò fiat, & abs te factum est, il-
 lum acceperint. Ex quibus inter antiquiores porri-
 simum Aurelius Augustinus; qui luculenter admodum
 pluribus verbis illum explicat; ex quibus quaedam reci-
 rabo, namque eadem operâ, quomodo hæc Christi ver-
 ba intelligenda omnino sentiam, clarè exponam, &
 nonnihil hanc sententiam meam interim confirma-
 bo. Primum igitur sic scribit Augustinus in ea verba,
 Claritate, quam habui priusquam mundus es-
 set, apud te (Sic enim ipse ea legit, ut in vulgatis
 nostris codicibus habentur) Ordo (inquit) verbo-
 rum est quam habui apud te, priusquam mun-
 dus esset. Ad hoc valet, quod ait, Et nunc cla-
 rifica me, hoc est sicut tunc, ita & nunc; sicut
 tunc prædestinatione, ita & nunc perfectione.
 Fac in mundo, quod apud te jam fuerat ante
 mundum; fac in suo tempore, quod ante om-
 nia tempora statuisti. Et paulo post; Si enim de
 nobis dixit Apostolus, sicut elegit nos in ipso
 ante mundi constitutionem, cur abhorrere pu-
 tatur a vero, si tunc pater caput nostrum glori-
 ficavit, quando nos in ipso, ut membra ejus es-
 semus, elegit? Sic enim nos electi, quomodo ip-
 se clarificatus, quia priusquam mundus esset,
 nec nos eramus, nec ipse mediator Dei & ho-
 minum ho-*

minum homo Christus Iesus, *Hæc autem verba dicit Augustinus, contra eos, qui nolebant, Christum dicere potuisse, se, ut hominem, gloriam, seu claritatem istam ante mundum conditum apud Patrem habuisse. Tandem verò, postquam probasset, Christum, ut hominem, non minus, quàm nos, a Deo fuisse prædestinatum, sic concludit; secundum hanc ergo prædestinationem etiam clarificatus est, antequam mundus esset, ut esset claritas ejus ex resurrectione mortuorum apud patrem, ad cuius dexteram sedet. Cum ergo videret illius prædestinatæ suæ clarificationis venisse jam tempus, ut & nunc fieret in redditione, quod fuerat in prædestinatione jam factum, oravit dicens, Et nunc clarifica me tu pater apud te ipsum claritate, quam habui, priusquam mundus esset, apud te. Tamquam diceret; claritatem, quam habui apud te in prædestinatione tua, jam tempus est, ut apud te habeam, etiam vivens in dextera tua. *Hactenus Augustinus, in cuius verbis notandum est nomen Redditionis non pro datione ejus, quod ablatum quoquo modo fuisset (sic enim contra suam ipsius sententiam in hoc loco explicando locutus esset) sed pro rei quasi debite præstatione usurpatum esse; idq; sanè eleganter. nam verbum Reddendi inter alias hanc quoque significationem habet. Apparet igitur, ut arbitror, satis evidenter, quàm aptè & commodè Christi verba ad rei destinationem non autem ad rem ipsam referantur. Ne**

zur. Nec profectò video (ut hanc interpretationem magis confirmem, eamq; ad tuum argumentum dissolvendum accommodem) cur, si Paulus dixit, nobis datam esse gratiam in Christo Iesu ante tempora secularia, 2 Tim. 1. v. 9. cum tamen nos tunc minime essemus, Christus quoque dicere non potuerit, se ante mundum conditum habuisse eam gloriam, qua mox glorificandus erat, etiamsi nondum extitisset, cum mundus est conditus. præsertim, cum non simpliciter dicat Christus, se eam habuisse, sed, apud Patrem De-

Luc: 20, 9°. Quemadmodum idem alibi dicit, Abrahamum, Isaacum, & Iacobum Deo vivere, quamvis reipsa non sint amplius; nempe quia Deus eos a morte in vitam eamq; perennem aliquando revocare decrevit. id quod ex eo colligit Christus, quòd alioqui Deus, qui se Deum illorum appellat, mortuorum Deus esset, & non tantùm vivorum, ut est.

ERASMUS IOHANNIS.

Phrasis qua utitur Christus multò plenior est; nec ei prorsus similes sunt citatæ de aliis fidelibus. Rectè quidem iis dicitur donata fuisse salus in Christo Iesu ante tempora secularia, etiamsi illam suo demum tempore possidebunt; Verùm nusquam legitur habuisse eos apud Deum gloriam ante conditum mundum ideoq; non planè similes sunt hæ phrasès loquendi, præsertim cum ex ipso scopo Christi non obscure appareat, eum esse verborum sententiarum.

sum, quòd roget Patrem, ut quandoquidem nunc ignominiosissimam mortem crucis esset subiturus ne pateretur ipsum absorberi sed pristinae gloriae, quam antea in caelis habuisset, restitueret.

FAUSTUS SOCINUS.

Si idcirco negas planè similem esse locutionem Paulinam, quam ego attuleram, ei, de qua contendimus, quod verba non sint prorsus eadem, seu quòd non prorsus de eadem re utrobique verba fiant, ut innuit id, quod dicis, nusquam legi, fideles habuisse apud Deum gloriam ante conditum mundum; nimis difficilem te praebes in hac disputatione. Quasi verò non satis sit ad plenam, quod ad propositum attinet similitudinem inter utrasque constituendam, si quidquid virium in utriusvis verbis est ad eam sententiam, de qua queritur, exprimendam, id in alterius quoque verbis sit. Fateor quidem ob hanc ipsam causam non esse has duas locutiones planè similes, etiam quod ad propositum nostrum attinet. Verùm hoc interpretationi tuae obest, eamq; magis dubiam ostendit. Quandoquidem dissimilitudo in eo est, quòd verba locutionis a me prolata plus virium habent ad sententiam, quam tu probas, exprimendam, quod scilicet non de rei destinatione, sed de ipsa re agatur, quàm verba locutionis, de qua disputamus: seu mavis, verba locutionis, de qua disputamus, plus virium habent ad sententiam, quam ego probo, exprimendam, quòd vide-

licet non de ipsa re, sed de rei destinatione agatur, quam verba locutionis a me allata. Sunt enim in locutione, cujus sententiam querimus, ut supra attigi, verba illa apud te, que, ut dixi, destinationem possunt innuere. nam hoc sensu alibi quoque dicitur, vi-

Ioh. 1. tam eternam, que nobis patefacta est, fuisse antea
2. apud Patrem. hæc autem verba desunt in locutione, quam ego attuli; unde fit, ut minor sit causa suscipiendi, ibi non de ipsa re, sed de rei destinatione agi. Et tamen certum est, de rei destinatione, non autem de ipsa re ibi sermonem esse. cum interim nihil preterea virium, quod attinet ad propositum nostrum, sit in verbis unius locutionis, quod in alterius non sit. Nam, quod in ea, de qua controversamur, est Gloria, in altera est Gratia. nulla autem est causa, cur minus de gloria, quam de gratia dicere possimus, eam esse, licet destinatione tantum sit, vel illius esse, qui nondum extiterit. Immo Paulus affirmat, eos esse glorificatos a Deo, qui destinatione tantum gloriam a Deo sunt adepti, quiq; nondum extiterunt. Rom. 8. v. 30. Certum est enim, ibi apostolum loqui in genere de omnibus quos Deus per Christum servare decrevit. Iam, quod in locutione nostra est Habuisse, in ea, quam illi respondere dixi, est, Datum sibi fuisse. Atqui non minus requiritur, ut is jam sit, cui aliquid detur, quam is, qui aliquid habeat. nec aliam differentiam suspicari possumus inter hæc duo esse, nisi, quod Habuisse magis rei ipsius adeptionem vel possessionem significare possit, quam, Sibi datum fuisse. Vbi animadvertet.

advertendum est, verbum Dandi esse aliquo modo ambiguum. nam & significare potest ipsum offerre, etiamsi non sequatur acceptionis effectus, & cum effectu acceptionis. sed prior significatio ut minus propria, sic minus multò est usitata, quàm posterior; ideoq; in dubio non illa, sed hæc attendenda est. Quod si, ut debet, fiat, tunc nullum prorsus in proposito nostro discrimen esse poterit inter Habuisse, & Sibi datum fuisse. cuiuscumque enim secundùm hanc significationem aliquid datum fuit, is profectò id etiam habuit. Quamquam vix crediderim, cum verbum Dandi præteriti perfecti simplici voce effertur, in priore illa significatione usquam inveniri. Adde, quòd non magis potest dici, cuiuspiam quid oblatum fuisse, quòd re ipsa nondum fuerit oblatum, quàm quempiam aliquid habuisse, quòd re ipsa nondum habuit. Immo adde, quòd disertè alicubi scriptum invenitur, nos id habere, quòd nondum re ipsa habemus, sed nobis tantùm decretum est. Scribit enim Paulus nos scire, quòd, si terrestris domus nostra hu-

2 Cor: 5
1.

Heb: 10
34.

monitus, substantiam hoc loco in alium quendam sensum accipiat, in eum, scilicet, in quem alibi accipiendum est apud hunc ipsum scriptorem, id est, cap. 3. v. 14. & cap. 11. v. 1. nam ibi graecum verbum est ἡ ζωὴ αὐτοῦ. & hoc substantiae genus habent jam re ipsa fideles omnes. Certum est autem, non modò illam domum, de qua loquitur Paulus, sed hanc substantiam, de qua auctor ad Heb. praedicto loco verba facit, non re ipsa, sed Dei decreto tantum, haberi a nobis, dum hic sumus. Vbi etiam diligenter notandum est, quòd nihilominus substantiam hanc celestem dicuntur isti habere in seipsis, sive, ut Beza interpretatus est, apud seipsos: atque inde concludendum, nihil impedire quominus Christi dictum a te allatum de divino decreto; non autem de effectu seu re ipsa accipiendum sit. Nam si contingit, hoc fieri debere, ubi dicitur quis rem in seipso, sive apud seipsum, habere; quanto magis id fieri poterit, ubi quis apud Deum rem habere dicitur, qui loquendi modus Dei decretum prorsus significare potest, cum alter iste rem ipsam presentem ipsiusq; rei possessionem omnino praeseferat? Huic simile est id, quod in prima sua epist. scribit Iohannes, nullam homicidam habere vitam eternam in seipso manentem. Hoc enim aperte indicat, dum in hac vita sumus, quosdam inveniri, de quibus rectè dicere possis, eos habere vitam eternam in se ipsis manentem. quod profectò non ad rem ipsam, ejusve possessionem presentem, licet id verba maxime praeseferant, sed ad rei decretum ipsiusq; rei

2 Ioh. 3.
15.

rei certò futuram possessionem referri debet. alioqui perperam alibi esset scriptum, vitam eternam a fidelibus & gratia Dei justificatis sperari, eamq; bene operantibus a Deo tunc datum iri, cum reddet unicuique secundum opera sua: vel, ut Beza eum locum convertit, eos, qui in bono opere perstant, vitam eternam querere; aliaq; ejusmodi non pauca, quae passim apud sacros scriptores leguntur. Nam ex his perspicuum est, eos, de quibus potissimum intelligere potuit Iohannes, quòd habeant vitam eternam in seipsis manentem, eam non re ipsa, sed spe tantum exq; Dei decreto habere. Certè, quod ad simplex Habendi verbum attinet, quod, ut dixi, magis rei ipsius possessionem significare videtur, quàm si illi, ut in Christi dicto factum est, addatur, apud Deum, tum ipse Christus disertè, tum alii de eo sepe dicunt, quòd, qui credit in ipsum, habent vitam eternam. Et idem Christus alibi affirmavit, se habere alias oves, quae non essent ex ovili illo populi Hebraei; cum tamen nec illae essent adhuc re ipsa Christi oves, nec ipse eas revera haberet: sed certò habiturus esset. At postremò, si quis idem pollere (ut ad illud, quod initio proposuimus, revertamur) cognoscere velit, Datum sibi fuisse, quod Habuisse, idq; in ipsius Christi verbis in eadem precatione ad Patrem de eadem re loquentis, sic, ut ejus dicti, de quo disputamus, verissimam esse fateatur interpretationem, quam ego sequor; meminere illorum verborum, quae postmodum Christus protulit: Pater, quos dedisti mihi, volo, ut, ubi sum e-

Tit. 1. 24
3. 7.Rom. 24
7oIoh. 10.
16.

go, & illi sint mecum, ut videant claritatem meam, quam dedisti mihi? quia dilexisti me ante constitutionem mundi. *An non haec verba superiorum illorum, Et nunc clarifica me tu pater apud temet ipsum claritate, quam habui, priusquam mundus esset, apud te, explanatio quaedam censeri debent ea in parte, de qua ambigimus? Nemo quippe non videt, utrobique de eadem claritate sermonem esse, & quod ibi est, Habui apud te, hic esse, dedisti mihi: superiora autem illa verba, priusquam mundus esset, cur & quo sensu dicta fuerint, per haec explicari, quia dilexisti me ante constitutionem mundi. Dilectio igitur illa, qua Deus non Christum modo, sed nos etiam in ipso ante constitutionem mundi dilexit, causa est, ut & merito dixerit Christus, se jam tum habuisse claritatem seu gloriam apud Deum, sive eam sibi ab eo fuisse datam, & nos idem de nobis jure dicere possimus. non autem ita locutus est de se Christus, quia jam tum illam re ipsa haberet. Superest ad similitudinem, quae est inter Christi dictum, quod tu attulisti, & Pauli a me prolatum, confirmandam animadvertere, quod in illo est, Priusquam mundus esset, in hoc esse, Ante tempora secularia; quae idem re ipsa significare nemo (opinor) negaturus est. Quamquam non est hoc ullo modo necessarium; sed satis est de eo tempore Paulum loqui, quo certum est, nobis non effectu, sed destinatione tantum datam fuisse gratiam. Antequam verò de comparatione horum locorum sermonem absolvam, illud*

illud
dicer
ra' se
non a
de cu
grati
non p
opina
quitu
prius
pacto
perpe

scure
patr
mori
abso
habu
prist
ria i
ditu
por
super
han
rei
ri p
po,
istis
ani

illud non est silentio prætereundum, quòd, si Paulus dicere potuit, nobis datam fuisse gratiam ante tempora secularia, licet fieri posset, ut multi ex nobis eam non acciperent, vel acceptam abjicerent, (neq; enim de cujusdam generis prædestinatis, id est, certò omnino gratiam accepturis, eamq; perpetuò habituris, quos non pauci, ob ejus verba alibi non rectè intellecta, esse opinantur, sed de omnibus Christo nomen dantibus loquitur Paulus) multò magis dicere potuit Christus, se, priusquam mundus esset, habuisse gloriam, cum nullo pacto fieri posset, ut is eam re ipsa non acciperet, ac perpetuò retineret.

Caterùm, quod ais ex ipso scopo Christi non obscure apparere eum esse verborum sensum, quòd roget patrem, ut, quandoquidem nunc ignominiosissimam mortem crucis esset subiturus, ne pateretur ipsum absorberi: sed pristinae gloriæ, quam antea in celis habuisset, restitueret; quaeso te, si pro illis verbis, sed pristinae, &c. hæc quispiam substitueret, sed ea gloria ipsum donaret, quam ei ante mundum conditum propter ipsam crucis mortem suo tempore dare decreverat, an non rectissimè ista cum superioribus cohererent? an non quilibet fateretur, hanc Christi mentem esse potuisse, adeò ut nulla vel rei presentis vel ipsius verbis accommodatior inveniri posset? Nam quomodo colligis ex ipso Christi scopo, istum esse ejus verborum sensum, quem tu exposuisti? aut quem esse constituis Christi scopum? An non animadvertis, te pro concesso tacitè sumere id ipsum, quod

quod ex Christi verbis intelligi debere contendis (scilicet, inde evincas, ipsum Christum exitisse ante creationem mundi) nempe Christum ante mundum conditum habuisse reipsa in caelo quandam gloriam? Neque enim cogitare quis potest, Christi scopum ad gloriam istam respicere, nisi, ipsam gloriam fuisse, jam apud se constituat. Præterea, nonne Christi scopus est impetrare a Patre eam gloriam, qua revera postea glorificatus ab eo fuit? Huic autem scopo nonne ita convenit, Christum petere gloriam, quæ sibi multò ante ab ipso Patre decreta fuisset, ut illam repetere, quam multò ante reipsa in caelo habuisset? Immo verò, si, quenam illa gloria sit, quam, ut tibi placet, ante mundum conditum reipsa in caelo habuit Christus, paullo diligentius perpendamus, eamque cum illa, qua glorificatus postea a patre fuit, comparemus; invenimus sine dubio, repetitionem istam nullo modo cum hoc scopo convenire. Etenim Christi gloria, qua post mortem crucis a Patre glorificatus fuit, ejusmodi est, ut eam Christus ante conditum mundum in caelo nec habuerit, nec habere potuerit. Primum enim gloria ista mundo apparuit, & eatenus potissimum post mortem crucis glorificatus est a Patre Christus, quatenus omnes mundi nationes eum coluerunt, & pro domino ac Deo suo sunt veneratæ; ejusque summa potentia atque majestas mirabilibus inque innumeris operibus ipsius auspiciis & nomine factis universo mundo conspecta est. Hæc sanè, cum mundus nondum esset, nulla ratione esse potuerunt. Deinde gloria, qua Christum post

mortem donavit Pater, ex parte, eaq̄, ut quibusdam videtur, precipua, eo continetur, quòd gentes, quae antea Deum non noverant, ab eoq̄ longè aberant, per ipsum ad Dei cognitionem pervenerint, ad eumq̄ sint adducta, & ab eo in possessionem atque hereditatem ipsi Christo unà cum iudaeis fidelibus datae. Hoc verò quando umquam ante Christi mortem, nedum ante mundi creationem, extitit? Adhuc nulli dubium esse potest, quin summa Christi gloria, qua eum Pater post crucis mortem affecit, fuerit eum constituere & declarare vivorum & mortuorum iudicem. nam ipsemet ait, Patrem Filio omne iudicium dedisse, ut omnes ho- Ioh: 5.
norificent Filium, sicut honorificant Patrem; qua glo- 22, 28
ria nulla major excogitari potest. Atqui idem testatur, iudicandi potestatem ideo sibi datam a Patre fuisse, quia ipse sit homo Ioh: 5. v. 27. Quomodo igitur gloriam istam habere potuit Christus, priusquam mundus crearetur, cum non modò vivi, & mortui non essent, sed ipse nondum esset natus homo? Omitto alia multa, quae ad Christi gloriam pertinent, qua Pater illum decoravit postquam crucis mortem est passus, quaeq̄, a divinis scriptoribus commemorantur; quorum nihil est, quod ante mundi creationem Christus habere poruerit. ut planè mirum videri possit, te vel ex hoc solo interpretationem verborum Christi, quam amplexus, defendi non posse, haud intellexisse. Nec profectò video, quid ad haec responsurus sis; nisi velis scopum Christi non fuisse eam omnem gloriam a Patre impetrare, quam obtinuit, sed quandam gloriam tantummodo.

rummodo, eamq; ejusmodi, que vix gloria appellari queat. quippe cum sine ulla controversia ante mundum conditum homines non essent, & de angelis a multis dubitetur; denique incertum sit, an ulla creature tunc extarent, sine quibus Christi nulla vera gloria videtur posse existere. Quod si nihilominus istum vis Christi scopum fuisse, judicabunt alii, quem hoc absurdum censi debet. & ego interea mirabor, quod in Christi dicto recitando ea verba pretermiseris, que verbis glorifica me tu pater statim junguntur, videlicet, apud te ipsum, illaq; non urseris. Videtur enim his verbis, si illa per se spectentur, Christus significare, se non petere a Patre, nisi eam gloriam, que in ejus conspectu tantum est gloria. Verum dicendum est, verbis illis efferendis, non hanc fuisse Christi mentem, que ab ipso quodammodo communi sensu abhorret: sed hanc, Petere a Patre, ut gloria, quam ipsi daturus erat, esset solida & vera gloria ad eum, ut etiam apud ipsum Patrem sive in ipsius Patris conspectu gloria esset.

ERASMUS IOHANNIS.

SEPTIMUM ARGUMENTUM. Produco locum Iohan: 6. Quid si videritis filium hominis ascendentem eum, ubi erat prius. Dico enim, Christum duo quasi miracula proponere Iudæis, quibus adhuc multo magis in admirationem raperentur, quam antea. Primum quod affirmat, se in cælum ascensurum, id quod inauditum quiddam erat. Deinde in cælum, in quo fuerat

fuerať prius, super quo magis adhuc possent obstupescere, cum de Christo velut homine & filio Iosephi sentirent, qui numquam in cælis fuisset. Hinc igitur colligo, quandoquidem Christus affirmat, se prius in cælis fuisse, quò erat ascensurus, non tum cœpisse, cum nasceretur ex virgine, sed ante in cælis apud patrem in cælesti gloria fuisse.

FAUSTUS SOCINUS.

Iam dixerat Iudeis Christus, se de celo descendiſe; qua de re illi murmuraverant, ut scriptum est supra v. 42. idq; non semel repetierat. cumq; hoc ex duobus quasi miraculis, (que appellas) altero, te ipso teste, majus eſet, adde, & illud quodammodo completeretur (quid enim aut facilius aut verisimilius, quàm quempiam, qui de celo descenderit, in celum ascensurum?) patet te vehementer falli, qui putes, Christum hoc loco, hæc duo de se Iudeis proposuisse, ut multò magis adhuc in admirationem raperentur. quasi verò de his antea nihil dixisset, aut saltem, id quod majus est, non commemorasset. Sic autem in accidere solet, qui, quomodo interpretationes suas stabiliant, & aliorum infirment, anxie querunt, potiùs quàm, quomodo sit locus interpretandus. In quorum numero cum te minime esse existimem, nolim te ista sectari, & te ipsum ejus culpæ, cui affinis non es, hac ratione cuiquam suspectum reddere. Adde, quòd mens Christi, in verbis efferendis que citasti, & apertissima est

ma est ex ipso sermonis contextu, & iis etiam, qui alioqui tecum sentiunt, compertissima. Nam, cum sensisset, offensos fuisse discipulos suos iis, quæ dixerat de sua carne comedenda, ipsis, non autem Iudæis, ut tu asseris (unde superior error tuus multo gravior apparet) verba ista dixit; quibus admoneri possent, ipsum non de carnali suæ carnis esu, sed de spiritali locutum fuisse. Inspicias modo ipse locum, & re, in Christi mente explicanda, longissimè a scopo aberrasse agnosces. Non igitur admittendum ullo modo est, id quod tuis verbis significas, & quo nititur argumentatio tua, Christum hic eò respexisse, quòd Iudæi de ipso velut homine, & filio Iosephi sentirent, qui numquam in cælis fuisset. nihil enim hoc ad Christi mentem, hoc quidem in loco. Vbi rursus negare videris, Christum revera fuisse hominem. nam hæc sine dubio tuorum verborum sententia est, Iudæos sensisse, Christum esse hominem, & filium Iosephi. unde sequatur, illum numquam fuisse in cælo. quam ipsorum, scilicet, sententiam Christus, dum eos interim in ipsius admirationem vehementiorem raperet, tacitè resellere voluerit, & propterea dixerit, se in cælo fuisse. Atqui hoc quantum a veritate absit, vel illud demonstrare potest, quòd Christus, cum hic dicere vult, se fuisse in cælo, ut solet, seipsum tertiam personam Filium hominis, id est hominem, appellat, atque ipsi hominis filio tribuit, quòd in cælo fuerit. Itaque nulla est prorsus collectio illa tua ex iis, quæ ante dixeras: quòd, cum Christus affirmer, se prius fuisse in cælis, quòd e-

erat ascensurus, non tum coeperit, cum nasceretur ex virgine, sed ante in calis apud patrem in caelesti gloria fuerit. neque enim hoc colligi potest ex iis, quae ante dicta a te sunt, nisi, quatenus dixeris, aut dicere volueris, Christum, ut hominem, non potuisse ante illud tempus fuisse in calis. Hoc autem falsum esse, non modò Pauli apostoli exemplum, sed, ut dixi, ipsa ² *Cor.* ^{12.} Christi verba hoc loco aperte docent. Huc accedit, quòd potuisset Christus, cum haec verba dixit, fuisse iam in celo, idq; non ut homo, nec tamen extitisse sive esse coepisse, antequam ex virgine nasceretur; Nihil enim impedit, quominus quaedam substantia, ex qua praeter eam, quam habet, humanam naturam, Christus constet, tunc demum a Deo creata fuerit, cum humana isti naturae conjuncta est; quemadmodum plerique hodie theologi de animabus nostris asserunt, quòd videlicet, tunc demum a Deo creantur, cum in corpora, ut illis placet, immittuntur. Secundum autem substantiam istam Christum in celo jam esse potuisse, postquam natus esset ex virgine, etiamsi non secundum humanam naturam, Pauli verba indicant, qui de suo raptu usque ad tertium caelum & in Paradisum verba faciens, ait, se nescire, an in corpore, an extra corpus raptus fuerit: seu maris, an cum corpore, an verò sine corpore. utroque enim modo ex graeco legi potest. Nam Pauli corpus eandem rationem cum ipsius spiritu habuisse, quam habitura esset Christi humana natura cum substantia ista, nemo arbitròr negaverit. Quocirca, si Paulus po-

tuit

tuit rapi in celum extra corpus aut sine corpore, & sic in celo esse, sed non ratione corporis, planum esse debet, Christum quoque postquam ex virgine est natus, & antequam moreretur, extra ipsam humanam naturam, aut sine ipsa humana natura in celo esse potuisse. si modò ejusmodi, quam diximus, substantiam sue humane nature junctam habuit. quod si non habuit; certè nec ipse extitit, antequam ex virgine nasceretur, nisi illum jam hominem fuisse velimus, antequam ex virgine fuerit natus, nec tuæ rationi ullus locus esse potest. Quamobrem agnoscendum tibi est, nulla ratione ex Christi verbis colligi posse, ipsum non tum coepisse, cum nasceretur ex virgine, sed ante in celis apud patrem in caelesti gloria fuisse; quemadmodum tu colligebas. & si scire velis, quo sensu tamen Christus affirmaverit, se fuisse in celo, quò erat videntibus discipulis ascensurus, non autem simpliciter ascensurus, ut tu eum dicentem factis, quasi certum sit, eum non antea eò ascendisse; si velis, inquam, hoc scire, considerandum tibi esse arbitror, Christi verba aut cum aliquo, aut cum nullo tropo accipienda esse. Si cum aliquo; nemo non videt, quàm aptè Christus, ut homo, in celo fuisse dici possit, antequam, videntibus discipulis, cum suo corpore eò ascenderit; cum perpetuò in celo mente sua versaretur, caelestiaq; omnia ita cognita haberet, ut ea tamquam presentia semper inspiceret: idq; ratione quadam planè singulari, & præter ac supra omnem aliorum divinorum hominum sortem. Sin autem

autem, ut mihi quidem videtur, nullo cum tropo sunt Christi verba accipienda; necesse est fateri, ipsum, ut hominem, aut certè, postquam fuit homo, fuisse in celo ante ascensionem illam suam apostolis conspicuam. Quam sententiam ego vehementer probo, hancq; verborum Christi interpretationem libentissimè sequor atque amplector.

ERASMUS IOHANNIS.

Fateor, mihi hanc interpretationem esse novam, & a simplicitate scripturæ alienam.

FAUSTUS SOCINUS.

Quòd hæc interpretatio tibi sit nova, haud sanè miror. Sed, quòd illa a simplicitate scripturæ aliena tibi videatur, equidem satis mirari non possum; cum potiùs nulla alia interpretatio excogitari queat, quæ iam scripturæ simplicitatem sequi quàm hæc facit, cuiquam meritò videri possit; immo cum hæc interpretatio nihil aliud sit, quam ab ipsa scripturæ simplicitate nihil prorsus discedere, sed verba omnia ut propriè sonant accipere. Id quod in nulla alia interpretatione evenire potest: præsertim verò in ea quam tu probas; quæ non aliter sustineri potest, quàm si ad sacram illam Trinitariorum anchoram confugeris, tropi idiomatum (ut vocant) communicationis. in quo explicando & ad Christi verba accommodando non uno modo in principii petitionem incidere necesse est; ut in aliis disputationibus meis, potissimùm verò ad-

ro adversus Andream Volanum, ostensum fuit, qui tropus, idq; quatenus ad presentem disputationem pertineat, prorsus insolens, tam sepe in sacris litteris inducendus tibi est, si tuam de Christi persona sententiam retinere velis, ut, si Scripturae simplicitatem sequi tantopere tibi est cordi, quemadmodum praefers, vel ob hanc causam ejusmodi sententia tibi penitus sit abjicienda.

Sed fortasse, cum ais, interpretationem meam a Scripturae simplicitate tibi videri alienam, non loqueris de hoc ipso loco, cujus interpretationem quaerimus, sed univere scripturam intelligis. Verum quanam est ista simplicitas Scripturae? num quando a tibi de Christo loquitur, qui in caelo fuerit ante celebrem illum ascensum suum, aperte eum non quatenus homo est, nec, postquam homo fuit, considerare, sed quatenus est quippiam aliud, & antequam homo natus est? Immo verò nusquam alibi Christus in caelo pro eo tempore fuisse aut dicitur, aut non obscure significatur, quin vel ipsa Christi persona simpliciter designetur, vel sub filii hominis appellatione de ipso verba fiant. Quinetiam adeò verum est, Christum, ut hominem, in ejusmodi locis considerari, ut, cum Christus dixisset, se esse panem, qui de caelo descendisset, ex quo si quis comedisset, victurus esset in aeternum, illico subjunxerit, Panem, quem ipse daturus esset (nempe ad comedendum) esse carnem suam, quam daturus esset pro mundi vita. Num sortè simplicitatem Scripturae esse vñ, Christum dupliciter considerare, id est,

Ioh. 6.
51.

id est, modò ut hominem natum ex virgine, modò ve-
rò ut alià essentiã præterquam hominis, præditum,
& antequam ex virgine nasceretur? Atqui hoc, præ-
terquam quòd per seipsum nihil cum simplicitate
commune habet, vel potiùs cum simplicitate ex dia-
metro pugnat, illud etiam idsum est aut certè id con-
tinet, de quo disputamus, & ad quod probandum
Christi verba, de quorum interpretatione ambigi-
mus, in medium attuleras. Denique non video, quid
tibi vuleris, cum dixisti interpretationem meam ti-
bi videri a simplicitate Scripture alienam: nec quo-
modo fieri potuerit, ut id dicere non dubitaveris.

Sed aliud præterea fortasse est, quod te ab ea am-
plectenda deterret. nempe quòd Christus numquam
conspectus fuerit ante resurrectionem in celum ascen-
dere, vel inde descendere, aut certè nihil, quòd fue-
rit conspectus usquam traditum ab evangelistis fue-
rit. Atqui nondum erat tempus, ut ista de Christo
conspicerentur, qui quantus revera apud Deum eset,
tum demum constare debebat, cum jam ipsi Deo usque
ad mortem crucis obedientiam præstitisset. Nam si di-
xeris, saltem uni aut alteri ex suis discipulis eum id
patet facturum fuisse, idq; evangelistas scripturos, ut
cum in monte coram illis tribus transfiguratus est;
Respondebo, transfigurationem istam fuisse post jam
ceptam Evangelii prædicationem, a quo ferme tem-
pore incipiunt evangelistæ Christi factorum histori-
am narrare; hunc autem ejus ascensum & descensum
de calis fuisse antea, idq; fortasse diu; cujus temporis
id est,

Christi actiones illi non commemorant. Ut nihil dicam, quod eo tempore nec ullos discipulos habebat Christus, nec, ut de caelesti suo munere cuiquam fidem faceret, opus erat: quodq; non a majoribus ad minora, sed contrà, a minoribus ad majora de se suaq; excellentia documenta ac testimonia progrediendum illi erat. Nec verò dubitari potest, quin, si iste ascensus & descensus Christi de caelo revera fuerunt, fuerint omnino ante Evangelii cœptam prædicationem. Sic enim & ipsius Christi verba ferunt, ubicumq; id vel dicit vel innuit, ostendens, se de caelo ad suum munus obeundum descendisse, & res ipsa docet. Propterea enim fuit Christus homo ille in caelo (ut ego quidem nihil dubito) priusquam a mortuis resurgeret, ut rerum caelestium uberrima cognitione imbueretur, eaq; certâ & constantissimâ, quam deinde, quatenus liceret atque opus esset, cum hominibus communicaret, & cuius vi prædicandi Evangelii munus quàm rectissime obiret, & alia admodum ardua, quæ illi exequenda erant, fideliter omnino atque intrepide exqueretur. Vnde perspicuum est, graviter errare, se quinquam est, qui existimet, haud verisimile esse, vel non ad eò necessarium fuisse, Christum hominem ante mortem in caelum ascendisse, ibiq; aliquandiu commoratum esse, ut verba ipsa indicant, in quibus Christus in caelo fuisse significatur; cum potius nihil aut verisimilius, aut magis necessarium esse potuerit ante ipsam Evangelii prædicationem. sed satis jam confirmavimus, Christum hominem ante mortem & resurrectionem

rectionem suam in celo revera fuisse, aut certè esse potuisse; præsertim cum unicuique Pauli exemplum notissimum sit, nec ullo modo sit verisimile id Paulo concessum fuisse, quod Christo concessum non fuerit.

ERASMUS IOHANNIS.

OCTAVUM ARGUMENTUM. Creare hominem ex nihilo, ad hanc terrenam vitam non est opus ita præstans, ut est ex faucibus æternæ mortis & regno diaboli in cæleste ac æternum Dei regnum transferre. Totius item mundi iudicium exercere omniumque hominum, qui ab initio mundi vixerunt, cogitationes, dicta, & facta cujusmodi fuerint nosse, & de iis sententiam ferre. Iam plurimum ex hoc labefactatur sententia tua. Nam quemadmodum Deus sua altitudine longissimè excedit dignitatem Filii, utpote qui sit sine origine, cum filius ex ipso originem ducat; indignum est tribuere excellentissimæ majestati Dei opus vilius & dignitate inferioris operibus Filii; idque ipse facis, si in operibus reparationis, quæ filio ascribuntur, quidquam est quod certare cum creatione mundi possit. Quemadmodum enim nihil est Deo sublimius, ita nec paria Deo & Christo, nedum inferiora Deo Christo præstantiora, tribuere oportet.

FAUSTUS SOCINUS.

In hac tua argumentatione plura sunt vitia. Pri-

mum enim non id concludit, quod tibi probandum est. Quandoquidem probandum tibi est, Christum si-
ve unigenitum Dei filium extitisse antequam ex vir-
gine nasceretur. Hic vero concluditur, idq; profuso
obscurè, (desunt enim ante verba illa, Quemadmo-
dum enim nihil, &c. hæc aut similia verba, quip-
pe qui mundi creationis opus Deo tribuas) o-
pus creandi hominis ex nihilo ad hanc terrenam
vitam non esse tribuendam Deo; ubi etiam omnino
subaudiendum est, Immediatè. Nam si putas, ex hoc
sequi, Deum per Filium creasse hominem ex nihilo
ad hanc terrenam vitam, unde necessariò conse-
queretur, filium extitisse, antequam ex virgine na-
sceretur; plurimum falleris, & prorsus à *Moysi* &
est ratiocinatio tua. Quid enim? Num fortasse con-
stat, Deum mediatè (sic enim loquendum est) non fe-
cisse quidquam, nisi per Filium, aut saltem non ullum
insigne opus, quale est opus prima hominis creatio-
nis? Certè si hæc de re constaret, stultus ego essem,
qui id negarem, sine quo, ut sensus ipse communis do-
cet, ea nec constare, nec esse potest; & ridicula prorsus
esset tota disputatio nostra. siquidem certissimum
est, Deum, antequam Christus ex virgine nasceretur,
multa insignia opera mediatè fecisse. Itaque est hic
principii petitio (quam vocant) satis evidens, si ar-
gumentationem tuam ad rem utcumque facere velis.
id quod ad eam refutandam satis omnino esse debet.
alia tamen ejus vitia exponamus.

Deinde

Deinde igitur, quod ais, indignum esse tribuere Deo opus dignitate inferius operibus Filii; tripliciter peccat hæc tua enunciatio. Vnum ejus peccatum est, quod nihil impedit, quominus excellentissimus quispiam opifex opus aliquod faciat, quod quibusdam alterius opificis multò minùs excellentis operibus sit dignitate inferius; dummodo & id suo in genere perfectum sit, & alia opera ab eo aliquando sint facta, quæ omnibus multò minus excellentis opificis operibus longè præsent. ut, exempli causâ, in pictoribus videmus, inter quos qui excellentissimi sunt, non absterinent sæpe ab iis pingendis, quæ pingere facilius sit, quàm quædam alia, quæ interdum multò minus excellentes pictores pingunt. Quare non levis est fallacia in illis verbis tuis, inferiora Deo, Christo præstantiora tribui. Non enim, si unum Deo opus tribuitur, quod inferius sit quibusdam operib. Christi; idcirco inferiora Deo, Christo præstantiora tribuuntur. id enim tum demum verè dici poterit, si generatim opera, quæ Deo tribuantur, Christi operibus inferiora fuerint. Alterum tuæ enunciationis peccatum est, quod quædam opera esse possunt, quæ necesse sit, ut Deus per seipsum faciat, quamvis ea non tam præstantia sint, ut alia nonnulla, quæ per alios facere potest; quippe quod ipse vi aliqua & facultate sit præditus, quæ in illis faciendis omnino requiratur, nec cum ullo alio communicari queat. Et sanè talem in Deo vim creandi ex nihilo plerique esse volunt; inter quos, ut supra in responsione, ad primam ex quatuor

tuis illis rationibus attigi, nonnulli ex iis ipsis sunt, qui alioqui de filio Dei ante omnia creato tecum sentiunt. Tertium tuæ enunciationis peccatum est, quod cum omnia Christi opera, Dei quoque opera sint (nam per Christum Deus operatur) quidquid dignitatis in Christi operibus est, ad Deum non minus, quam ad Christum refertur: immo tanto magis, quanto in omnibus operationib. major ratio habetur primæ, quàm secundæ causæ; præsertim verò, cum secundæ causæ, quas vires ad efficiendum habet, eas omnes a primæ causâ habet. ut hic profectò contingit, ubi Christus, quidquid habet virium, Deo id omne acceptum ut referat necesse est. Quid igitur Dei majestatem minueret potest, si per Christum, qui, quantus quantus est, ex ipso est, aliqua opera fecerit præstantiora, quàm, non dicam unum quodpiam, sed vel multa, vel etiam omnia opera sint, quæ per seipsum fecit? Nonne & horum gloria ad ipsum universa prorsus refertur, & illorum præcipua ac primaria: ad Christum verò horum penitus nulla, illorum autem secundaria tantùm quedam gloria? Nam quòd videris indignitatem huius rei in eo solo constituere, quod Deus per seipsum aliquid faciat, quo quidquam præstantius inter ea invenitur, quæ per Christum facit, præter id, quod in tuæ enunciationis primo peccato exponendo dictum est (id enim multò magis hîc locum habere potest, ubi & præstantioris & minùs præstantis operis præcipuus auctor est ipse Deus.) Dico, ad Dei potentiam exaggerandam maximè pertinere, si per alios, quibus ipse

vim omnem operandi, qua pollent, conserat, ac subministrat, præstantissima quædam opera faciat, quæ etiam illa excedant, quorum ipse per seipsum est auctor. Nam tu ipse, ut infra videbimus, vis longè præstantius esse opus, vim creandi alicui tribuere, quam ipsum creare, aded ut hoc operi redemptionis, & aliis, quæ in Christo majora, quam sit ipsa primi hominis creatio, agnoscis, præstare omnino velis. Præterea ad Dei bonitatem commendandam plurimum facit, quod ipse Deus hætenus se demittat, ut, cum præstantissima etiam opera per alios faciat, viliora quædam per seipsum facere dignetur; præsertim si ea sint ejusmodi, quæ beneficentiam ejus aliquam insignem contineant, ut certè continet opus primæ creationis. Atqui nihil majestati Dei potest decedere, ubi tantopere ejus potentia ac bonitas illustratur; quibus duabus rebus patefaciendis, ipsius gloria potissimum continetur. Taceo autem, quod in argumentatione tua Christo tamquam opus tribuere videris, quod omnium facta & cogitationes noverit. nam hoc opus aliquod esse, nemo arbitror tibi concesserit.

ERASMUS IOHANNIS.

Equidem non nego, quin multum faciat ad Dei potentiam exaggerandam, si per alios res præclaras agat. Verùm alterum non ita se habet: id est, quod dixisti de ejus bonitate commendanda. Demittit enim quidem se Deus & humiliat, verùm non in se ac sua persona, sed

in aliis veluti in Christo & angelis, per quos
humano generi quodammodo servit. In se ve-
rò nihil facit, quod indignum sit sua immensi-
tate, & incomprehensibili majestate. Exem-
pli gratia indecorum est, si Rex ipse velit in-
gredi culinam & parare cibos; quod tamen ipsi
honestum est, si curet fieri per alios. opera ve-
rò quæ Rex ipsemet in sua persona propria a-
gat ejusmodi esse oportet, quæ omnibus aliis
& majestate & dignitate antecellant, si suam
existimationem apud subditostueri velit. Nam
quòd, cum coram aliis de quæstione hac no-
stra circa Iesu Christi personam disputaremus,
me interrogasti, an aliquid sit opus superius &
dignius creatione mundi, quod Deo tribua-
tur tamquam proprium opus, quandoquidem
Filio velim utraque tam creationis, quam re-
demptionis opera ascribi: Respondeo, ut tum
feci, esse omnino. & quamquam de illis nunc
non sit locus; tamen, data hac occasione, bre-
viter hic quoque indicabo. Dico igitur, duo
opera Dei esse propria, quæ creationem & re-
parationem omniaq; opera immediatè a Chri-
sto facta, longissimè antecedunt. Quorum pri-
mum est creatio Filii, quando Deus pro sua in-
finita potentia ex nihilo produxit creatorem
mundi; cum Christus, omni sua potentia, pro-
ducere non possit, nisi creaturam. Quia enim
per Christum Deus omnia condidit, necesse
est,

est, ut credamus, Deum ante omnia filio suo indidisse virtutem ex nihilo creandi mundum, angelos, & homines. & hoc Dei opus omnium angelorum & hominum artem longissimè superat; ac ipsum initium mundi ac rerum omnium antecedit, quemadmodum alterum finem presentis sæculi sequitur. Id verò est beatissimum illud ac immortale Dei regnum, quando non solum in omnes beatos angelos & homines, sed etiam in filium suum unigenitum æternum regnum obtinebit, ac sua felicitate luce ac vita complebit; tum videlicet, quando futurus est omnia in omnibus Huic regno Dei opponitur regnum Christi; idque presentis mundi terminis continetur, eò quòd incipiat cum creatione mundi, & desinat cum cursu hujus mundi. quando enim iudicium erit peractum, tradet Filius regnum Deo & patri. Hæc dico duo esse opera Dei immediata, quæ per se agat, non per alium; quæ sua magnitudine omnia Christi opera excedunt. Vohui autem res maximas digito solum monstrare, cum mihi sit occasio de his aliquid dicendi; quorum defensionem in aliud tempus rejicio.

FAUSTUS SOCINUS.

*Tametsi verum est, Deum per se nihil facere;
quod indignum sit ipsius incomprehensibili majesta-*

161. 1102

re; non tamen hinc sequitur, Deum nequaquam per seipsum quaedam opera facere, quibusdam minor, que per alios facit. Neque enim hoc indignum est incomprehensibili ejus majestate. modò opera, que per seipsum facit, simpliciter considerata, vilia non sunt, quemadmodum certè non est mundi creatio. Sed tu quod a me dictum fuit comparatè, simpliciter accipis; id est, quod de vilioribus operibus dixi, si cum præstantissimis quibusdam comparentur, tu de simpliciter vilius me dicentem facis; & idcirco similitudinem attulisti, Regis, qui ipse ingrediatur culinam, & cibos parat; quod simpliciter & per se vile est, & nò tantum Rege, sed nobili quolibet viro indignum, si alium habere possit, per quem id faciat. Nec vides interea, si similitudo ista vim ullam ad tuam sententiam confirmandam habere debet, necesse esse, ut mundum creare Dei respectu, eodem loco ponas, quo ingredi culinam & cibos parare respectu Regis. quod quàm absurdum sit, tu ipse ostendis, qui ipsum opus creandi mundi tanti aestimas, ut vim id faciendi alii dedisse pro opere habeas, quod Christi opera omnia, ne ipsa quidem reparatione, de qua scilicet antea locutus fueras, excepta, longissimè antecedit. Iam quando Regis similitudinem attulisti, libet tibi ostendere, quàm tuæ sententiæ obsit, si ea rectè utaris, & non ad opera, ab ipso Rege facta, que per se & simpliciter sint vilia, sed ad ea accommodes, que, si cum aliis quibusdam comparentur, que per alios facit, vilia censerì possint. Si igitur Rex ipse non quidem, ut tu dixisti, ingrediatur culinam

nam & cibos pareret, sed egeno homini stipem porrigat, aut quidquam cuiquam sua manu donet, vel infirmorum hominum querelas ipse audiat atque compectat; numquid rem se indignam faciet, quia, scilicet, per ministros suos præstantiora quedam exequatur? Verbi gratiâ alicujus qui injustè captivus ab hoste detineatur, per vim liberationem, juris in causis gravissimis dictionem, populi sui ab omnibus malis & injuriis externis defensionem, & ejusmodi alia. Numquid priora ista, quæ commemoravi, & similia alia per se ipsum faciendo, existimationem suam apud subditos tueri non poterit? An non potiùs, quemadmodum quibusdam Regibus evenisse scimus, ea ratione summam humanitatis & bonitatis existimationem, eoque majorem etiam venerationem apud omnes sibi conciliabit?

Ceterùm quòd te, cum coram aliis disputarem, a me interrogatum fuisse dicis; id, nisi memoria me vehementer fallit, ad hunc modum se habet. Cum ego ad interrogationem tuam, utrum opus præstantius esset, creatio an redemptio, id ipsum tandem respondissem, quod querebas, concedens tibi, redemptionem creationi præstare; statim intulisti primùm, igitur me id facere quod absurdum esset, id est, Christo non concedere, quod minus est, cum tamen concederem, quod est majus; qua de re hic nullam mentionem facis. deinde verò dixisti, indignum esse Christo immediatùm aliquod opus tribuere, quo aliud præstantius similiter immediatùm Deo non tribuatur. Ad illud ego respondi, nihil

di, nihil prohibere, quominus quis alicujus præstanti-
 oris operis sit auctor, minus verò præstantis non sit, eti-
 amsi circa eandem rem utrumque versetur. & tuam
 adversum me ratiocinationem valde sum admira-
 tus. Ad hoc verò, postquam ostendissem nihil indigni-
 tatis ea in re futurum, cum animadverterem necesse
 esse ad tuam rationem concludendam (que tamen,
 quo tenderet, nondum videbam) ut opus aliquod Dei
 immediatum invenires, quod humani generis redem-
 ptione præstantius esset; dixi, me libenter ex te cogni-
 turum, quodnam ejusmodi Dei opus daretur. Quod
 cum dixissem, illico respondisti, hoc nullum aliud esse
 posse, nisi creationem creatoris, id est Christi creatio-
 nem, cui vim alia omnia creandi indidisset. Talis, in-
 quam, tunc suit, si rectè memini, argumentatio tua,
 quam nunc in aliam formam vertisti, id quod silentio
 prorsus præterissem, nisi docere voluissem, interroga-
 tionem meam, quæ omnino commemoranda mihi e-
 rat, aut ea prætermittenda, quæ hic de duobus illis
 immediatis Dei operibus disseruisti, ejusmodi fuisse,
 ad quam tibi omnino respondendum esset, si rationem
 contra me tuam concludere velles. Et quidem rectis-
 simè memini, postquam disputatio eo die peracta est,
 & omnes ex loco, ubi habita fuerat, discessimus, me
 cuidam ex illis, qui interfuerant, dixisse, non venisse
 mihi in mentem, cum disputarem, ad tuam argumèn-
 tationem funditus evertendam dicere, aliud Dei o-
 pus inveniri immediatum, quod, si bona esset ratioci-
 natio tua, non solum mundi creationem, sed etiam i-

ipsam creatoris creationem; si ea alioqui daretur, longe antecederet. hoc erat redemptoris creatio. Nam certe, si creatorem creare plus est, quam simpliciter creare, similiter redemptorem creare plus erit, quam simpliciter redimere; & consequenter, si redemptio creationi præstat, plus erit creare redemptorem, quam creatorem. Itaq; dabitur Dei opus immediatum, quod Christi immediatum opus redemptionis antecellat, quamvis Deus nullum creatorem creaverit; quem etiam si creasset, non tamen constaret ullo modo, hunc esse Christum sive ipsius Dei filium unigenitum. Hæc, quæ tunc cum communi amico privatim contuli, mihi ipsi omnino fidem faciunt, te eo modo, quo dixi, ratiocinatum prius fuisse, & fortasse ob eam rem nihil tunc de altero illo immediato Dei opere dixisse. id enim ad ratiocinationem istam tibi obsuisset, & mihi eam similiter evertendi modum præbuisset; nec necesse mihi fuisset ad hanc illius evertendæ rationem aliud quoddam immediatum Dei opus excogitare, quod redemptione Christi superius dignitate tibi ipsi esse videretur. Quidquid sit, quoniam tu defensionem eorum, quæ hic dixisti, in aliud tempus rejicis; ea diligentius non examinabo; præsertim cum alioqui universa argumentatio tua abunde consutata videatur. Id tantum dicam, me magnopere mirari, te inter immediata Dei opera, quæ longe præstantissima sint, non commemorasse istud, quod ego dicebam, redemptoris, videlicet, creationem, & simul Iesu Christi hominis exaltationem, quo nescio an ullum excellentius & mira-

& mirabilis Dei opus vel cogitatione quidem comprehendere quisquam possit.

ERASMUS IOHANNIS.

NONUM ARGUMENTUM. Adduco duo loca, quæ Christo tribuunt sui ipsius ex morte resurrectionem, Ioh: 10. *Nemo tollit a me animam meam; potestatem habeo ponendi eam, & potestatem habeo rursus eam assumendi.* Et Ioan: 2. *Destruite templum hoc; & tribus diebus reedificabo illud.* Hinc igitur probo, Christum sua virtute ex morte resurrexisse, & fuisse aliquid in Christo essenziale, quod corpus mortuum in vitam revocaret, eum verò fuisse filium Dei unigenitum, per quem secula sunt condita, & vita angelis & hominibus inspirata.

FAUSTUS SOCINUS.

Fateor, me nullo modo percipere posse, quomodo ex eo, quod in Christo aliquid essenziale fuerit, quod corpus ejus mortuum in vitam revocaret, colligas, in eo fuisse filium Dei unigenitum, per quem secula sunt condita, & vita angelis, & hominibus inspirata. Quamvis enim alioqui verissimum sit, Christum & fuisse, & esse filium Dei unigenitum; tamen non video, cur essenziale illud, quod in ipso fuerit, a quo ejus mortuum corpus in vitam fuerit revocatum, aliquid aliud esse non potuerit, præter filium Dei unigenitum; & si filius Dei unigenitus fuit, cur necesse sit, per eum secula, id est, ut tu sine dubio intel-

ligis.

ligis, mundum visibilem, & invisibilem fuisse conditum, & vitam angelis, atque hominibus inspiratam. Ego sanè, qui Christum ipsum Dei filium unigenitum esse & agnosco, & contendo, (non autem in ipso tamquam aliquid essentialiale Dei filium unigenitum fuisse, ut tu loqueris, præter omnem sacrarum litterarum consuetudinem) non tamen concedo, alia secula per ipsum fuisse condita, quàm ea, quæ sunt nobis futura eterna; nec angelis ullam vitam ab ipso inspiratam esse censeo, nisi quatenus eorum potestas a Christi potestate post ejus exaltationem pendet; quemadmodum in responsione ad ultimum tuum argumentum explicabitur. hominibus verò naturalem hanc, quam tu potissimum hoc loco intelligis, eum inspirasse, non credo; id enim soli Deo ejus patri acceptum referendum censeo. Itaque possum, si velim, tibi concedere, ex locis, quas attulisti, probari aliquid essentialiale in Christo fuisse, quod corpus ipsius mortuum in vitam revocaverit. nec tamen quidquam tibi concessero, quod meo iudicio vim ullam id concludendi habeat, quod tu ex eo conclusisti. Atque in eadem hac sententia arbitror fore eos omnes, qui vel argumentandè rationem rectè noverint, vel in rebus philosophicis & divinis fuerint exercitati. Apparet autem, præter alia argumentationis vitia, te pro concesso in ea sumere id ipsum, quod a me prorsus negatur, & in questione nostra vertitur: filium videlicet quendam Dei unigenitum esse, per quem cælum, & terra ipsa fuerit condita, & vita angelis & hominibus inspirata.

H

quasi

quasi non de hoc, sed de eo controversia nostra sit, utrum iste filius Dei unigenitus fuerit in Christo nec ne. Quocirca nihil est omnino, quod me cogat, ad locos quos citasti quidquam præterea respondere. Verumtamen, quia neque etiam ex locis istis id colligi debere existimo, quod tu collegisti, de re illa essentiali, quæ in Christo fuerit, nec inde probari posse quidquam essentialè in Christo fuisse, quod in singulis Christianis hominibus non sit, id quod in re theologica non minimi momenti esse videtur; idcirco paullo diligentius eos mihi examinandos censui.

Dico igitur, ut a posteriore incipiam, non posse ex loco isto quidquam solidi in religionis nostræ dogmatis constituendis elici, si quis in verbis ipsis profusus herere velit. Est enim sermo totus metaphoricus & allegoricus; in cuiusmodi sermonibus non sunt verba secundum ipsum sensum allegoricum superstitiose observanda. quippe quorum aliqua nonnunquam rei veritati non per omnia respondeant; sic nimirum instituta metaphora sive allegoria ferente, atque existente.

ERASMUS IOHANNIS.

Loci sententia est perspicua. neque enim negari potest, Christum per templum intelligere suum corpus, sibi quæ ejus ex morte suscitandi potestatem vindicare.

FAUSTUS SOCINUS.

Loci sententiam perspicuam esse non nego. Immo
hinc

hinc colligo, non posse ex ipso loco illud elici, quod tu putas, nimirum quia non sit extra ipsam apertam sententiam vagandum, & in allegorie verbis curiosius philosophandum. Loci porro sententia est, Iudeis, qui a Christo signum querebant, signum futurum ipsius resurrectionem. Nam hoc idem aliàs dixit Christus, resurrectionem suam nec præterea aliud signum istis ab ipso signum querentibus datum iri affirmans, idq., quod de resurrectione sua intelligebat, ad similitudinem illius, quod Iona prophetae acciderat, futurum dicens. Nempe, quia, sicut fuerat Iona tribus diebus, & tribus noctibus in ventre Ceti, & postea, scilicet, inde evaserat, sic ipse futurus esset in corde terre tribus diebus, & tribus noctibus, & postea, scilicet, inde evasurus foret per resurrectionem. Unde constat, non haberi in hoc signo rationem nisi ipsius resurrectionis: non autem præterea ejus rei, quod Christus seipsum resuscitaturus esset. nam certe non ipse Iona seipsum e ventre ceti eduxit; sed cetus eum, Deo sic volente & operante, in littus evomuit. sic etiam non ipse Christus seipsum ex terra corde sine inferno exemit, atque eduxit; sed infernus, eum, sic Deo jubente atque efficiente, evomuit, & quodammodo viventibus restituit. Et sanè nullo modo in hoc signo, resurrectionis sui ipsius ratio haberi potuit; cum nemini vel apparuerit, vel apparere potuerit, quod Christus seipsum resuscitaverit. signa enim non sunt signa, nisi quatenus in apparent, quibus signa esse debent. Adde quòd, ubi Scriptura de ratione, qua

Matth.
12. 40.

Christus resuscitatus fuerit, disertè loquitur, quod sepe admodum fit, semper Deo, numquam autem ipsi Christo hoc opus tribuit.

ERASMUS IOHANNIS.

Deo etiam imputatur id, quod fit Dei virtute. sic Deo tribuitur redemptio mundi, quam tamen non ipsemet confecit, sed per Christum. Sic omnino verum est ac manet, Deum excelsè Christum ex mortuis, etiamsi id fecerit Christus virtute sibi a Deo indita.

FAUSTUS SOCINUS.

At enim redemptio, quæ Deo tribuitur, eadem Christo quoq; apertissime ascribitur. Nec enim ego, Christum seipsum non resuscitasse ex eo solo sum argumentatus, quod Deus id fecisse dicatur: sed quod præterea nullo in loco, cum ita frequenter ea de verba fiant, a sacris scriptoribus in novo testamento hæc resuscitatio ipsi Christo tribuatur. quod nullo modo futurum fuisse est verisimile, si ipse seipsum resuscitasset. præsertim quia, etiamsi nusquam scriptum esset, Christum nos redemisse, aut aliquid simile; nihilominus id ex tota religionis ipsius Christi ratione apertissime constaret; & tamen id disertè commemorare non omiserunt prædicti divini scriptores, immo frequentius Christo, quam Deo redemptionem nostram tribuerunt. Quanto igitur magis non omiserent resuscitationem sui ipsius, quam Christus fecisset.

cisset, commemorare, cum ea ejusmodi sit, quæ non solum ex ipsa ratione religionis nostræ nullo pacto constet, sed planè ridicula atque absurda atque aded impossibilis esse videatur? Quid enim magis vel risu dignum, vel a veritate alienum aut videri, aut esse potest, quàm eum, qui mortuus sit, seipsum in vitam revocare? Atqui, testibus iisdem divinis scriptoribus, scimus, omnino ipsum Christum, ipsumq; Dei filium mortuum revera fuisse, antequam resurgeret, id est in vitam revocaretur. nam nec fieri potest, ut quis revera in vitam revocaretur, qui non sit revera mortuus. quem tu tamen Dei filium, minimè tunc fuisse mortuum, nescio quo pacto, affirmare audes; cum illi tribuas, quòd corpus suum in vitam revocaverit. Nam si dicas, idcirco Dei filium mortuum fuisse dici, quia ejus corpus mortuum fuerit; Respondeo, hanc loquendi figuram insolentissimam esse, nec ulla ratione admitti posse. Quemadmodum is, qui hominum animos immortales esse statuunt, nulla ratione dicere licebit, alicujus animum mortuum fuisse, eam scilicet ob causam, quòd corpus, cum quo animus conjunctus erat, fuerit mortuum; nec quinquam ita sentientem & loquentem ferre unquam poterit. Nec verò te moveat, quòd in testimonio a te citato ea verba sint, Et ego in tribus diebus erigam illud, quibus ipsi Christo resuscitatio sui ipsius tribui videtur. Nam præterquam quòd, ut initio dixi, in hujusmodi allegoricis locutionibus non est necesse, verba, & sententiam sibi per omnia respondere; ac præterea non potuit

Christus, si in incepta metaphora perseverare volebat, aliter loqui; quemadmodum pluribus verbis consensus est in defensione, quæ paratur, nostrarum animadversionum in Assertiones de trino & uno Deo collegii Posnaniensis. præter hæc, inquam, est locus in sacris litteris, ubi de fidelibus Christi mortuis tale quid dicitur; adeo ut ibi non minus illis, quam hinc ipsi Christo tribui videatur, quod seipsos in vitam revocent. Est is locus Luc. cap. 17. v. 33. ubi dicitur, quod qui perdidit animam suam (nempe propter Christi fidem) vivificabit illam.

ERASMUS IOHANNIS.

Sensus loci citati est, fideles eo ipso quod pro Christo *subientes moriantur, hoc consequi, ut vitam æternam adipiscantur: contra, eos qui id facere recusant, non solum æternam non adipisci, sed etiam hac temporali tandem spoliari. Non igitur tribuitur fidelibus ea vis, qua seipsos vivificent; verum quia in ipsis est ea obedientia, quam Deus æterna vita compensat, dicuntur ipsi id facere, quod Deus sine ipsis facit. At *illo prorsus sentu Christus dicitur semetipsum excitare; nec similis formula de ullo Christiano in sacris reperitur. Timotheus, fideliter docendo, servabat eos, qui ipsius doctrinæ obtemperabant. at non erat in eo vis servandi auditores; sed Deus externo illo instrumento utebatur, ad salutem imperti-

Sic legi
corin 1.
pfo Era
smi scri
pto.

Forrasse
alio.

impertiendam credentibus, quam ob causam dicitur servare. Sic Apostoli edebant miracula non virtute sibi insita, sed invocato Christi nomine. At Christus resuscitat mortuos virtute sibi inhaerente, quamquam a Deo indita, non quæ foris, aut extra ipsum esset. Ita etiam habuit in se potestatem fugiendi mortem & vitam corpori suo restituendi.

FAUSTUS SOCINUS.

Dum sententiam loci a me allati explicare conaris, interim aliqua ratione ejus vim ad id, quod volo, probandum confirmas. Nam, si non rectè tribuitur ibi ea vis fidelibus, quod se ipsos vivificent; sed dicuntur ipsi id facere, quod Deus sine ipsis facit; cur similiter dicere non poterimus, Christum, in loco a te allato, non tribuere revera sibi eam vim, quod se ipsum esset resuscitaturus, sed se ipsum id facturum affirmare, quod Deus sine ipso facturus esset; præsertim, cum idem Christus sit, qui utrobique loquitur? Respondebita (opinor) quemadmodum ex sententia potiùs, quàm ex verbis tuis intelligi potest, in loco a me allato, etiam quod ad ipsa verba attinet, non significari actionem ullam illius, qui perdiderit animam suam propter Christum, quæ actio futura sit postea: sed tantum dici, quod is, qui id fecerit, eo ipso facto vivificabit animam suam, id est, animam suam perdendo, causa erit, ut illa vivificetur. At verò in testimonio a te prolato, actionem resuscitandi corpus suum aperte Christi tribuitur.

sto tribui, postquam corpus fuerit mortuum: Itaque non posse ibi illam loquendi figuram esse, quam in loco a me citato dixisti. Sic, inquam, ut conjicio, ad ratiocinationem meam ex verbis tuis ductam respondebis. Atqui nullo pacto affirmari potest, in loco, quem ego attuli, nullam, quod ad ipsa verba attinet, actionem significari illius, qui animam suam perdiderit, quae actio futura sit postea. Nam haec verba, qui perdiderit animam suam, vivificabit eam, non minus ita possunt accipi, ac si dictum fuisset, Postquam perdiderit, vivificabit, quam, Perdendo vivificabis, immo illo potius, quam hoc modo, accipienda esse. suadet locus similis Matth. 16. 25. ut dicam in examinatione alterius tui testimonii. Quare agnoscere potes, responsonem istam, quam ego ex sententia tua tibi tribuo, non esse firmam. Hanc verò si ipse respuas, non video sanè alioqui, cur nolis formulas loquendi horum locorum esse similes, cum, quod in tuo loco est Erigam sive Excitabo illud, in meo sit Vivificabit, aut, si vim graeci verbi ζωογονησει spectes, Vivam producet, seu gignet illam. Numquid enim plus efficacitatis habet verbum Erigendi sive Excitandi oppositum verbo Destruendi; ut in tuo loco est, quam Verbum Vivificandi seu Vivum producendi oppositum verbo Tardendi, ut est in meo? An non utrumque est verbum (ut vocant) activum? An non utrumque vitam quae alicui detur, alterum metaphoricè, alterum verò proprie in locis ipsis significat? An non ipse denique animadvertit, quare ratione Christus dixit, fideles suos animam,

quam

quam pro ipso perdidissent, vivam producturos, eadem dixisse, aut certe dicere potuisse, se corpus suum, quod a Iudæis destrueretur, erecturum? Etenim, si hoc fieri potuisse neges, quia in Christo ejusmodi vis fuerit ad corpus suum post mortem excitandum, quæ non sit in ullo ipsius fideli ad animam suam post mortem vivificandam; hoc nihil aliud est, quàm manifestè principium petere. nisi fortè id te satis probasse existimes, quia exempla quarundam rerum, protuleris, quæ & Christo, & fidelibus illius tribuantur: & tamen in Christo quidem sint revera, in ejus verò fidelibus, aut per quendam tantummodo loquendi modum, aut per participationem ab ipso. Verùm ista exempla nullam vim habere possunt, nisi fortasse ostendendi, rem sic se habere posse, ut tu dicis; non autem sic se omnino habere. Immo, rei ipsius habita ratione, de qua disputamus, nullam vim prorsus habere queunt. cum aliud sit loqui de Christo vivente, aliud verò de mortuo. Christus vivens & habere potuit, & porro habuit multa, quæ alii non habuerunt. at mortuus, fuit, donec revixit, cæteris omnibus in re ulla habenda par. id est, ut cæteri omnes, pro eo tempore, nihil re ipsa habuit. Pugnant enim hæc duo inter se, Aliquid re ipsa habere, & Esse mortuum, non minus, quàm Esse mortuum, & Vivere. quis enim, eum quidquam re ipsa habere posse dicat, qui non vivat? Itaque, quòd præterea, quia in exemplis, quæ attulisti, continetur, Christum resuscitare mortuos virtute sibi inherente; ex hoc ipso

per se videris concludere, Christum habuisse in se potestatem fugiendi mortem, & vitam corpori suo restituenti; hoc, inquam, meo iudicio perperam assertum est. Potuit enim Christus potestatem in se habere fugiendi mortem: sed quando, videlicet, vivebat. Nam quomodo sugere mortem potest is, qui non vivit? postquam igitur Christus, cum potestate ista uti voluisset, mortem non sugit, id est, mortuus est; jam potestate ipsa tantisper, dum revixit, destitutus fuit. nec ipsemet corpori suo vitam restituere potuit; sed ut alius quispiam, nempe Deus, id fecerit, necesse est. Atque, ut tandem unico verbo ad exempla tua, & rationem istam respondeam, dico, id omne, quod inde rectè concludi queat, tuæ causæ accommodatum, nullum locum habere posse, nisi prius constet, in Christo fuisse aliquid essenziale, quo alii homines careant. Atqui hac de re non modo nihil constat; sed hoc illud est, quod ex Christi verbis, de quibus controversamur, cujus controversiæ causâ ista a te dicta sunt, confirmare voluisti.

Sed, ut de altero tuo testimonio iam aliquid separatim dicamus (quamquam id per superiora satis dilutum videtur) animadvertendum est, verbum *Συμμενδῖ*, quod in Latinis codicibus legitur, in grecis esse *ἁρπαγή*. quod verbum, ut apud Latinos Accipere, frequentissimè nullam actionem sed passionem tantum (ut logici loquuntur) declarat. Quamobrem locus ad hunc modum verti debet: Potestatem habeo ponendi animam meam; & potestatem habeo
rursus

rursus accipiendi eam. ejus autem sensus est, Christum, quemadmodum cruentam mortem subiturus erat, non quia sic vellent Iudei, sed quia sic Deus volebat, cui ipse hac in re, ut in ceteris omnibus, se obedientem prestabat; ita, illis invitis, resurrecturum esse, & vitam recuperaturum, sic Deo volente, a quo ipse totus pendebat. Illico enim subiicit Christus, Hoc mandatum accepi a patre meo. & proxime ante dixerat, Propterea me diligit Pater, quia ego pono animam meam, ut iterum sumam eam, id est, accipiam eam. Nemo tollit eam a me; sed ego pono eam a me ipso. Quoniam igitur ita animam suam, propter solum Dei mandatum Christus volens ponebat, ut eam recepturus esset; idcirco se potestatem habere dixit animam suam ponendi, & iterum eam accipiendi. Vbi diligenter sunt expendenda verba illa, Propterea me diligit Pater, quia, &c. Quorum sententiam esse oportet, vel quòd inde, tamquam ex effectu, apparet, se diligi a Patre; simili enim locutione, hoc eodem sensu ipse Christus alibi utitur, cum de muliere illa, que peccatrix fuerat, inquit, Remittuntur ei peccata multa, quoniam dilexit multum; vel quòd illa erat causa, cur Pater ipsam diligeret. Vtrocumque enim modo verba ista interpreters, satis liquebit, non ipsum Christum vi aliqua sibi inherente seipsum resuscitasse: sed Deum fuisse, qui eum alioqui in morte remansurum, vite immortalis suã potentiã restituit. Nam, si in priorem sensum ea verba accipias; nulla

Dei

Luc: 7
47.

Dei erga Christum præsens dilectio ex eo ipso colligi poterat, quòd Christus poneret animam suam, ut eam virtute jam sibi inherente reciperet. At, si ipse Deus sine virtute ista, suâ propriâ potentia id facturus erat; hinc sanè colligi poterat, quantopere Deus eum diligeret. Rursus, si posteriore sensu verba ista prolata fuisse velis; nulla omnino causa est, cur Deus Christum eo nomine diligeret, quòd mori non recusaret, ut vi, quam in se ipse jam haberet, seipsum in vitam revocaret. Et certè non modò nulla est causa, cur propter hoc eum Deus diligeret; sed hac ratione Christi charitas erga nos non minima ex parte minuitur, & egregium ac prorsus incomparabile ejus factum, quòd ut nos servaret, seipsum in interitus periculum addiderit, planè tollitur, ac denique fides illa, & spes in Deum summa, quâ in ipsa morte præditus fuit, und cum piis precibus, quas ipse Deo obtulit, ut se servaret a morte, perit penitus atque evanescit. At verò, si omnin vis resurrectionis ipsius a Deo immediatè manatura erat, & ipse Christus nullam in seipso vim id præstandi erat habiturus; omnia prorsus constant; ac potissimùm Dei erga Christum summe dilectionis causa ex eo apparet, quòd Christus mori non recusaverit, ut vitam denuò acciperet. sic enim perspicuum est, ipsam Dei bonitati ac promissis maxime confisum fuisse, suamq; ipsius vitam, ut illi obediret, sprevisse. quibus rebus nihil Deo gratius esse potest. Ut igitur concludamus, dico, cum verbum λαμ. βένω sive Accipio sepius nullam accipientis actionem significet, non posse

Ioh: 10. ut nos servaret, seipsum in interitus periculum addi-

11, & 15. xerit, planè tollitur, ac denique fides illa, & spes in

Psal: 22. Deum summa, quâ in ipsa morte præditus fuit, und

Luc: 23. cum piis precibus, quas ipse Deo obtulit, ut se servaret

46. a morte, perit penitus atque evanescit. At verò, si om-

Heb: 5. nis vis resurrectionis ipsius a Deo immediatè man-

79. natura erat, & ipse Christus nullam in seipso vim id

præstandi erat habiturus; omnia prorsus constant; ac

potissimùm Dei erga Christum summe dilectionis aus-

sa ex eo apparet, quòd Christus mori non recusaverit,

ut vitam denuò acciperet. sic enim perspicuum est, ip-

sam Dei bonitati ac promissis maxime confisum fuisse,

suamq; ipsius vitam, ut illi obediret, sprevisse. quibus

rebus nihil Deo gratius esse potest. Ut igitur con-

cludamus, dico, cum verbum λαμ. βένω sive Accipio

sepius nullam accipientis actionem significet, non posse

posse ex Christi verbis omnino colligi, eum vi aliqua sibi inherente animam suam recepisse, quam posuerat: sed potius ex aliis, quæ ipse ibidem dicit, ex quibus totius rei ratione statuendum esse, illum in ea recipienda nihil egisse; Nam, etsi Christus dicit, ejus rei se habere potestatem, sciendum est, hanc locutionem, Habere potestatem, seu, Sibi datam esse potestatem, iis etiam rebus accommodari, in quibus quis revera nihil egit, sed, ut diximus logicos loqui, patitur tantum. Exemplum sit in illis Iohannis Evangelistæ verbis de Christo, Dedit eis potestatem, filios Dei fieri, &c. Nec enim potuit Iohannes hic agere de ea divina filiatione, in qua consequenda nos ipsi aliquid sine dubio agimus, de ea, inquam, qua regeneramur in hac vita, & novum hominem induimus; hanc enim jam habent illi, de quibus loquitur: qui, videlicet, non ex sanguinibus, neque ex voluntate carnis, neque ex voluntate viri, sed ex Deo jam sunt nati. sed necesse est, ut de alia quadam divina filiatione egerit; in qua nimirum nullæ nostræ sunt partes, nisi eam accipendi, id est, datam habendi. Hæc verò quæ sit, si rectè noverimus, videbimus etiam de eadem re hic agi, de qua in illis Christi verbis. Nihil enim aliud est filiatio ista divina, quam beata immortalitas, quam nobis Evangelio suo Christus attulit; cujus, in resurrectione, homines in hac vita per Spiritum Dei renati, quales, in ipso Iohanne teste, sunt, qui Christum ejusque, Evangelium recipiunt, compotes omnino fiunt. Nam ipse Christus dixit, propter ipsam resurrectionem istos filios Dei

Ioh: 1.
12.

Luc: 246
30.

Dei futuros; quibus, licet ea in re nihil prorsus agentibus, potestatem tamen a Christo fuisse datam divinam istius filiationis adipiscende, disertè ait Iohannes. Quid igitur mirum, si Christus dixerit, se habere potestatem recipiendi animam suam (quod, ut dictum fuit, idem re ipsa est cum hac divina filiatione, id est, beata immortalitate, siquidem non ampliùs moriturus, sed in celo postmodum perpetuò regnaturus, Christus revixit) quamvis Christus ipse revera nihil ea in re acturus esset? Nam, si quis objiciat, in Christi verbis præcessisse, quòd haberet potestatem ponendi animam suam, id quod propriè dictum sit, & de re, in qua ipse Christus aliquid acturus esset: ac propterea satis indicari, verba quoque sequentia propriè accipienda esse, & de re, ubi Christus aliquid esset acturus; Respondeo, immo præcedentia verba, quæ propriè sunt dicta, ansam præbuisse Christo in sequentibus eadem locutione, licet minùs propriè, utendi: atque hac ratione eam eo loco, ubi alioqui fortasse minùs convenisset, tolerabiliorem reddi. quemadmodum in hac eadem resurrectionis materia idem Christus dixit, quòd, qui propter ipsum perdidit animam suam, inveniet eam, Matth. 16. v. 25. Quia enim præcessit, perdidit animam suam, quod propriè, aut certe usitatissimè dicitur, rectè subiicitur, ut posterior pars priori elegantius opponatur, inveniet eam; quamvis hoc per se nec propriè, nec usitatè dicatur. Vbi interim vides, cum de anima recipienda Christus agit, non sibi tantum, sed aliis quoque, id tribuere, quod propriè ab-

prie acceptum, indicat omnino rem aliquam essenti-
 alem post ipsam mortem manere, qua tamen non est
 anima, & jam ante resurrectionem esse; immo illum
 ipsum, qui mortuus est, nec dum resurrexit, adhuc ex-
 tare ostendit. Cui loco adde non solum, quem antea
 protulimus, Luc: 17. v. 33. sed etiam Mar: 8. v. 35. ubi
 similiter Christus ait, eum, qui propter ipsum, & E-
 vangeliium animam suam perdiderit, eam servatu-
 rum, qui locus ut superior ille, planè vim & actionem
 præ se fert seipsum excitandi a mortuis; si modo uterq;
 ita accipiatur, non ut vivificare & servare animam
 suam istis tribuatur, dum eam perdunt, (quemadmo-
 dum tu sine dubio, ut supra diximus, priorem locum
 accipis) sed postquam eam perdiderunt. Nam hoc po-
 tiùs, quòd illo modo, locos istos accipiendos esse, suadet
 locus similis paullo ante citatus, ubi necesse est verba
 illa, qui perdiderit animam suam, inveniet eam,
 ita accipere, ac si additum fuisset, non quidem, dum
 eam perdiderit, sed, postquam eam perdiderit. Atque
 ex his omnibus tandem intelligere potes, ex testimo-
 niis tuis nihil solidi posse elici ad id probandum, quod
 querebas; neq; in illis quidquam Christo tribui, quod
 alibi omnibus ejus fidelibus non tribuatur; & propter
 ea, uti prædixeram, ex illis nihil essentiæ, sive ante
 sive post mortem, in Christo fuisse, concludi posse, quod
 in singulis non sit Christianis.

ERASMUS IOHANNIS.

DECIMUM ARGUMENTUM. Ecclesia
 tam veteris quàm novi testamenti non est si-
 ne capite

ne capite Christo. Ergo Christus existerat jam tum cum vetus Ecclesia erat. Alioqui non potuisset esse ejus caput.

FAUSTUS SOCINUS.

Nego istius tui argumenti assumptionem, quatenus in ea pro concesso sumitur, Christum veteris ecclesie caput fuisse.

ERASMUS IOHANNIS.

Videretur assumptio mea probari posse ex eo, quod membra capite egent, quod illis det vitam, nec sine eo consistere possunt. Membrorum autem Ecclesie caput Deus, ex quo omnis vita manat, esse non potest, nisi per mediatorem Iesum Christum. Cum enim Deus nulli sit caput & vita, nisi quem amet, & omnes homines sint per peccatum a Deo alienati, non est quoque caput ulli, nisi beneficio mediatoris.

FAUSTUS SOCINUS.

In hac tua probatione rursus quedam, ut concessa, sumis, que nullo modo sunt tibi concedenda. Primum enim pro concesso sumis, veterem ecclesiam tamquam membra unius corporis fuisse, inter que non esset caput; ita ut per se ipsa considerata, sine capite esset. Atqui animadvertendum est, metaphoram istam corporis, quod per se caput non habeat, non fuisse ecclesie veteri unquam accommodatam, sed tantum nova. Ex quo fit, ut, si quis negaverit, veterem ecclesiam fuisse

fuisse tamquam corpus quoddam multorum & variorum membrorum, vel, si tamen non fuit, non concesserit, eam per se inter membra sua caput non habuisse, nihil inventurus sis, quo ista evidenter probes, & ex sacris litteris, quemadmodum hic fieri decet, desumpta ostendas. Deinde sumis pro concesso, peccata hominum apud Deum numquam expiata fuisse, nisi per mediatorem: Postremò, hunc mediatorem, esse Iesum Christum; cum tamen non modò hæc nusquam in sacris litteris scripta extant, sed frequentissima in illis de peccatorum expiatione apud Deum sine ulla mediatoris mentione, testimonia legantur; nec in universo testamento veteri & novo quidquam de Iesu Christo, ut ante novum fœdus mediatore, scriptum legitur; Immo in novo testamento testimonia sint satis aperta, quòd Christus novi, non etiam veteris, fœderis mediator fuerit.

ERASMUS IOHANNIS.

Cum mihi ea abs te negari videam, quæ minimè negari oportere existimabam, non ultra progrediar.

FAVSTUS SOCINUS.

Ego similiter, etsi scio, ea, quæ tibi non concessi, tibi esse cum plurimis communia, tamen, cum manifestè videam, ea ejusmodi esse, quæ, si quis animum advertere velit, saltè incertissima esse omnino se fassurus; in, quæ dixi, nihil addam ampliùs; nec testimoniis ipsis in medium prolati ipsorum falsitatem ostendam

ostendam. Tametsi video, te idcirco potissimum veritatem ejus questionis, de qua disputamus, nondum perspicere posse, quòd nondum veteris & novi fœderis discrimen rectè tenes; quemadmodum mihi planum faciunt ea, quæ in hoc argumento concludendo & confirmando dixisti. quibus plenè consutatis, sperarem fieri posse, ut verum utriusque fœderis discrimen agnosceres, & porrò mecum in præsentè disputatione consentire. Sed aliàs fortasse hac tanta de re, Deo volente, pluribus agemus.

ERASMUS IOHANNIS.

VNDECIMUM ARGUMENTUM. Propono dicta 1. Ioh. 4. Per hoc patefacta est charitas Dei erga nos, quòd filium suum unigenitum misit Deus in hunc mundum. Gal. 4. cum venit plenitudo temporis emisit filium suum natum ex muliere. Hinc colligo Christum habuisse suam existentiam, antequam nasceretur ex virgine, quia dicitur unigenitus Dei filius esse emissus in mundum & natus ex virgine. Nam qui non sit antequam nascatur, is non dicitur emitti ad nascendum.

FAUSTUS SOCINUS.

Deus bone quid audio? quemquamne emitti ad nascendum? Quis unquam ita locutus est? Certè testimonia a te prolata non dicunt, Christum fuisse emissum ad nascendum sed dices, hanc esse tuam interpretationem. Mirabilis verò interpretatio ista est; que

que Paulum ejus contrarium dicentem facit, quod
 aperte dicit. Is enim, ut tu ipse ejus verba recitasti,
 dicit, Deum emisisse, filium suum natum ex muliere.
 Atqui is, qui natus emittitur, jam natus est, cum e-
 mittitur. qui verò emittitur ad nascendum, (si mo-
 do ita loqui licet) cum emittitur, nondum est natus.
 Nisi te eruditum hominem esse jam perspexissem, co-
 gitare potuissem, num fortasse vocem Natum in la-
 tino codice pro supino, quod vocant, non autem parti-
 cipio accepisses, & quemadmodum, exempli gratiâ,
 rectè dicitur, Mittere aliquem preliatum contra ho-
 stes, pro, ad preliandum contra hostes, sic credidis-
 ses, hoc loco, nova quadam latinitate, dictum fuisse,
 Deum misisse filium suum natum ex muliere, pro, ad
 nascendum ex muliere. quamquam tu in loci verbis
 recitandis non Mittendi, sed Emitterendi verbum ex-
 tulisti, quod ad locutionem istam non perinde vide-
 tur accommodatum. Hoc, inquam, nisi, præter que-
 dam tua verba, de quibus mox agemus, eruditio tua,
 planè me absterruisset, de te cogitare fortasse potuis-
 sem. nam alioqui sanè non video, quomodo non veri-
 tus fueris apertissima Pauli verba tam insigniter per-
 vertere, eaq; interpretandò corrumpere. Verum qui-
 dem est, in testimoniis, quæ protulisti, dici, ut ais, fi-
 lium Dei unigenitum esse missum sive emisum in
 mundum, & ex muliere id est, ex virgine esse natum,
 sed non tamen hoc ordine, quem tua verba indicant;
 quasi missio anteceperit nativitatem. Immo Paulus,
 apud quem, non etiam apud Iohannem, missio un-
 cum

cum *nativitate commemoratur, aperte, ut dictum est, nativitatem missioni precessisse significat. Sed quoniam, ut apparet, tu in eo etiam solo, quod Dei filius missus fuerit a Deo in mundum, magnam vim esse existimas ad ostendendum, quod Dei filius, jam existeret, antequam nasceretur ex virgine, quasi id complectatur, Mitti in mundum, quod ipse Christusalicubi appellat, Nasci in mundum; Dico, te hujus locutionis, Mitti in mundum, apud sacros scriptores vim neutiquam esse assecutum. Ea enim, ut alii loci indicant, in quibus vel ipsa, vel alie similes locutiones inveniuntur, quales sunt Venire in mundum, Exire in mundum, non complectitur nasci in hunc mundum, sed ad munus aliquod inter homines obeundum mitti, sine ulla controversia, significat. Nam nulla ratione, Nasci in hunc mundum, ea locutione comprehendit, vel ille locus ostendit, Ioh: 17. v. 18. sicut tu me misisti in mundum, & ego misi eos in mundum. Certè enim Apostoli non tunc fuerunt a Christo in mundum missi, cum in hunc mundum sunt nati.*

Ioh: 16
21.

Ioh: 18
37.

Ioh: 4
1.

ERASMUS IOHANNIS.

Christus emisit Apostolos e Iudæa in universum mundum. At Christus missus est e cælo in mundum. Præterea opponuntur inter se descendere de cælo, & venire in mundum. Iterum relinquere mundum & redire in cælum. & si primum non accipitur de loci mutatione, nec sequentia commodè possunt, quod tamen necesse est,

FAUSTUS

FAUSTUS SOCINUS.

Cum differentiam istam constituis inter missionem, quâ missi sunt Apostoli in mundum, & missionem, quâ Christus similiter missus est in mundum; jam non amplius ex testimoniis a te allatis argumentaris; in quibus simpliciter dicitur, Christum missum fuisse in mundum, non addito videlicet, unde missus fuerit, quemadmodum nec additum est, unde apostoli fuerint missi, ubi missi fuisse in mundum dicuntur. Adde quod ex testimonio a me prolato, satis constat, ejusdem generis fuisse missionem Apostolorum in mundum, cujus fuerat missio Christi. Hoc enim ex particula Sicut aperte colligitur. In hac siquidem re saltem, si non in alia, similitudinem inter utramque missionem ea particula ostendit. Atqui, si missio Christi in mundum, fuit eum de caelo mittere, ut, scilicet, ex virgine nasceretur; profecto, cum certum sit, Christum non tum predicasse Evangelium, cum in virginis utero conciperetur, & ex ea nasceretur; hoc missionis genus nihil habet commune cum missione Apostolorum, qui ideo missi in mundum sunt dicti, quia ad predicandum Evangelium missi fuerant. In quo etiam nulla mutationis loci habetur ratio. nam si ea tamen intervenit, id ex accidente est; quod quidem attinet ad ipsam missionem. potest enim quis mitti ad predicandum Evangelium, nec tamen locum mutare. Quamquam satis est Apostolos jam in mundo fuisse, ut intelligatur, non significari eos locum mutasse, cum dicuntur missi fuisse in mundum; & propterea

non ejus generis missione missos fuisse in mundum, qua Christus est missus, si ideo Christus missus in mundum dicitur, quod, locum mutans, de caelo in mundum venerit, ubi antea non esset. id quod, ut dixi, cum Christi verbis pugnat; qui missionem suam cum Apostolorum missione non solum eodem orationis membro complectitur, sed etiam aperte hanc illi assimilat.

Iam verò, quod ais, opponi inter se, Descendere de caelo & venire in mundum, iterum relinquere mundum & redire in caelum, rectè facis, qui, testimoniis omissis, quae antea attuleras, ut pote, quae prorsus nihil probant; alia produci, quae aliquid probare videantur, tametsi hoc recta disputandi ratio & lex non patitur; praesertim, cum tu nihilominus interea prioribus testimoniis recedere nolle videri velis, quin potius tuam inde ductam argumentationem confirmare. quod tamen revera non facis; sed unà cum novis testimoniis novum etiam argumentum profers. Prius enim ex eo argumentabar, quod unigenitus Dei filius diceretur, emissus in mundum, & natus ex virgine. Nunc autem ex eo argumentaris, quod Christus dicat, se descendisse de caelo & venisse in mundum; idò, ita, ut appareat ex sequentibus, eum de loci mutatione loqui; quippe qui statim subjungat, iterum se relinquere mundum, & redire in caelum. Ad quod argumentum convellendum, antequam propius accedam, monendum censui primum, Christum non dixisse, se descendisse de caelo, & venisse in mundum, nec

in eo loco, quem tu intelligis Ioh. 16. v. 28, nec usquam alibi: sed, se exivisse a Patre, & in mundum venisse. Aliud autem significare potest Descendisse de caelo, si subjiciatur, Et venisse in mundum, quam Exivisse a Patre, si idem subjungatur. Deinde, eundem Christum nusquam disertè dixisse, se redire in caelum: sed in loco, quem intelligis, ad Patrem se ire, affirmasse. Quidquid sit, ut argumēti tui vim ad id, quod quaeris, probandum nullam esse ostendam, eo omisso, quòd, quamvis posterior pars verborum Christi de mutatione loci accipienda sit, commodè tamen, contra quam tu putas, prior de alia re accipi potest, nam de hoc jam plura scripsi in responsione mea ad Volanum, quam videre poteris; eoq; similiter omisso, quòd verba illa Exivi a Patre, alium ab eo, quem tu sequeris, sensum habent, eumq; planissimum, & ab aliis etiam agnitum, atq; ipsis sacris litteris aperte contestatum; his, inquam, omisiss, Dico, concedi posse, Christum eo in loco ea ipsa verba dixisse, quae tu illi tribuis, atq; ad eò dicere voluisse, se revera ex ipso caelo in mundum venisse, loci vera & propria mutatione facta. nec tamen hinc quidquam efficietur, quod tuam sententiam juvet. Siquidem, ut in responsione ad septimum argumentum diximus, potuit Christus, postquam natus est ex virgine, fuisse revera in caelo, & inde ad munus Evangelii annuntiandi obeundum descendisse, & in mundum venisse. Nam, quòd Christus in mundum venerit, postquam est natus, satis docere possunt ipsius verba illa, Ego in hoc natus sum, & ad hoc veni

Ioh: 16.

37.

in mundum, ut testimonium perhibeam veritati. Nec vero, propterea quod jam Christus in mundo fuisset, ibique natus & educatus esset, dicere non potuit, se de caelo descendisse, & in mundum venisse, cum de caelo, quò e terra ascenderat, rursus in terram descendit. quemadmodum, si quis in Polonia natus & altus, in Germaniam postea iret, ibique aliquandiu commoratus rursus in Poloniam veniret, rectissime dicere posset, se ex Germania discessisse, & in Poloniam venisse. Quamquam nihil vetat, quominus, licet Christi verbis, ut a te concinnata sunt, Descendisse de caelo loci mutationem significet; id tamen, quod subjicitur, Et in mundum venisse, eo sensu dicatur, quem locutione ista aut simili significari apud sacros scriptores antea diximus, & ad Evangelii prædicandi munus, quod, postquam de caelo descendisset, obire inceperit, omnino referatur. Adeò autem perpetuam esse arbitror, quam supra dixi, istius locutionis significationem in sacris litteris, ut nihil dubitem, quin in loco illo apud Iohannem, quæ illuminat omnem hominem venientem in mundum, non venientem, sed veniens legendum sit. nam legi posse, cum animadversum est a multis, tum græcum exemplar consulenti manifestum est: Vt nimirum participium illud non ad omnem hominem referatur, sic enim significationi isti non esset locus, sed ad Lucem. nam alibi quoque lux illa, nempe Christus, in mundum venisse dicitur; quatenus scilicet Christus, Evangelii prædicatione & confirmatione, mundi tenebras illuminavit. Sed de his hæcenus.

Ioh: 1.
9.

Ioh: 9.
19.

Ioh: 46.

ERASMUS IOHANNIS.

DUODECIMUM ARGUMENTUM. Ad-
duco locum Iohan: 12 ubi Iohannes citat testi-
monium ex Esaia cap: 6. & applicat Christo,
testans, Esaia vidisse gloriam ejus, & locu-
tum esse de eo: unde colligo Christum fuisse in
veteri Testamento, qui sit allocutus Prophe-
tas.

FAUSTUS SOCINUS.

In verbis illis istius loci, quando vidit glori-
amejus, & locutus est de eo, *relativa Ejus*, &
Eo possunt commodè illum Dominum reserre in pri-
oribus Esaia verbis ibi recitatis nominatum, vel po-
tius eum, (qui tamen idem est) qui in posterioribus
loquens inducitur, id est, Deum. Et sanè in græca Rob.
Stephani editione in folio (ut vocant) annotatum est
in margine, nota quadam id significante, codicem
quendam vetustissimum in Italia ab amicis typogra-
phi collatum pro τὴν δόξαν αὐτοῦ id est Gloriam
ejus, habuisse τὴν δόξαν τοῦ Θεοῦ, id est, Gloriam Dei.
Eadem lectio adnotata est in margine codicis græci
editi a Christoph. Froshovero Tiguri anno 1559. Et
ego habui quondam in Italia græcum codicem manu
scriptum antiquissimum & elegantissimum, quem
mihi eripuit quidam, in quo, nisi me memoria fallit,
eadem lectio in ipso contextu consignata erat. Sed, e-
tiamsi hujus antiquæ lectionis nullum prorsus indi-
cium extaret, & vulgata lectio omnino retinenda

asset; jam dixi, quomodo Iohannis verba commodè ad Deum referri possint.

ERASMUS IOHANNIS.

Ipse contextus hoc postulat omnino, ut de Christo hæc verba accipiantur. Præcedit enim sermo de incredulitate Iudæorum, quod Christo tot signa edenti non crediderint. Ac ne cui id novum videri possit, adducit testimonium Esaiaë, qui jam olim prædixit ita futurum. Verum ne quis Iohanni objicere possit malè accommodari dictum Esaiaë iis rebus, quæ tum a Christo gerebantur, addit expressè, Esaïam de Christo locutum esse, ideoq; alienum a tuo instituto non esse illud testimonium. Præterea sequentes versiculi 42, 43. de Christo loquuntur; nec potest ab his 41. secludi.

FAUSTUS SOCINUS.

Quòd præcedat sermo de incredulitate Iudæorum, ad quam Esaiaë testimonium accommodetur; hoc nihil aliud postulat, nisi, ut Esaiaë testimonium ad tempora Christi pertineat, tunc videlicet, cum in terris agens Iudæis concionatus est, & tunc potissimum vaticinatio illa suum exitum habuerit. Sed, quòd postrema illa Iohannis verba magis ad Christum, quam ad Deum referantur, id nullo modo postulat. Quid enim impedit, quominus Esaiaë illa verba protulerit, seu recensuerit, cum Dei gloriam vidit, & de ipso est locutus.

locutus
si temp
new re
derit. E
debim
littera
ipsius
renda
Esaia
possi
Esaie
illi obj
jici an
Iohan
tate s
rat, n
dem
litate
Evan
nunci
ista d
mile
Esaia
isti t
xi, r
rùm.
sto l
hoc
qua

locutus, & interim tamen tota vaticinatio ad Christi tempora ejusq; apud Iudeos Evangelii predicatorem referatur? Nam de qua Dei gloria, quam ipse viderit, Esaias loquatur, aut certe loqui possit, postea videndum. Illud hoc loco non omitam, te non satis solidè ratiocinari, cum ostendere vis, qua ratione ex ipsius Iohannis mente ejus verba ad Christum referenda sint, & ais, ideo Iohannem expressè addidisse, Esaiam de Christo locutum fuisse, ne quis ipsi objicere possit, quòd malè iis rebus, quæ a Christo gerebantur, Esaiæ dictum accommodet. Quasi verò, si hoc antea illi objici potuisset, postea, propter ista ejus verba, objici amplius non posset. Nam quid, queso, probarent Iohannis ejusmodi verba, nisi quatenus ejus auctoritate staretur. Atqui, si ejus auctoritate standum erat, ne antea quidem id objici poterat. Adde, quòd eadem verba Esaiæ cap: 6. a Paulo similiter ad incredulitatem Iudeorum accommodantur, cum illis ab ipso Evangelium & Iesus Christus predicaretur & annuntiaretur; nec tamen additur ab eo, quòd Esaias ista dixisset, cum de Christo loqueretur, aut aliud simile quidpiam. Et Christus ipse eandem prophetiam Esaiæ in Iudæis impletam fuisse affirmat; nec tamen isti tacite objectioni ullo modo occurrit. Itaque, ut dixi, ratiocinatio ista tua nihil firmitatis habet. Ceterum, quod dicit de sequentibus versiculis, qui de Christo loquantur, nec possint a precedente separari; Ad hoc respondeo, istam tuam rationem & regulam, quam videri statuere, ut, scilicet, pronomina relativi

Act: 22

Matth: 23
14

vs tacite

*va tacita aut expressa ad proxima referantur, in
 cris præsertim litteris, non esse perpetuam: potissimum
 verò apud hunc scriptorem fallacissimam esse
 quemadmodum agnoscer quisquis diligenter ejus
 nam epistolam legerit; maxime ubi, ut hoc loco fit,
 de Deo, & Christo agitur. Sæpe enim, altero proximo
 nominato, in relativis tacitis aut expressis, quæ sub-
 jungit, alterum intelligit. Ut, exempli causa, ad
 nem secundi cap: cum dixisset, Et nunc filiohi ma-
 nere in eo, ut, cum apparuerit, habeamus fida-
 ciam, & non confundamur ab eo in adventu
 ejus, illico addit, Si scitis quoniam justus est, sci-
 tote, quoniam & omnis, qui facit justitiam, ex
 ipso natus est. Nam, sicut nemo dubitare potest,
 quin priora verba de Christo sint dicta, sic nemo e-
 rit, qui neget, posteriora de Deo dicta esse; præsertim,
 cum statim in principio seq. cap. scriptum sit, Vide-
 te qualem charitatem dedit nobis Pater, ut fi-
 lii Dei nominemur. Sed & paulo ante in eodem
 cap. 2. mira videtur esse confusio pronominum rela-
 tivorum, nec satis dignosci posse, ad Christumne, an
 verò ad Deum, sive ad Filiumne, an verò ad Patrem
 hæc, aut illa verba referenda sint. Præterea dico,
 42, & 43. versiculum nullo incommodo a 41 sejun-
 gi posse: immo, ni fallor, debere. Nam quidquid est
 ab illis verbis versiculi 37, ut sermo Elaiæ, & c. usq;
 ad finem versiculi 41, videtur omnino, per parenthe-
 sim legendum esse. totum enim hoc testimonii expo-
 nendi & confirmandi insumitur, quibus id, quod
 ante*

antea dictum fuerat, probaretur. qua re perfecta, statim sit reditus ad superiora; & sermo cum eo, quod antea fuerat dictum, coniungitur atque connectitur. Nemo enim, arbitror, negaverit, verba illa in initio versiculi 42, Verumtamen & ex principibus multi crediderunt in eum, conjungi debere cum superioribus illis versiculi 37, Cum autem tanta signa fecisset coram eis, non credebant in eum, ad eaq; relationem habere.

ERASMUS IOHANNIS.

Quid igitur causæ fuit, ut Iohannes post recitata testimonia hanc appendicem addiderit, cum omnibus constet Dei gloriam in veteri testamento apparuisse, & prophetas de ipso Deo locutos esse? Planè igitur ociosa & supervacanea est hæc pars, si de Deo intelligatur. Quia verò nemo facillè de Christo istum locum prophetæ intellexisset, nisi disertè fuisset Christo accommodatus, ideo Iohannes hæc verba addidit.

FAUSTUS SOCINUS.

Visa est gloria Dei in veteri testamento; sed (eo nimirum sensu, quo Scriptura hanc locutionem usurpare solet) non perpetuè, immo Rarè, ut mox dicam. Locuti etiam sunt prophætæ de Deo; sed non semper, nam sæpius de aliis quoque verba fecerunt; Intelligè præcipuè sive, ut loquuntur, principaliter. nam consequenter, & ut sic dicam, accessoriè, & de Deo ferè

ferè sunt locuti, cum tamen de alijs sermo institutus precipuè esset, & rursus de alijs verba fecerunt, cum tamen de Deo precipuè loquerentur. id quod unicuique prophetica scripta legenti apertissimè constabit. Iam verò, quòd Dei gloria, quam Scriptura intelligit, cum eam conspectam fuisse dicit, in veteri testamento perpetuò non apparuerit, immo ita raro, ut simpliciter loquendo, vix apparuisse dici possit; indicant inter alios, qui in Scriptura extant, plures loci apud ipsum Esaiam, in quibus novi testamenti tempora predicuntur, & tunc gloriam Dei visum iri affirmantur. loci sunt cap: 35. v. 2. cap: 40. v. 5: cap: 60. v. 1. & 2: & cap: 66. v. 18. & alii fortasse apud eundem prophetam. Dei autem gloriam tunc videri Scriptura intelligit, cum Deus singulari aliqua ratione, & cum splendore ac majestate quadam eximia se presentem ostendit. Propterea legitur Exo: 16. v. 7. Manè videbitis gloriam Domini: & v. 10. & ecce gloria Domini apparuit in nube nempe quia Dei presentia splendida ac magnifica aliqua ratione tibi ostensa est. Idem habetur Levit: 9. ver. 6. & 23: Num: 14. v. 10: & cap: 16. v. 19. & 42: & cap: 20. v. 6. Vide etiam Exod: 33. v. 18. ubi Moses ipse Deum rogat, ut ipsi ostendat gloriam suam. Sed quid plura, cum certum sit, Esaiam eo in loco, ad quem ipse vii appendicem (quam vocas) Iohannis referendam esse, id est cap: 6. talem de Deo visionem habuisse, qualis cum exhibetur, tunc Dei gloriam apparuisse, Scriptura nominatim dicit, idq; ad differentiam aliarum Dei,

Dei,
Nam
len
lucul
capit
min
visio
glor
di ju
clud
ias i
ut in
ran
cele
qua
nibi
isse
eo
reci
deo
esse
&
fili
tu
cu
um
for
sta
da

Dei, quæ prophetis ipsis contingunt, apparitionum.
 Nam Ezechiel, cum cap: primo, per totum caput, simi-
 lem visionem sibi juxta fluvium Chebar exhibitam
 luculenter enarrasset; non solum in initio secundæ
 capituli dixit, Hæc visio similitudinis gloriæ Do-
 mini: sed etiam, cum postea rursus non dissimilem
 visionem habuisset cap: 3. v. 23. inquit, Et ecce ibi
 gloria Domini stabat, quasi gloria, quam vi-
 di juxta fluvium Chebar. Itaque, ut tandem con-
 cludam, dico, Iohanni causam addendi, quod Esa-
 ias illa dixisset, cum vidit gloriam Dei, hanc fuisse,
 ut indicaret locum in Esaie libro, ubi hæc scripta e-
 rant. Visio enim illa magnifica & gloriosa admodum
 celebrem locum faciebat; gloriâque Dei nominatâ,
 quam Esaias vidisset, statim visio ista intelligebatur.
 nihil enim simile nec ante, nec post, ei conspectum fu-
 isse legitur. Quod autem adjungit, & locutus est de
 eo, id eò pertinet, ut sciamus, verba, quæ ex eo loco
 recitaverat, ad id confirmandum, quod dixerat, Iu-
 deos credere non potuisse, ad ipsum Deum referenda
 esse: verba, inquam, illa, Excæcavit oculos eorum,
 & induravit cor eorum; quatenus scilicet Dei con-
 silio excæcatio ista, & induratio eventura predici-
 tur. quod alioqui non facile animadversum fuisset,
 cum sine dubio ultima verba, & sanem eos, ad De-
 um referenda sint: ea autem fuerint in prima per-
 sona enunciata, superiora verò in tertia. unde con-
 stare videtur, ad alium quempiam superiora referen-
 da esse. Id autem eò libentiùs fecisse Iohannes existi-
 mandu

mandus est, quod græca editio, qua tunc potissimum utebantur, id est illa, quæ 70. illis interpretibus tribuitur, locum hunc eiusmodi verbis expressum habebat, ut vix ulla ratione excacationem, & indurationem istam Dei consilio factam fuisse, apparere posset. Sic enim in ea editione locus hic habebatur, ut a Luca sub Pauli persona recitatur Act. 28. quemadmodum testatur Hieronymus in commentariis suis in Esaiam, sed & hodie in vulgata interpretatione græca, quam multi illam ipsam 70. interpretum esse volunt, ad eum modum legitur.

ERASMUS IOHANNIS.

Fateor mihi hæc nequaquam satisfacere.

FAUSTUS SOCINUS.

Ego verò non video, cur ea tibi satisfacere non debeant, præsertim cum causa quam ipse in extremis tuis verbis attulisti, cur Iohannes hæc verba addiderit, quia videlicet alioqui nemo faciliè istum locum Propheta de Christo intellexisset (ubi corrigis quodammodo id, quod supra dixeras de eo, quod alioqui Iohanni objici potuisset, & aliquantò tolerabilior loqueris) cum, inquam, ista causa, ut ante dictum fuit, nullam firmitatem habeat. Non enim solum, quemadmodum ostendi, fuit a Paulo hic idem locus eidem Iudæorum incredulitati accommodatus citra ulla eiusmodi a se addita verba; sed etiam vix invenies tales additiones umquam a N. testamenti scriptoribus usurpari, cum ex veteri testamento locos citant, quos

ad

ad Christum ejusq; tempora accommodent; etiam si sepe illi ejusmodi sunt, ut multo minus, quam iste apud Esaiam, ad rem facere videantur. Cujus generis sunt illi duo ab eodem Iohanne citati, os non com-^{Ioh: 19:} minuētis ex eo, & Videbunt in quem transfi-^{36, 37.} xerunt. Certè, quòd Iohannes in illis verbis, quando vidit gloriam ejus, ad id respexerit, quod ego dixi, id est, ad splendidam & magnificam visionem illam Dei, quæ Esaiæ apparuit, senserunt alii quoque ante me. atque inter hos auctor vel potius auctores annotationum novi Testamenti in Bibliis Vatabli. Namq; ad verba ista sic ibi annotatum est, Id est hoc prædixit Esaias, quum vidisset magnificum illum splendorem in quo apparuerat illi Deus in templo illo imaginario. Ex qua etiam annotatione, etsi auctor illius, ut verisimile est, Trinitarius erat, tamen conjici potest, illum ea Iohannis verba non ad Christum sed ad Deum retulisse; cum nihil addatur, unde sciri possit, quomodo id, quod dixerat, ad Christum accommodari debeat.

Hæc profectò satis esse deberent, ut planum fiat; Iohannem de Deo potius, quam de Christo, locutum fuisse: & sic tibi satisfiat in responsione ad argumentum, quod ex isto Iohannis loco duxisti. At tamen, ut nihil prætermittam, quod a me desiderare possis, Dico, Iohannis verba ad Christum, ut tibi placet, referri posse, nec tamen hinc quidquam tuam causam adjutum iri. Nam, aut vis Iohannem intellexisse gloriam aliquam Christi ab Esaiæ visam, quæ ex ipsis E-

saie verbis colligi possit; aut, quæ inde non possit col-
 ligi. Si nolis, illam inde posse colligi, non satis pru-
 dentem facies Iohannem, qui se lectorum ludibrio ex-
 ponat, tamquam, qui sua somnia narret potius, quam
 id, quod revera fuerit. qua tamen de re utcumque
 statuendum sit, cum qualis fuerit visio ista gloriae
 Christi, quæ ex ipsis Prophetæ verbis non colligatur,
 nullo modo constet, nihil impediet, quominus dica-
 mus, eam futuræ gloriæ fuisse, per spiritum propheticum;
 de quo vide 1 Pet. 1. ver. 11. Ex quo nihil
 prorsus concludi poterit de Christi existentia tempo-
 re Esaiæ, vel antequam ex virgine nasceretur. Sin
 autem velis, istam Christi gloriam ex ipsis Esaiæ ver-
 bis colligi posse; Tunc rursus, aut vis, Iohannem, cum
 verba illa addidit, ad utrumque Esaiæ locum respe-
 xisse, aut ad posterius a se recitatum tantum. si ad
 utrumque, apparet, quod ad priorem loco citatum
 attinet, necesse est, ut Iohannes de futura Christi
 gloria ab Esaiâ visa loquatur. quandoquidem totum
 illud caput 53. Esaiæ loquitur de Christo, ut homines,
 qui, licet coram hominibus despectus aliquandiu es-
 set futurus, & turpi morte afficiendus, tamen & a-
 pud Deum, propter sanctitatem atque innocentiam
 suam admirabilem, perpetuò gloriosus futurus esset,
 & postmodum, propter suam obedientiam, non solum
 apud Deum, sed etiam apud homines ingentem eamque
 perennem gloriam adepturus. Cum igitur illa Chri-
 sti gloria ab Esaiâ visa, quæ ex loco isto colligi po-
 test, ejusmodi sit, ut ad Christum hominem referri
 debeat;

debeat; non est alio modo dubitandum, quin ea, quæ ex altero loco colligatur, ad eundem Christum hominem sit referenda. Ea verò qualis sit, satis ex loco ipso intelligi potest. Cum enim constet, ibi prædicatæ cecitatem, & duritiam cordis Iudeorum in fide Christo adhibenda, & statim sequatur prædictio desolationis, & vastationis illius populi; apparet, Christi gloriam ab Esaia prævisam, gloriosam illam punitionem fuisse suorum inimicorum, & consequenter ad alias gentes sui nominis perillustrem propagationem. quamquam Christi hominis futura gloria in illa etiam ipsa Dei visione Esaie exhibita continetur; ut paullo post dicam. Nam, si velis, verba Iohannis tantummodo ad locum istum posterius citatum referenda esse, tunc necesse est, ut gloria Christi ab Esaia visa vel in visione illa contineatur, vel in aliis, quæ ibi prædicuntur. Si in visione illa continetur: aut idea continetur, quod Christus sit ille idem Iehova, qui Esaie conspectus est: aut quia in ea Iehovæ gloria, quæ in visione illa conspecta fuit, Christi quoque gloria contineatur. Quod Christus sit ille idem Iehova, te, qui mecum de uno Deo patre consentis, dicturum esse, in animum meum inducere non possum; licet non desint, ex iis qui tecum sentiunt, qui omnino velint, Christum in veteri testamento frequentissimè Iehovam fuisse appellatum, & in locis pane innumerabilibus id, quod desertè Iehovæ tributum est, ad Christum referri debere; etiamsi nulla rei futuræ prædictio in illis contineatur (nam hoc unum est ex pluri-

bus absurdis, in qua tandem vestram sententiam defendenti deveniendum est) quod aliud nihil est, quam Trinitarius, vel certè iis, qui Christum ex ipsa divina essentia & generatum esse & constare volunt, aperte favere. Sed hæc relinquamus; & quando satis alibi a nostris hominibus, & a me ipso demonstratum est, Christum non esse illum Iehovam, & ad hunc locum, tamquam, scilicet, si a Iohanne ad Christum accommodatus fuisset, a quibusdam & a me ipso, ut spero, non malè responsum fuit; concludamus, si Christi gloria ab Esaia visa in illa ipsa visione continetur, id alia ratione fieri, quàm quia is, qui illi in gloria est conspectus, ipse Christus esset: altera, videlicet, illa ratione, quòd in illà Iehovæ gloriâ, Christi quoque gloria contineatur. unde etiam responsio patet adversus illos, qui hinc, propter Iohannis verba, Christum, ipsum Iehovam esse probari contendunt. Namque intelligendum est nimirum, in visione illa non præsentem, sed futuram Iehovæ seu Dei gloriam apparuisse, & Esaiæ representatam esse: gloriam, inquam, illam, de qua, ut supra indicavi, idem Esaias alibi vaticinatur, quòd ab hominibus conficienda esset; quæ etiam in verbis, quæ in ipsa visione audit, disertè commemoratur. clamabant enim illi Seraphim, Sanctus, sanctus, sanctus, Iehova exercituum, plena est omnis terra gloria eius. Tunc enim revera omnis terra Iehovæ gloriâ plena fuit, quando Christus primùm Israelis populo apparuit, & deinde prædicatus est gentibus per universum

versum orbem. quod ut verum esse intelligas, vide ex locis ejusdem Esaie, quos supra notavi, potissimum cap. 66. v. 18. Cum hæc igitur ita se habeant, unicuique perspicuum esse potest, quomodo in gloria illa Iehove ab Esaia conspecta ipsius Christi gloria contineretur, & ita per illius visionem Christi gloriam, non quidem tunc presentem, sed post ipsum Christum ex virgine natum & mundo exhibitum futuram, ille viderit. Vnde liquet, ex Christi gloria, que in illa visione Esaie apparuerit, nullo pacto ipsius Christi existentiam, antequam ex virgine nasceretur, probari posse. Quod si postremo Christi gloria, quam vidit Esaias, que ex loco isto possit intelligi, non in illa visione, sed in aliis continetur, que ibi predicuntur, necesse est, ut illa non presentem, sed futura fuerit. qualis verò illa esse possit, jam antea ostendi: id est, ejusmodi, que omnino post Christum ex virgine natum, extiterit: immo postquam Christus, Iudæis annuntiatus, ab illis rejectus fuit.

ERASMUS IOHANNIS.

DECIMUM TERTIUM ARGUMENTUM. Prodo testimonium, quod extat Heb. 1. v. 6. Adorent eum omnes Angeli Dei. Hoc dictum, quia citatur e psal. 97. satis declarat, Davidem suo tempore hortatum esse angelos ad laudandum & celebrandum Christum, quod minimè fecisset, si suo tempore non extitisset. Quod si quis dicat aliam fuisse mentem Davidis, neque

que hoc argumentum eo psalmo tractari: Saltem ex hac citatione colligitur quod sentit autor ejus epistolæ de Christo, eum videlicet re ipsa tempore Davidis extitisse, & ab angelis adoratum esse. alias minimè istud Psalmi testimonium citare potuisset.

FAUSTUS SOCINUS.

In Psalmo 97. quemadmodum alii etiam animadvertunt, est vaticinatio de regno Christi: id est, sub typo plenæ possessionis terræ Israël, quam, devictis suis hostibus, adeptus est David: per quem, videlicet, Deus tunc regnasse dicitur. Atque id, quod dixi, de typo Davidis, confirmat prorsus in græca interpretatione inscriptio; quæ, si latinè reddatur, sic ad verbum habet, Psalmus Davidi, quando terra ipsi restituta est. nam apud Hebræos, ut ibidem subjungitur, psalmus ille est sine titulo. Id verò, quod dixi, de regno Christi ibi prædicto, sensit omnino auctor ipse epistolæ ad Hebræos. & propterea verba, quæ ex illo citat, ad Christi regni initium accommodavit; regni, inquam, illius tum primùm initi, cum Christus in celum, devicta morte, & inferno, translatus est, & in futurum nobis orbem terrarum introductus; per quem, videlicet, Deus regnat, & regnaturus est; quæ admodum ostendi supra in responsione ad quintum argumentum. Quid igitur causæ habes, cur omnino velis, si ad Christum verba illa psalmi rectè fuerint accommodata, ipsum Christum jam tum, id est, Davidis

vidis tempore, extitisse, cum verba ista, ipso eodem, qui ea ad Christum accommodavit, teste, in futurum, secundum quidem mysticum sensum, quem ipse aperte secutus est, prorsus respiciant? Nulla equidem ratione videre possum, cur tantopere id asseveres, immo cur contrarium potius inde colligi non fatearis; si modò de Christi existentia quidquam inde colligi potest, nisi velis, quia is, de quo verba illa expressè dicuntur, est, ut quidem videtur, Iehova, Iehova autem jam tum sine dubio erat, idcirco necesse esse, ut Christus, cui accommodantur, jam tum esset. Atqui hæc ratio, eo stante, quod modò dixi, quodq; certissimum est, videlicet, in verbis illis esse mysticum sensum, qui ad futurum tempus referatur, quemq; is ipse, qui ea citat, omnino secutus fuerit; nullum momentum habere potest; nisi verba illa, quæ expressè de Iehova videntur dicta, nò aliter ad Christum accommodari potuerint, quam si Christus sit essentialiter, ut ita loquar, ipse Iehova. Hoc autem nec tu sine dubio vis, & planè falsum esse constat; cum sacras litteras legenti nullum dubium esse possit, quin & angelis, & hominibus ea non raro tribuantur, quæ ipsius Dei sunt, quia, nimirum, sæpe cõtingit, ut illi sint mediæ quedam causæ eorum, quæ vel a Deo erga homines, vel etiam ab hominibus erga Deum fiunt. Sed cum is, qui hoc, quod palam falsum esse diximus, asseverare nihilominus non dubitant, quatenus volunt omnino, ut, si quid de Deo seu Iehova in veteri testamento dictum, in novo ad Christum accommodatum fuit, inde necessariò colligatur,

Christum esse ipsum Iehovam, cum istis, inquam, abunde a nostris hominibus concertatum est: & exemplis in medium prolati aliorum, præter Christum, quibus ea tributa fuerunt, quæ Dei sunt, error iste confutatus. id quod aliquantò etiam diligentius fit in ea defensione, quam dixi a fratribus parari pro Animadversionibus in Assertiones de trino & uno Deo Collegii Posnaniensis. Tecum verò non ita agere neesse est: sed tantummodo te hortari, ut diligenter consideres ea, quæ ante dixi, de re futura, quæ in verbis illis, & adorent eum omnes angeli Dei, sub typo rei præsentis prædicta fuerit; quam, ipso typo, regis tunc præsentis omiſsa, solam spectaverit auctor illius epistolæ; & idcirco ad Christum, licet, cum Psalmus ille compositus est, nondum existentem, sed planè futurum, verba ista inde sumpta accommodare non dubitaverit. Nam, cur non solùm accommodaverit, sed, tamquam de ipso Christo dicta, acceperit, satis demonstratum est, cum ad tuum quintum argumentum respondimus.

ERASMUS IOHANNIS.

DECIMUM QUARTUM ARGUMENTUM.
 Produco initium cap: i. ad Colossen: quod initium distinguo in partes duas, quarum prima v. 16. & 17. agit de prima creatione, quæ facta est per Christum. Altera v. 18, 19, 20. de instauratione mundi secundum quam Christus est caput Ecclesiæ. & opponuntur inter se quæ

v. 16. dicuntur per Christum condita esse omnia tum quæ in cælo sunt, tum quæ in terra, & v. 20. omnia esse per eum reconciliata tum quæ in cælo sunt, tum quæ in terra. Est igitur Christus utriusque operis effector tum creationis mundi tum redemptionis; secus esset inanis tautologia.

FAUSTUS SOCINUS.

Quas duas partes facis loci, quem attulisti, eæ non sunt a te rectè constitutæ, nec quales ipse Paulus fecit. Is enim toto hoc loco de secunda tantùm creatione agit, non etiam de prima. ut abunde a me demonstratum est in responsione ad Volanum, & hîc postea confirmabitur. Quæ secunda creatio duas partes habet. Vna est renovatio rerum intelligentiâ præditarum cælestium & terrestrium, idq; singularum per se, quatenus potissimùm illis Christus dominari incepit easq; regere ac gubernare. Altera est earundem renovatio, quatenus per eundem Christum sunt inter se erga Deum reconciliatæ & concordæ factæ. Posterior pars, finalis caussa est prioris: Prior verò posterioris caussa instrumentalis sive efficiens secundaria. Continetur autem prior pars tribus primis versiculis, 16, 17, & 18; posterior verò v. 19, & 20. quamquam priora verba v. 16. ad utramque pertinent. In illis enim summatim proponitur, quòd per Christum hæc omnium rerum renovatio sit facta. Deinde, quia rursum prior pars renovationis in duo membra dividebatur, quatenus scilicet res aut sunt cælestes, aut

terrestres, sive ut ibidem ipse Paulus loquitur, aut visibiles, aut invisibiles; propterea prius unum membrum explicat, deinde alterum. Explicat prius de caelestibus in illis verbis, sive throni, sive dominationes, &c. usque ad versiculum 18. ubi deinde explicat de terrestribus. Et quemadmodum, in priore membro explicando, dixit, omnes thronos, dominationes, principatus, & potestates per Christum creatas, id est, renovatas & reformatas esse, adeo ut ad ipsum nunc referantur, & ipse omnibus praesit, & per ipsum omnes consistant; Sic in altero explicando ait, ipsum esse caput corporis Ecclesiae, principium, primogenitum ex mortuis. Sic enim Christus primus omnium a morte in vitam aeternam est revocatus, ut nemini, nisi per ipsum, idem contingere queat, & ipse non vivorum modo, sed mortuorum etiam dominus sit factus. His dictis subjungit ea verba, ut sit in omnibus ipse primatum tenens; quae & ad utrumque membrum huius prioris partis referuntur, & simul, quoniam potissimum in his explicandis apostoli mens fuerit, satis aperte indicant. nempe ostendere, Christum omnibus & caelestibus & terrestribus praeesse ac dominari, atque hac praecipue ratione omnes per ipsum renovatos ac reformatos fuisse. Cum priorem partem istius novae per Christum creationis Paulus executus esset, posteriorem aggreditur. quae, quoniam, ut dixi, prioris est finalis causa, & simul ejus effectus; propterea per particulam Quia eam incipit. Ac si diceret. Idcirco, quae superius exposui, fuerunt Christo a Deo attributa, ut id

feri
dece
ipse
volu
habi
mod
ruo
cord
terr
se re
in ip
co:q
stell
gi d
adv
can
exp
hab
Vbi
siu
tio
qu
Ch
ne
isse
ex
ve
su
er

feri posset, quod statim dicam, quodq; ut fieret, Deus decreverat; Hoc est, ut in uno Christo esset quidquid ipse generi humano de sua erga ipsum benignitate ac voluntate patefieri & exhiberi volebat (hoc est enim habitare in Christo omnem plenitudinem; quemadmodum ostendi supra in resp: ad ultimam ex tuis quatuor prioribus rationibus) atq; hac ratione nulla discordia amplius inter res caelestes, & terrestres, aut terrestrium inter se esse posset: sed omnes simul inter se reconciliatae ac concordēs factae per unum Christum in ipsum Deum tenderent. $\epsilon\iota\varsigma\ \omega\upsilon\tau\omicron\upsilon\epsilon\upsilon$ enim est in graeco; quod in seipsum significat, non autem sibi, ut Castellio & Beza interpretati sunt, existimantes, hic agi de ipsa reconciliatione cum Deo, nec interim animadvertentes, nullo pacto dici posse, res caelestes fuisse cum ipso Deo per Christum reconciliatas, qua de re explicatum est a me pluribus in disputatione illa, quam habui cum Iacobo Coveto de Iesu Christo servatore. Vbi etiam, cur Christi crucis & sanguinis in hac caelestium, & terrestrium rerum inter se pacificatione mentionem Paulus fecerit, docere sum conatus: praeter id, quod ostendi, quomodo Dei voluntas plenissime in uno Christo patefacta, qua illa plenitudine, ut dixi, continetur, quam omnem in Christo habitare Deum voluisse, Paulus affirmat, causa fuerit, ut pacificatio ista extiterit. Vides, ut arbitror, in Pauli verbis haud revera opponi inter se, quae leguntur v. 16. & quae scripta sunt v. 20. & nullam esse $\tau\omicron\omega\upsilon\lambda\omicron\gamma\iota\alpha\upsilon$, id est, ejusdem creationis repetitionem, etiamsi Apostolus de secunda

tantum creatione agat; cum, quod generatim prius dixerat, per suas species deinde explicet.

ERASMUS IOHANNIS.

Non ita est, propterea quod in altera parte æque fit mentio omnium quæ in cælo & in terra sunt, quam in prima.

FAUSTUS SOCINUS.

Atqui species diverse, unde constituitur differentia inter priorem, & posteriorem partem, non sunt ratione rerum ipsarum (hoc enim est tantum in membris duobus prioris partis) sed ratione ipsius secundæ creationis, seu renovationis, quæ, diverso modo considerata, duas constituit species. Immo ratio ista tua & meam sententiam confirmat, & tuam vehementer labefactat, quod attinet ad hujus Paulini loci explicationem. Nam, si utrobique omnium fit mentio, quæ in cælo sunt, & quæ in terra, & hac in re utraq; pars est prorsus similis, ut ex ipsa tua ratione colligitur; satis constare potest, non agi in priore parte de prima creatione, in altera verò de instauratione mundi, ut tu opinaris. neq; enim eadem omnes res cælestes, & terrestres sunt instauratæ, quæ etiam primum creatæ. sed ex illis, quæ primum sunt creatæ, instauratæ sunt eæ tantum res, quæ intelligentiâ sunt præditæ; aded ut ingens numerus, immo maxima pars rerum primò creatarum, ad instaurationem non pertineat. At verò, si in priore parte de renovatione omnium rerum secundum unam rationem, in altera

autem

autem de eadem renovatione secundum aliam rationem agatur, ut ego sentio, omnia sibi constant; cum omnes res renovate seu reformatæ ad utramque reformationis rationem pertineant, nisi quod possunt ipsi quoque diaboli ad priorem rationem pertinere, ad posteriorem non item. Cum enim diaboli quoque principatus & potestates alibi, adeoq; in eadem hac epistola ad Colof: ab eodem Paulo manifestè appellantur; nihil est, quod impediatur, quominus eos hoc loco verbis illis complexus fuerit, sive principatus, sive potestates; præsertim cum certum sit, eos quoq; Christo a Deo subjectos fuisse, & per Christum eorum vires, & potestatem immutatas atque immutatas. que immutatio, & immutatio licet ipsis diabolis in bonum non cedat, cedit tamen in bonum eis, qui præcipue ad hanc mundi reformationem pertinent, & ipsius universæ reformationis pars sunt, eaq; utilis admodum ac consentanea. Propterea ipsi quoq; diaboli reformati per Christum fuisse, dici a Paulo potuerunt, secundum eam reformationis rationem, quam priore loco exposuit. Quod si iidem, ut dixi, ad alteram rationem non pertinent, quemadmodum alia, de quibus utrobique Paulus loquitur, nihil absurdi ea in re esse videtur, cum satis sit, alia omnia pertinere.

Ephes:
6. 12.
Colof:
2. 15.

ERASMUS IOHANNIS.

Ergo reconciliatio secundum tuam sententiam pertingit ad pios & diabolos. Vbi igitur manent homines impii?

FAUSTUS

Immo ego disertè negavi, reconciliationem pertinere ad diabolos. Sed quia tu sortassis ab initio credideras, me totum Pauli locum a te allatum, ad reconciliationem referre, propterea tamquam si verum esset id, quod de me opinatus antea fueras, nunc loqueris; quamvis apertè monuerim, me posteriorem tantum, quam feci, verborum Pauli partem ad reconciliationem referre. quæ etiam reconciliatio, ut dixi non ea est, qua nos ex Dei inimicis amici facti sumus (nam de ista loquitur sequens versiculus 21, quem tu loco Pauli asserendo, nequaquam es complexus) sed de ea, qua inter se res cælestes & terrestres sunt pacificatæ. Ceterum quod de hominibus impiis interrogas, cum certum sit, te loqui de iis impiis, qui impiè esse perseverant, nihil incommodi habet, si illi nec secundum priorem nec secundum posteriorem rationem re ipsa sint per Christum reformati; etiamsi Paulus de omnibus hominibus, si ejus verba spectes, loquatur. Non enim crediderim, te ipsum negare, eos ad reconciliationem, de qua Paulus verba facit, minimè re ipsa pertinere. & tamen certum est, Paulum ibi suis verbis omnia complecti, tum quæ in cælis, tum quæ in terris sunt. quæ loquendi formula tibi non omnes homines tantum, sed omnes prorsus res, præter ipsum Deum & Christum videtur comprehendere: si modò, ut habemus pro certo habui, & pro concesso alicubi sumpsi, quemadmodum vis, priorem partem ad primam creationem pertinere, sic eam ad omnium prorsus rerum

primam creationem pertinere velis. Quamquam Paulus, cum de reconciliatione ista & pacificatione, quam dixi, agit, non tam eventum, quam Dei consilium, spectare videtur. quod scilicet Deus per Christum omnia tam caelestia, quam terrestria, inter se reconciliare & pacificare curaverit: & porro, quantum in ipso fuit, reconciliaverit, & pacificaverit. Atque hac ratione impii quidem ipsi, qui impii esse perseverant, a verbis Pauli excluduntur. Nam, quod ad alteram reformationis rationem attinet, si diaboli, ut ante ostendi, ad ipsam pertinent, nihil est, cur simili modo impii quoque ad eam pertinere non possint. Itaq; tandem agnoscere potes, quomodo totus Pauli locus de nova seu secunda creatione commodissime accipi possit; ad quam omnia quae apostolus sine dubio intelligit, id est, res omnes intelligentiam praeditae aliquo modo pertineant; nec quidquam esse opus ita ejus verba interpretari, ut primum de mundi creatione, deinde de instauratione agat.

ERASMUS IOHANNIS.

Non est solus iste locus Pauli ad Colossas, ubi priore loco de creatione mundi agatur, postea verò de redemptione. sed etiam apud Iohannem cap: primo idem omnino fit; & inanis committitur tautologia, si hoc discrimen tollatur. Praeterea vetus testamentum erit clarior novo. Ibi enim nova creatio vocatur, ut in Esaia cum Dominus inquit. Ecce creo caelum novum & terram novam. secus autem fit in novo,
 si tua

si tua sententia vera est, & si hæc loca quæ diserte loquuntur de creatione accipienda sunt de nova creatione. Nam si dicas, deesse comoda verba, quibus id efferatur, responderi potest, id nequaquam ita esse. non enim desunt verba in veteri testamento, etsi non idonea verba composita in promptu sunt, quibus nova creatio efferatur, aliisque potest verbis ita efferri, ut distinctè intelligatur id quod res est.

FAUSTUS SOCINUS.

Quando dicitur, apud Iohannem cap. primo prius agi de mundi creatione, postea verò de redemptione, alioqui inanem committi *ταυτολογία*, rogo te, an de creatione prius agi ibi intelligas, Omnia per ipsum facta sunt, &c. an verò ibi, Et mundus per ipsum factus est. Si in prioribus verbis, non erit iste locus planè similis loco ad Coloss: neque ad eum pertinere poterunt, quæ hîc disputas de verbis, quibus prima vel nova creatio significetur. Non enim ibi, ut in loco ad Coloss: dubium est de significatione verbi alicujus: utrum, videlicet, primam, an secundam creationem significet. Certum est enim, etiamsi ibi de prima creatione non agatur, verbum tamen Faciendi propriè, ut sonat, accipi posse; ut quidem a me accipitur. qui in illis verbis nullum tropum agnosco; nisi vulgatissimum illum, & usitatorem in sacris litteris, quàm sit propria vocabuli significatio, cum voces universales restringuntur, & ad subjectam materiam

materiam accommodantur. Quādoquidem arbitror, Omnium appellatione, eo loco, illa omnia significari, quæ ad negotium Evangelii pertinent. nam hæc tantum, nec præterea alia, esse potest Iohannis subjecta materia. Atq; idcirco, nihil aliud eum dicere voluisse, contendo, quàm, quæcumque ad Evangelii negotium pertinentia facta conspicerentur, ea omnia per Christum facta fuisse. plurima enim ejusmodi, eaq; cæteris præstantiora, tunc facta fuisse apparebant, cum jam Christus corpore abesset; quæ tamen per eum, id est, ejus potestate fuerant facta. Quòd si intelligis, in posterioribus illis Ioh. verbis, agi prius de creatione, jam id non poterit esse verum, cum antea de redemptione actum fuerit, si non alibi, at certè in proximis verbis, quæ illuminat omnem hominem veniens in mundum. sic enim legi debere supra monuimus. Quod dico, non quia multum interfit, utrum de redemptione prius aperte, deinde verò sub nomine creationis, fuerit actum, an verò contra, quod ad $\tau\omega\upsilon\lambda\omicron\gamma\iota\alpha\upsilon$ attinet, quam tu interpretationi mee objicis: sed quia, cum indubitatum sit, post prædicta verba, & mundus per ipsum factus est, de redemptione iterum agi, hinc agnoscere possis, non futurum absurdum, si quis ejus loci verba ita interpretetur, ut repetitio aliqua in illis insit. Quamquam mirum videri debet, quòd in Iohanne repetitiones, aut $\tau\omega\upsilon\lambda\omicron\gamma\iota\alpha\varsigma$ ipsas tamquam insolens aliquid admittere nolis; cum planè constet, scriptorem illum istis quodammodo delectari, earumq; exempla

aded apud ipsum frequentia esse, ut supervacaneum sit ea proferre. Hoc tantum dicam, me non dubitare, quin tu & hunc, & superiorem locum, una cum plerisque aliis divinarum litterarum studiosis, de prima creatione accipias. Ex quo necessario sequitur, repetitionem atque aded τὸ αὐτὸ λόγῳ in his Iohannis verbis esse (nam quid aliud est, mundum per Christum esse factum, quam, per eum omnia esse facta, si utrumque de prima creatione accipiatur) que tamen non erit, si, ut ego volo, verba utrobique explicentur. Quare ratione priorem locum explicari velim, iam dictum est. posteriorem vero ita explico, ut sensus sit, vel mundum istum, quem incolimus, id est, homines in eo habitantes, per Christum, quantum in ipso fuit, instauratos & reformatos fuisse, & quasi denuo factos, quemadmodum ante annos ferme viginti duos eum locum accipiendum esse docui, vel futurum nobis mundum, per Christum esse factum. que explicatio superiori adjuncta est, eaq; abunde confirmata, in fortasse omnibus dilutis, que illi adversari videantur, in supra dicta defensione animadversionum nostrarum in Assertiones collegii Posnaniensis. Iam vero aliud est sine dubio, omnia, que ad Evangelii negotium pertinentia facta conspicerentur, per Christum facta fuisse: aliud vero, vel mundum per Christum quasi denuo factum esse (tametsi hoc ex illo consequitur) vel futurum nobis mundum per eundem factum fuisse; quamvis hic fuerit finis rerum ad Evangelii negotium pertinentium, que tunc facte con-

spicis-

spiciebantur. Ex quo etiam intelligi potest, si dixeris, hac ratione plures $\tau\alpha\upsilon\lambda\omicron\gamma\iota\alpha\varsigma$ commissum iri, quia videlicet in hisce duobus sententiis agatur de redemptione, & jam ego factus sum in aliis totius loci verbis non semel de redemptione agi, te id non jure dicturum. Nihil enim obstat, quominus sepius de redemptione agatur, nec tamen ulla committatur $\tau\alpha\upsilon\lambda\omicron\gamma\iota\alpha$; quippe quod non eodem modo id fiat, neque de iisdem prorsus rebus ad redemptionem pertinentibus. Plura siquidem sunt ad redemptionem pertinentia, & plures ejus partes; præsertim, si nomen Redemptionis ita accipiatur, quemadmodum a te fieri video: ut, scilicet, omnes suas proximas causas, omniumq; sua effecta, & appendices quosdam ac potissimum reformationem rerum omnium complectatur. Alioqui, si nomen istud propria ipsius significatione acceptum fuerit, pauca omnino verba erunt in toto eo Iohannis loco, in quibus de redemptione agatur. Neque hæc ed dico, ut docere velim, nullam $\tau\alpha\upsilon\lambda\omicron\gamma\iota\alpha\omega$ futuram, si, ubi tu de prima creatione agi putas, de iis agatur, quæ ante exposui (jam enim asserui, Iohannem $\tau\alpha\upsilon\lambda\omicron\gamma\iota\alpha\varsigma$ quodammodo deletari) sed, ut intelligi possit, tolerabiliorem eam fore, si mea, quam si tua interpretatio recipiatur.

Nam quod deinde ais, a Creationis simplici nomine in locis a te allatis nova creatio intelligatur, vetus testamentum novo clarius futurum; siquidem in vetere testamento cum nova creatio prædicatur, ea

disertè nominatur; hoc, inquam, quod air, non videtur quidquam momenti habere. quandoquidem subiecta novi testamenti materia, & illius persona, per quem alicubi in testamento novo facta creatio dicitur, & denique locorum ipsorum circumstantiæ, & cum aliis similibus collationes planissimum faciunt, non de prima, sed de alia quadam creatione agi. Quæ sit novi testamenti materia, & quàm illa a prima creatione absit, aded ut proprium ejus sit illud, quod prima creationi opponitur, id est, regeneratio & reformatio, apertius est, quàm ut probari debeat. Illius porro persona, per quem alicubi facta creatio dicitur, Iesus Christus est, Ephes. 3. v. 10. quem, propriè loquendo, certissimum est, etiamsi is, qui unigenitus Dei filius est, antea fuisset, non extitisse, nisi postquam ex virgine est natus: aut certè de ipsius ante illud tempus existentia nihil aliunde apertè constare, immo perridiculum esse, existimare aliquem extitisse, antequam ex matre sua sit natus; quemadmodum supra à alibi diximus. Quòd si sub alia appellatione seu nomine, quàm Iesu Christi, in locis à te productis, illi creatio tribuitur, ut apud Iohannem sub Verbi seu Sermonis appellatione, apud Paulum verò sub Dilecti Dei filii nomine, cum nihil impediatur, quominus nomen sive appellatio illa homini ipsi Iesu Nazareno per se rectissimè conveniat, sicut non pauci ex vetustioribus & recentioribus ipsis Trinitariis de ipso verbo seu Sermone (nam de Dilecto Dei filio non est qui dubitet) fateri sunt coacti; non est cur inde aliando

Ioh: 1. 1.
 & c.
 Col: 1.
 14, & c.

de aliam quandam substantiam, seu subsistentiam, præter illum hominem, vel ante ipsum imaginemur. sed potius ex eo, quod alibi disertè ipsi Iesu Christo creationem tribui videmus, concludendum omnino est, nihil aliud esse aut fuisse umquam verbum, seu sermonem illum, illumvé dilectum Dei filium, quàm ipsum Iesum. Cæterùm, quod ad circumstantias ipsorum locorum attinet, & cum aliis similibus collationes, ex quibus perspicuum fiat, non posse creationem istam esse primam illam a Mose descriptam, sed necesse esse, ut alia quæpiam sit, eaq; post Christum ex virgine natum; satis erit, ne nimis longi simus, si id in ipso loco Pauli, ex quo tuum argumentum formasti, evenire demonstravero. sed prius, ut meliùs intelligas, rationem tuam a majore claritate ductam, quæ in veteri testamento esset, quàm in novo, nullum momentum habere, animadvertere debes, in loco Esaiæ a te allato, & si qui sunt similes, aut necesse fuisse addere aliquid, quod de nova creatione verba fieri indicaret, aut nihilò clariorem fuisse sermonem, eo addito, quàm si non additum fuisset. Aut enim verbum Creandi ita prolatum fuerat, & tales erant loci circumstantiæ, ut ad præteritum tempus creatio ista posset referrî; & tunc necesse erat aliquid addere, ex quo non de prima jam diu facta creatione, sed de alia faciendâ agi constaret. alioqui, cum certum esset, eum, qui se creare dicebat, primam creationem fecisse, vix fieri potuisset, quin ad illam verba ipsius referrentur. Aut rursus Creandi verbum ita prolatum fuerat.

fuerat, & tales loci circumstantie erant, ut nulla ratione ad prateritum tempus ea creatio posset referri; & tunc, etiamsi simpliciter dictum fuisset, Ecce creo cælum & terram, tamen nemo profusus fuisset, qui de nova aliqua creatione seu reformatione rerum verba ista non accepisset. Cum igitur voces addite Novum & Novam aut necessarie fuerint, aut supervacaneæ, nulla inde (nam præter istas voces nihil est in ipsis verbis, unde ea colligatur) major claritas colligi potest in verbis veteris testamenti, quam fit in verbis novi. Nam etsi in verbis novi testamenti Creandi verbum, aut aliud simile, ad præteritum tempus manifestè refertur, & de re jam facta sermonem esse constat; tamen cum, ut dictum fuit, aliunde non appareat, per Christum Iesum, per quem facta hæc creatio dicitur, primam creationem fuisse factam, immo cum id, proprie loquendo, impossibile omnino existimari debeat, nihil fuit necesse, quemadmodum in veteris testamenti verbis fuit (si modò voces istæ ibi aliquid efficiunt) addere voces ullas, quæ de nova aliqua creatione, non autem de prima, sermonem esse significarent. præsertim cum & in vetere, & in novo fœdere simplex ipsum verbum Creandi novam aliquam creationem seu reformationem significare inveniat. Quòd si major ista claritas non ex verbis ipsis, & loquentis consilio, sed aliunde, & ex accidente oritur; nihil absurdi est in eo, quòd alicubi veteris fœderis verba eadem de re clariora sint, quam verba novi fœderis. Quamquam crediderim, iure as-

firmari

firmari posse, non de eadem ipsa re utrobique agi, si-
ve non idem dici a Paulo, quod prædictum fuerat olim
a Deo apud Esaiam: ubi proverbialis quedam videtur
esse locutio, qua ingens aliqua rerum mutatio signifi-
cari solet.

Verùm, hoc omisso, jam ad Paulini loci circumstan-
tias veniamus, & similis alicujus loci cum eo collati-
onem. Primum igitur, quòd Dilectus Dei filius, per
quem creationem istam factam fuisse, Paulus scribit,
ibidem Imago Dei conspici vocatur, id non obscu-
rè indicat, de homine illo Iesu Dei filio verba fieri, per
quem Deus ultimis temporibus locutus esse scribitur,
& qui propterea ibidem expressa imago substantiæ
ejus esse dicitur. nam alibi quoque, ubi a Paulo Chri-
stus imago Dei appellatur, ex ipsius loci verbis patet,
id fieri ratione Evangelii per ipsum publicati & con-
firmati, nec alia potissimum de causa ista appellatio-
ne Christus insignitur, nisi ut sciamus, quæcumque
homo ille Iesus, qui Christus nominatur, nobis annun-
ciavit & patefecit, ea revera divina esse, nec alio lo-
co habenda, quàm si ipsum Deum præsentem conspe-
xissemus, eaq; nobis dicentem audivissemus. quo sensu,
ut ex loco ipso, si sequentia verba legantur, aperte
constat, dixit ipse Christus, qui ipsum viderit, patrem
vidisse; & sic, qua ratione potissimum ipse imago Dei
fit, dilucidè exposuit. Iam, quæ hîc multi de ista Dei
immagine ante publicatum & confirmatum Evangeli-
um philosophantur, inanes sunt speculationes a men-
te & simplicitate apostolica valde abhorrentes. Vi-

Com.
4.

Ioh: 14.
19.

de locum 2 Cor. 4. v. 4. & deinceps usque ad illa verba, ad illuminationem scientiæ claritatis Dei in facie Christi lesu; eaq; conjunge cum verbis, quæ sunt ad finem cap. precedentis. Vide etiam, quæ supra hac eadem de re dixi, cum ad ultimam illarum quatuor tuarum rationum respondi. Præterea in hoc eodem loco ad Col. Paulus proximè de sanguine illius dilecti filii Dei mentionem fecerat; quod sine controversia similiter demonstrat, ipsum de eo, ut homine, verba facere; & propterea creationem, quæ illi postea tribuitur, non posse esse primam creationem, quæ facta est longissimo tempore, antequam homo ille fuerit. Adhuc, si Pauli mens fuisset Christo primam creationem tribuere, iis sanè loquendi modis usus esset, quibus in ea commemoranda tum alii omnes sacri scriptores uti solent, tum ipse alibi est usus, ipsiusq; cali, & terre creationis disertè meminisset; qua sola commemorata, sæpe universa prima creatio intelligitur. Verùm nullam ipsius cali, & terre creationis mentionem facit, quamvis utrumque commemoret; quippe qui ea omnia, quæ in celo, & in terra sunt, generatim nominet. ex quo apertè ostenditur, illum de alia quadam creatione loqui: qua nimirum ipsum calum ipsaq; terram non comprehendatur. sed neque alia ex iis, quæ sunt in celo, & in terra hac ratione comprehendendi, præter substantias intelligentiæ præditas, easq; fortasse non omnes, ex eo apparet, quod, non dicam nihil, quod ejusmodi non sit, ibi commemoratur, sed paullo inferius, ubi reconciliationis & pacificationis aperta fit mentio, quæ ad istas tantum

Act. 14.
25.

substantias, nec tamen ad omnes, pertinet; omnia similiter generatim commemorantur, tum quæ in cælis sunt, tum quæ in terra. Et hæc satis sint, quod attinet ad ipsius loci circumstantias.

Quod verò pertinet ad alicujus similis loci cum eo collationem, nihil illustrius in hoc genere excogitari potest, quàm, si quis cum hoc loco ea conferat, quæ idem Paulus in epist. ad Ephesios scribit. in qua, ut alii non pauci aliis respondententes, loci sunt, qui huic nostro in hac ad Coloss: epistola apertè respondent. Ibi igitur cap: primo & 2. quamvis hoc idem argumentum plenissimè tractet de excellentia illius a Deo dilecti, deq; maximis operibus per ipsum a Deo factis; tamen ne verbum quidem disertè scribit de creatione ulla universali per ipsum facta; nisi demum cap: 3. ubi satis perspicuum est, eum loqui de reformatione cultus, & religionis universe per unum Christum factæ; qua potissimum aggregatio gentium omnium ad Dei populi rempub: continetur: de qua jam antea locutus fuerat. sed in iis verbis, quæ propriè loco nostro respondent, & sunt cap: 1. a v. 20. usque ad finem capituli, quibus addi debent ea, quæ scripta sunt suprâ v. 10. & infrâ cap: 2. v. 13. usque ad v. 17. ubi tamen aliquid dicitur, quod in ipso loco nostro expressum non est, sed exprimitur in hac eadem epistola ad Coloss: cap: 2. v. 14. in istis, inquam, verbis, nulla fit aperta mentio universalis alicujus creationis: & præsertim, quod invisibilia illa Throni, Dominationes, &c. per Christum creata fuerint. Sed pro eo, quod est in

loco nostro, In eo, sive per eum condita sunt omnia:
 ibi est, Instaurare, seu potius, Summatim compre-
 hendere omnia in Christo, sive per Christum. quod
 hic legitur, Thronos, dominationes &c. per ipsum, &
 in ipsum creatos esse, & ipsum ante omnes esse, & o-
 mnes in ipso constare: ibi simpliciter scriptum est, I-
 psium constitutum fuisse supra omnem principatum,
 & potestatem, & virtutem, & dominationem. nempe
 quia, ut a principio diximus, eatenus potissimum sunt
 ista creata, id est, reformata, per Christum, quatenus
 illis ipse dominari incepit, eaq; regere ac gubernare.
 Nam praterquam quod hoc per se novam formam in
 hierarchiam illam inducit, quae antea talem domi-
 num ac rectorem non habebat; est etiam causa eorum
 omnium, qui in illa continentur, potestatem & mune-
 ra mutandi, augendi, minuendi, prout ipsi visum fue-
 rit. quemadmodum fieri videmus, si quis alicujus rei-
 pub: princeps ac dominus sit factus. quam rem publi-
 cam vel ob id, quod principem ac dominum, quem an-
 tea non haberet, sit nacta, novam simul formam na-
 ctam esse, nemo negare audebit. Est autem animad-
 vertendum, quod in loco ad Ephesios Paulus ad futu-
 ram quoque tempus & seculum aperte respicit. quod
 si velimus, illum idem tacite intellexisse in loco ad
 Coloss: poterunt verba illa, sive Throni, sive do-
 minationes, &c. ad terrestria quoque referrri, &
 in futurum tempus simul respicere. Etenim certum
 est, Christum tandem non minus re ipsa, & eviden-
 ter omnibus hujus mundi principibus dominaturum,
 ipsorumq;

ipsorumq; dominum esse a cunctis ipsis agnitum iri,
 atque hac ratione eos per Christum reformandos es-
 se, quam caelestibus illis principibus omnibus jam domi-
 netur, ipsorumq; dominus esse a cunctis ipsis agnosca-
 tur, atque hac ratione illi fuerint per Christum re-
 formati. Iam si hoc pacto locum ad Coloss: accipia-
 mus, cessabit illa distinctio, quam supra posuimus in ip-
 sis Pauli verbis inter caelestia, & terrestria in prioris
 loci parte. quae res ad id, de quo querimus, nullum mo-
 mentum habet. proinde iudicent de ista loci inter-
 pretatione homines docti. Ego in neutram partem
 pluribus disputabo. Reliquae locorum partes quam in-
 ter se sint similes, & idcirco demonstrant, recte a me
 superiores duas invicem collatas fuisse, & utrarum-
 que utrobique eandem sententiam esse, quilibet per
 se, eas conferendo, facillime agnoscat. Itaque id so-
 lum monebimus, non debere cuiquam durum videri,
 quod, ut locum ad Colossenses, quem attulisti, cum iis,
 quae scripsit idem Paulus ad Ephesios, conferremus,
 decimum versiculum primi capituli epistolae ad Ephesios
 cum vigesimo conjunxerimus. non solum quia ma-
 nifestum est, ea, quae scripta sunt cap: 2. a v. 13. usque
 ad v. 17. ad hanc collationem pertinere, & propterea
 ad eam exequendam conjungenda esse, ut a nobis fa-
 ctum est cum fine cap: precedentis; sed etiam quia, si
 quis rem diligentius inspexerit, videbit, quidquid in-
 terjectum est inter 10, & 20. versiculum primi cap. e-
 jusmodi esse, ut Apostolus tantisper a proposito ipso
 Christi concelebrandi aliquantulum digressus fuisse
 censeat.

censeri debeat, & 20. versic: ad propositum fuisse
reversus.

Hactenus ostendi, ni fallor, tantum abesse, ut quid-
quam incommodi accidat, si Pauli totum locum a te
allatum de secunda tantum creatione accipiamus,
non etiam de prima; ut potius multa planè absurda,
atque adeò impossibilia, emer sura sint, si aliter fiat.
Nunc, quia tu plurimum urges ipsum verbum Crean-
di (nec sanè quidquam est, quod præterea urgere pos-
sis) ostendendum est primo loco, reliquas rationes,
quas affers, ut probes, illud hoc loco novam creatio-
nem significare non posse, non esse ejusmodi, quæ vim
aliquam persuadendi habeant; deinde, exemplis pro-
latis, planum faciendum ejus verbi, vel inde ducti &
conjugati nominis Creatura, usum non rarum in sa-
cris litteris esse, ut novam creationem significet.

Due videntur esse rationes tuæ, quæ implicite
in tuis verbis continentur. Quarum una est, quòd,
cum non desint alia verba, quibus nova creatio signi-
ficetur, quæ, videlicet, sint aperta; non sit dicendum,
apostolum ad id significandum, simplici verbo Crean-
di uti voluisse, quod obscurum est. Altera est, quòd,
cum scribenti (præcipuè verò de re tanti ponderis)
ratio sit habenda perspicuitatis, si unum quodpiam
verbum compositum in promptu non erat, quo ista
nova creatio clarè efferretur, & a vetere distingue-
retur; pluribus verbis id fieri poterat, ut factum est in
ipso vetere testamento, & porro debebat.

Ad priorem rationem dico, certissimum esse, no-
vi testa-

vi testamenti scripta hebraicis idiotismis abundare, & propterea multa verba, multasq; locutiones, que ibi sunt, & videri & esse obscuras, nisi usus sacrarum litterarum attendatur. cuius obscuritatis nullam propemodum rationem habendam esse censuerunt scriptores illi; alioqui, græcè scribentes, hebraismos illos vitassent. Itaque cum Hebræi compositis verbis careant; & idcirco sepe simplicibus pro compositis utantur; non putavit Paulus, ad novam creationem significandam, vitandum sibi esse simplex verbum creare; præsertim, cum idem ipsum verbum hoc sensu usurpari sciret in lingua hebræa, atque adeo in scriptis veteris testamenti; ut postea demonstrabo. Adde (& hoc magis propriè ad tuam rationem convellendam pertinet) quòd, nisi verbum aliquod novum formare voluisset, quale fuisset $\alpha\delta\alpha\kappa\tau\iota\zeta\omega$ (tunc enim non utebantur græci, ut arbitror, verbo isto) nullum habebat verbum, quo reformationem illam, quam ipse intelligebat, ita commodè exprimere posset, ut verbo $\kappa\tau\iota\zeta\epsilon\upsilon$. Eam enim reformationem intelligebat, quæ res, licet antea extitissent, tamen tunc primùm revera conditæ dici possent. quippe quæ tunc demum suam veram formam adeptæ essent. Neque enim $\kappa\tau\iota\zeta\epsilon\upsilon$ ex nihilo aliquid creare, sed condere, & suam formam rei indere significat; & propterea commodè, etiam citra hebraicæ sermonis rationem, tunc videtur posse usurpari, cum nova aliqua forma inducitur.

Ad alteram rationem respondeo, non potuisse Paulum pluribus verbis mentem suam apertius explicare,

plicare, quin multum dignitatis, & elegantie, addo
 etiam efficacitatis, de ipsius sermone decederet. nem-
 pe enim, ut conijcere licet, hanc novam rerum, de
 quibus loquebatur, creationem, veteri tacite oppone-
 re volebat, atque docere, non in vetere illa sed in hac
 nova, ut dixi, res istas conditas suam veram formam a-
 deptas fuisse. quare eodem ipso verbo, eoq; nudo, uti
 debuit, quo vetus ipsa creatio significatur Neque verò
 illi jurè metuendum erat, ne quis verbum istud in i-
 psius verbis ad veterem creationem traheret. nam &
 ipsa subjecta materia novi testamenti, circa quam
 versabatur, & ipsius loci circumstantia ille, quas
 supra exposui, satis superq; unumquemque monere
 debuerant, nullo pacto fieri posse, ut hic de vetere
 creatione esset sermo. Quòd si nihilominus tamen
 permulti id sunt arbitrati, curiositatis humane vi-
 tio id factum est; que inauditis & portentosis qui-
 busdam rebus mirificè delectatur, & quaslibet occa-
 siones speciosarum quarundam, licet inanium, spe-
 culationum arripit, ac consecratur. Nam hoc idem in
 aliis multis ad religionem pertinentibus, adeoq; in a-
 liis scripturae verbis interpretandis evenit. in quibus
 alioqui non ipsorum interpretantium, sed eorum, qui
 verba illa protulerunt, culpa error commissus fuisse
 videretur. Illustrissimum hujus rei est exemplum in
 verbis, quibus usus est dominus in cœna sue ritum in-
 stituendo. que si propter ipsorum speciem quandam
 in portentosum planè sensum a plurimis accepta suc-
 curunt; non est, cur quis causetur, Dominum nimis ob-
 scurè

scare locutum fuisse, & clarius loqui debuisse. sed vitio hominum id prorsus attribuendum est; qui, quantumvis ex re ipsa, ejusq; pluribus circumstantiis, de Christi mente moniti, occasionem tamen propter vanitatem mentis sue arripuerunt ex Christi verbis monstra quedam fabricandi, iisq; se mirum in modum oblectandi.

Restat, ut, exemplis in medium prolati, ostendamus, verbum $\kappa\tau\iota\zeta\epsilon\upsilon$, id est, Condere, seu mavis Creare, quo hic usus est Paulus, & nomen $\kappa\tau\iota\sigma\epsilon\omega\varsigma$, id est creaturæ, quo proximè fuerat usus, Dei filium Primogenitum $\pi\acute{\alpha}\tau\epsilon\rho\varsigma\ \kappa\tau\iota\sigma\epsilon\omega\varsigma$, id est, omnis creaturæ appellans, ad novam creationem, seu ad reformationem aliquam significandam, in sacris litteris accommodari: idemq; in ipso hebreo verbo Bará contingere, quod alioqui primam creationem magis multo, quàm verbum $\kappa\tau\iota\zeta\epsilon\upsilon$, præ se fert; ac propterea in vetere testamento, ut quidam observarunt, soli Deo tributum invenitur. Igitur in ipso vetere testamento apud Esaiam hæc verba leguntur cap: 45. ver: 7. Omnem, qui invocat nomen meum, in gloriam meam creavi eum, formavi eum, & feci eum. Vbi non est dubium, quin verba ista omnia simplicia pro compositis usurpata fuerint; atq; ita sint accipienda, quasi dictum fuisset, Recreavi (quamquam hoc verbum latinis auribus aliud sonat) Reformavi, Refeci. Ut scilicet Creandi verbum hoc loco novam creationem significet. nam de vetere seu prima, que omnium

omnium est communis, & in qua omnia pariter ad suam gloriam Deus creavit, & creat, sermo esse non potest. Et cap: 65. v. 18. scriptum est, quia ecce ego creo Hierusalem, exultationem & populum ejus gaudium. Vbi Vatablus sic annotat, id est, instauraturus sum Ecclesiam, quam gaudio afficiam. Hieronymus autem sic verba accipit, quasi scriptum sit, Creabo Hierusalem in exultatione, & populum ejus in gaudio. quos secuti in magnis Rob: Steph: Bibliis annotationum auctores in eum locum hac verba scripserunt, Præf: Heb: profut. Creaturus sum Ierusalem [cum] exultatione, & populum ejus [cum] gaudio. i. instauratus sum Ierusalem, hoc est redditurus sum Ecclesiæ & populo fideli gaudium & exultationem. Nec sanè aliter Creandi verbum accipiendum esse videtur, cum Deus apud eundem Esaiam supra dicto cap: 43. v. 1. & 15. ait, se creare Iacob & Israël. Nam in istis locis veterem seu primam commemorare divinam creationem, quæ impiis quoque, & a Deo prorsus alienis contigit, nihil ad rem, aut parum admodum facere potest. Ibi enim de insigni quodam beneficio, quo Deus affecturus esset populum illum, de futura liberatione e manibus inimicorum ejus, verba sunt. id quod Deus vel ex eo persuadere illi vult, quod illum sibi in peculiarem populum delegerit, & aliàs ex magnis calamitatibus exemerit, & sic eos nova quadam ratione creaverit atque instauraverit: vel idem efficacibus verbis confirmare, prædicens, se Isra-

dicens, se Israëllem creaturum esse, id est, planè renovaturum: atque, etiamsi funditus jam perjisse dici quodammodo poterit, tamen eum se instauraturum, & ad præstantiorem formam redacturum, id est feliciorem, quàm antea fuerit, redditurum. Et hæc Esaiæ testimonia satis sint, quod ad vetus testamentum attinet, & ipsum verbum Bará.

In novo porro testamento ipsemet Paulus nobis exempla abunde suppeditabit. Primùm enim cap: 2. epist. ad Ephes. v. 10. scriptum est, ipsius enim sumus factura creati (græcè est κτίδυστες) in Christo Iesu, &c. Nam quis negare potest, quin eo loco Creati idem sit, quod Resformati, seu Creati, non quidem quatenus primò conditi fuimus, & homines sumus, sed quatenus deinde iterum fuimus conditi, & sumus Christiani? Sed & infrà eodem cap. v. 15. hæc verba leguntur, ut duos condat (in græco est κτίση) in semetipso in unum novum hominem. Vbi manifestum est Condat pro Resformat esse. In Castellionis tamen, & Bezae interpretationibus hoc non apparet. ipsi enim, sententiam tantùm non etiam verba spectantes, sic locum converterunt, ut verbum Condere regat (ut loquuntur) immediatè post se non Duos, sed unum novum hominem. Cujusmodi interpretationes in sacris litteris non sunt, meo iudicio, laudandæ. quippe quæ locorum inter se collationem tollant, & verborum vim obscurerent, atque hac ratione præcipuam scripturæ intelligendæ viam quodammodo occludant. Sed ad rem no-

stram. Nam in eadem præterea epistola cap. 3. v. 9. est locus ille, ubi secundum græca exemplaria scriptum est, Deum creasse (est autem in verbis græcis participium κτίσεν) omnia per Iesum Christum. Unde, quemadmodum dictum est supra, satis intelligi potest, non agi ibi de prima creatione, cum certum sit, ipsum Iesum Christum nondum extitisse, cum primo omnia creata fuerunt; etiamsi Dei filius dilectus, seu Verbum, sive sermo ille, quibus alibi omnium creatio aut tribuitur, aut tribui creditur, jam extitisset. Quamobrem necesse est, nisi verbis aliquam vim facere velimus, fateri, verbum Creare seu κτίσαι reformationem rerum seu renovationem significare. nam alibi quoque scribit idem Paulus omnia facta esse nova. Huc accedit, quod, ut similiter supra dictum fuit, locus ipse per se apertè ostendit, non de prima, sed de secunda creatione ibi verba fieri: potissimum verò de reformatione illa, qua unà cum gente Iraelitica aliæ omnes gentes unus Dei populus sunt factæ. Certè Ioh. Calvinus ex ipso loco monitus & vidit, & confessus est, eam Pauli sententiam ibi potius ad secundam, quàm ad primam creationem pertinere. Eius verba, ut ea a quodam recitata invèni, qui etiam Luterum in eundem locum videndum monet, bona fide subscribam. Non tam (inquit) de prima creatione interpretari licet, quàm de instauratione spirituali. Tameñsi verum est illud, verbo Dei creata esse omnia Psal. 33. Ioh. 1. circumstantia tamen loci postulat, ut de renovatione intel-

2. Cor. 4.

17.

intelligamus, quæ continetur in beneficio redemptionis. Haftenus Calvinii verba. Quod enim alii volunt, mentem Pauli fuisse dicere, quemadmodum Deus per Iesum Christum omnia primò creavit, sic per eundem ea instaurasse; hoc nec cum antecedentibus, nec cum sequentibus verbis eorumve sententia apertè cohereret, & nimis concisè, quantumq; ego meminisse possum, præter omnem Pauli morem dictum eset. Quamquam est præterea animadvertendum, neque in latinis codicibus, idq; Ambrosii etiam, & Hieronymi ætate, neque in Syriaca interpretatione legi verba illa, per Iesum Christum. Cui lectioni si, ut debemus, locum esse posse velimus, jam cessabit ratio ista, cur primæ creationis ibi mentio fiat. nec alia ulla excogitari poterit, quæ istâ infirmior non sit, & verba illa, qui omnia creavit, minùs cum aliis coherentia, & multò magis concisa non reddat.

Vidimus de verbo ipso κτίσειν seu Condere sive Creare. nunc de conjugato sive inde ducto nomine κτισθῆναι aut alio creaturam significante videamus; num scilicet id nomen novam creaturam apud sacros scriptores significare soleat. Et primùm insignis locus apud eundem Paulum occurrit, ubi id nomen sæpius repetitum est cum novæ creaturæ significatione. Is est cap. 8. epist. ad Rom. a v. 19. usque ad v. 24. Nam etsi plerique creaturæ nomen ibi aliter acceperunt; tamen id incogitantia quadam, & vocis prima facie constat esse factum, si quis paullo diligentius totum locum expenderit. Vidit hoc Anonymus quidam, qui in

eam epistolam haud sanè contemnendos commentarios scripsit, eosq; Paulo tertio Pontifici Rom. dicavit. Augustinus id tantum vidit, nulla ratione fieri posse, ut de omnibus creaturis, seu de universitate rerum, ut aliis visum est, sub eo nomine a Paulo verba ferent. quare ad homines tantum eam vocem retulit; quippe qui observasset, Creaturae nomen in sanctis litteris, idq; etiam apud ipsum Paulum, interdum hominem tantum significare. sed falsus est tamen, (nisi nos ipsi vehementissime fallimur) opinione sua. plurimae enim sunt causae, quibus omnino prohibemur, Creaturae nomen ibi aliter accipere, quam pro nova creatura, pro ipsis, inquam, tantummodo hominibus, Dei spiritu regeneratis; quos apostolus dicit perpeffionibus quidem, & calamitatibus, adeoq; vitæ hujus jactura potissimum esse obnoxios; sed non tamen quòd hic sit eorum finis. sive eventum ipsum, sive illorum mentem spectes. Expectant siquidem ipsi summa cum spe, quam illis per Christum fecit Deus, diem illum, quo filii Dei patefient, id est, homines, qui per Dei spiritum fuerint regenerati, ex ipsoq; Deo nati, beatam immortalitatem ad ipsius Christi exemplum adipiscantur; gementes tamen interim & suspirantes sub tanto malorum pondere, non solum ipsi in univèrsam seu generatim, sed ii etiam inter ipsos, qui cæteris antecellunt, & ab aliis propter præcipuas quasdam ac præstantiores divini spiritus partes, quas adepti sunt, ex quibus unus ipse Paulus erat, meritò distingui possunt. Hanc omnino esse illius loci sententiam, & per se (ut mihi quidem videtur) cuilibet

Mat: 16.

15.

Col: 1.

23.

cuilibet ea de re monito apertissimum esse potest, & nos accuratè, singulis ferè verbis perpensis, in disputatione, quam cum Franc. Puccio habuimus de mortalitate primi hominis, id planissimum facere conati sumus. hic autem denuo eundem laborem subire & sanè piguit, & minùs necessarium esse duximus.

Sed præter ipsum Paulum, Iacobum habemus qui suæ epistolæ cap. 1. v. 18. voce $\kappa\rho\iota\sigma\mu\alpha\tau\omicron\varsigma$, id est Creaturæ, novam creaturam significavit, inquit de Deo, Voluntariè genuit nos verbo veritatis, ut simus initium aliquod creaturæ ejus: sive, ut græca verba sonant, primitiæ quædam creaturarum ejus. Vbi pro creaturarum in græco est $\kappa\rho\iota\sigma\mu\alpha\tau\omicron\upsilon\upsilon$. Initium seu Primitiæ, sine dubio, temporis prioritatem declarant. unde patet, apostolos, & qui illorum ætate per Dei verbum regenerati fuerunt, aliis Dei creaturis tempore priores fuisse. Atqui si Creaturarum nomine primas seu veteres creaturas intelligas, hoc falsissimum erit, cum aliquot millibus annorum ante mundus a Deo creatus esset, quam isti existerent. Neceffe est igitur, ut Creaturæ nomen hoc loco novam creaturam significet; quæ nimirum tunc temporis primùm existere cæpit. Hinc perspicuum est, cur Christus apud Iohannem in Apocalypsi se Principium creaturæ Dei $\pi\rho\iota\tau\omicron\varsigma$ $\kappa\rho\iota\sigma\tau\omicron\upsilon\upsilon$ & $\theta\epsilon\omicron\varsigma$ appellaverit. nempe quia & ab ipso sumptum est initium condendi novas creaturas, & per ipsum aliæ omnes sunt conditæ. Nam & proximè se testem

illum fidelem & veterem appellaverat. Quia enim
 Christus alii doctrina, & exemplo suo prævit, ac di-
 vina voluntatis fidem fecit, idcirco & quatenus est
 nova creatura, alias omnes tempore antecedit, & a-
 liarum omnium est auctor atque origo. Hic autem lo-
 cus non a me solùm, sed ab aliis etiam nonnullis & an-
 tiquis & recentioribus theologis, ad veterem Crea-
 tionem non pertinere agnitus est. Ut, iis junctis, qua-
 modò ad eum explicandum breviter attuli, possit me-
 ritò inter ea testimonia numerari, in quibus certum
 sit τῆς κτίσεως seu Creaturae nomen non veterem,
 sed novam creaturam significare. Sed, quid si nullum
 ejusmodi testimonium haberemus, nec usquam alibi
 verbum κτίσειν non primam creationem, sed refor-
 mationem declarare inveniretur; num propterea ab
 eo verbo in hunc sensum in Pauli loco, quem produxi-
 sti, accipiendum abstinendum nobis esset? Non sanè
 cum etiam citra ullum hebraismum, & propriam ver-
 bi κτίσειν significationem, de quibus supra egimus,
 loquendi figura atq; translatio facile admitti possit,
 ut, quae reformantur, formari simpliciter dicantur.
 præsertim cum præter alia multa, quae ante exposui-
 mus, ex quibus patet, hanc esse omnino ejus verbi vim
 eo in loco, manifestum sit, novae creaturae, & novae
 creationis per Christum factae plurimis in locis men-
 tionem fieri; idq; apud ipsum Paulum; ut 2. Cor. 5.
 v. 17. Gal. 6. v. 15. Ephes. 4. v. 24. Coloss. 3. v. 10.
 adeo ut, si mihi verum dicendum est, ego valde sem-
 per sim

per sim eos miratus, qui, cum facillimam sibi ab ipso Paulo suppeditatam ejus verborum explanandi rationem præ manibus haberent, unius verbi specie detenti, atque decepti, eâ omisâ, mirabiles quosdam vel potius, ut dictum est supra, planè portentosos sensus scripturæ sacræ accommodare non sint veriti.

ERASMUS IOHANNIS.

Equidem non nego aliquibus novi testamenti locis de nova creatione agi, eaq; ipse ita accipio. Verùm quæritur de aliis locis, ubi simpliciter de creatione agitur nulla restrictione addita, & quidem distinctè subjungitur opus reparationis; ne quis intelligi id putet cum de creatione per Christum facta agitur. Quemadmodum igitur nihil obstat, quominus idem artifex domum instauret, qui eam primò ædificavit, ita cum Christo & creatio mundi & redemptio distinctè in scriptura ascribatur, utraque illi est relinquenda, nec altera detrahenda. quo concessio alterum quoque sequitur, Christum non solum esse filium Mariæ, sed Dei quoq; filium unigenitum, qui ante initium rerum omnium sit a Deo creatus, per quem postea mundum condiderit & collapsum restaurarit.

FAUSTUS SOCINUS.

Iam a me loci & citati & examinati sunt, in quibus vel simpliciter de creatione agitur, nulla restrictione addita, qualis est locus Ephes. 3. v. 9. vel Creatura nomen sæpius simpliciter est positum nec ullo pa-

cto restrictum, immo tandem cum universali particula Omnis prolatum. qualis est locus Rom 8. v. 19. usque ad v. 24. Quinetiam in altero quoque loco vox Omnia verbo Creandi adjuncta fuit; si modò id quaeris, ut loci, qui pro exemplis asserantur, non solum Creandi aut Creatura simplex verbum habeant, id est, nulla particula seu voce adjecta, quae ipsum verbum, ut sic dixerim, modifcet, seu qualitatem quandam illi apponat; sed etiam de creatione in genere aut etiam univèrse loquantur, non autem de cujusdam aut quarundam rerum creatione. Quod si ita est, id profecto petis, quod est iniquum. Cum enim ego contendam, verbum creandi in Pauli testimonio, quod protulisti, reformandi significationem habere, idque satis sit ad ipsum testimonium diluendum, quemadmodum apparebit, si pro Creatura sunt, reponatur, Reformata sunt; abunde tibi satisfactum esse debet, si exempla producantur, ubi simplex verbum Creare, Reformare, aut simplex nomen Creatura rem, quatenus reformata est, significet. id autem in omnibus exemplis contingit a me allatis.

Nam quod praeterea dicis, in testimonio tuis distinctè Reparationis opus commemorari; ad hoc iam supra responsum est, & quod ad Pauli testimonium attinet, demonstratum, ea verba, in quibus separatim de reparatione agi intelligi, continere partem totius illius reformationis, de qua ego perpetuò agere apostolum affirmo, nec ullo modo de prima creatione verba facere. Namque illud praecipue hic est observandum, quod Reparationis nomine putas te complecti totum
id, de

id, de quo ego tantum loqui Paulum contendo; cum
 men, si nomen hoc proprie accipiatur, partem solum
 complectaris. Plus enim complectitur verbum Refor-
 mationis, seu Renovationis, quo ego utor, quam Re-
 parationis. Quidquid enim reparatum est, id etiam re-
 formatum, seu renovatum esse dici potest. sed non con-
 tra. Ex quo fit, ut angeli reformati quidem, sive eti-
 am aliquo modo renovati per Christum dici possint;
 at reparati, nullo pacto. Reparari enim dicuntur illa,
 quae perditae recuperantur, aut collapsa instaurantur;
 id quod certe angelis per Christum (quod sciamus) non
 contigit. quamvis non desint, qui, propterea quod Pau-
 lus de omnium reconciliatione, & pacificatione tum
 quae in caelis, tum quae in terra sunt, quae per Christum
 facta fuerit, verba facit, Angelis quoque Christo me-
 diatore ad eos Deo reconciliandos, & cum ipso pacifi-
 candos, aut saltem in gratia apud eum conservan-
 dos, opus fuisse, asserere non dubitent; non intelligen-
 tes, ut ante dictum est, de quo reconciliationis genere
 apostolus loquatur. Itaque, ut ad rem redeam, non re-
 cte argumentaris, quando ex eo, quod Paulus distin-
 cte de reparatione agat, & consequenter, ut tibi vi-
 detur, non possit sub Creandi verbo eam comprehen-
 dere voluisse, colligis, necesse esse, ut Creationis nomi-
 ne primam creationem intelligat. quasi vero non sit
 quidquam medium inter primam creationem, & re-
 parationem, seu quidpiam tertium, quod vocabulo
 Creationis significari possit. Nec dissimile quid dico
 de loco Iohannis cap. 1. Neque enim, si distincte sit tibi

reparationis mentio, & absurdum, ut quidem tu arbitraris, est, quòd ibidem aut ante, aut post de eadem agatur, tunc videlicet, cum de omnibus, aut de mundo factò sit mentio; propterea sequitur, in istis locis de omnibus, quæ primò a Deo facta fuerunt, deq; Mundi prima, ut ita loquar, factura verba fieri. Potest enim esse aliquid tertium, nec ad reparationem, nec ad mundi omniumve primam facturam propriè pertinens, de quo in locis istis agatur. ut certè est, quemadmodum supra ostendi; adeò ut neque idem utrobique significari docuerim.

Ceterum haud rectè meam mentem percipis, si credis, me propterea quòd Christo in sacris litteris mundi redemptio tribuatur, eidem primam mundi creationem minimè tribuendam esse, statuere. Non sum Dei gratià tam stupidus, ut ita argumenter. sed dico, cum per se prorsus ridiculum & absurdum esse videatur, Christo tribuere, quòd per ipsum mundus primò fuerit creatus, nisi priùs constet, eum jam tum existisse, cum mundus primò creatus est; aut certè, cù nusquam de ista prima creatione per ipsum facta disertè scriptum quidquam fuerit, consentaneum planè esse, ut loci, in quibus dicitur, per Christum creationè esse factam, non de prima, sed de secunda creatione accipiantur. nam nec quidquam absurdi in eo est, aut esse potest, quòd secunda creatio per Christum facta fuerit, & quòd fuerit facta, id & certissimum & restatissimum est. adeò ut hæc sola ratio, si non ad argumentum tuum funditus evertendum, saltem ad illud re-

lud vehementer infirmandum ac labefactandum plurimum valeat, & ad testimonia, quæ affers, dubia reddenda. atq; hoc idem in superioribus tuis omnibus argumentis & testimoniis, per ea, quæ a me dicta sunt, evenire, vix te ipsum negaturum crediderim. Atqui hoc satis est, ut, si minùs mecum consentire adhuc velis, at posthac, nisi firmiores rationes & divina oracula certiora habeas, non tantopere de sententia, quam probandam suscepisti, a se veres, eamq; inexpugnabilem esse statuas. A quo tamen si nihilominus tibi non abstinendum esse censes, rogo te, ut saltem, etiamsi ea vera non esset, nolis existimare, quemadmodum in postremis tuis verbis præ te fers; Christum Mariæ tantum filium, non etiam Dei filium unigenitum futurum: sed potius, si ea vera sit, atque eo pacto explicetur, quo tu eam explicas, ut scilicet, filius Dei unigenitus hominem induerit, sequi agnoscas, eundem Christum vix, aut ne vix quidem, simul Mariæ filium, & Dei unigenitum filium esse posse: immo, ut neutrum revera sit, necesse esse. Sicut enim homo constans ex anima, & corpore, in quod anima videlicet, ut plerisque placet, cælitus immissa fuerit, neque anima revera est, neq; corpus; sic Christus constans ex Dei filio unigenito, & homine ex Maria concepto & nato, id est, filio Mariæ, quem, videlicet, Dei filius unigenitus de cælo descendens induerit, nec unigenitus Dei filius revera, nec Mariæ filius erit.

F I N I S.

Absolvi hanc Disputationem die 30. Novembris, Anno 1584.

*Ad replendas reliquas has pagellas, additæ est ejusdem
argumenti quæstio ab eodem Erasmo Iohannis
eidem Socino proposita, & ad eam Soci-
ni responsum.*

ERASMI IOHANNIS QUÆSTIO.

QUUM Christus dicat difertè Ioan: 16. v. 14.
Spiritus sanctum ab ipso accepturum,
quod annunciabit apostolis, & non a se loqui,
sed quæcumque viderit & audiverit; videatur
hinc omnino sequi, Christum esse ipso spiritu
sancto superiorem, nec ejus donis ditari posse.
quomodo enim Christum ditaret spiritus, qui
a Christo accipit sua? Nihilominus, quum scri-
ptura affirmet, Christum spiritus sancti donis
copiosè a Deo fuisse unctum, usque adeò ut nos
quoq; de ejus plenitudine accipiamus; non vi-
deo qui stare possit, Christum esse spiritu sancto
excellentiorem, & spiritum sanctum lucem su-
am & doctrinam a Christo accipere. Nisi igitur
dicamus, Christum, quatenus est unigenitus
Dei, nihil accipere a quoquam, ne a spiritu qui-
dem sancto, sed immediatè a Deo ejusq; divi-
na luce impleri, Christum verò hominem spiri-
tus sancti donis, tanquam spiritu sancto multò
inferiorem, ditari, & nobiscum de eodem spi-
ritu communicare: non video quomodo hæc
scripturæ loca conciliari possint. Rogo, amice,
tuam humanitatem, ut si quid habes, quod hac
in quæstione tuæ conscientiæ satis faciat, data
oppor-

opportunitate, mecum communices, & me
tua eruditione doctiorem reddas.

T. H. deditus Erasmus Iohannis

FAUSTI SOCINI RESPONSUM.

HOMO ille Iesus Nazarenus, qui (ut ego quidem
sentio) ipsissimus Dei filius est unigenitus & ali-
us nemo nec præter, nec ante illum, secundum diversa
tempora, non quidem spiritu sancto, quem ego perso-
nam non esse, penitus mihi persuadeo, sed seipso ma-
ior, meo iudicio censeri debet: idq; ipsius spiritus san-
cti ratione. Major enim sine dubio, secundum hanc i-
psam rationem, post, quam ante glorificationem fuit.
Immo seipso major in dies, cum hic mortalis ageret,
ejusdem spiritus sancti ratione fiebat, Luc: 2. v. 40, &
52. Quocirca nihil prorsus absurditatis in eo est, quod
idem ipse Iesus Nazarenus, homo, inquam ille, ab ini-
tio & per aliquod tempus spiritu sancto doctore ege-
ret: postea verò spiritum sanctum ipse daret, & per
illum alios doceret. id quod est omnium, quæ, quod ad
spiritum sanctum attinet, habere Christus legitur,
maximum & præstantissimum. Nam, quod ipse Iesus
apud Iohannem ait, spiritum sanctum de suo acceptu-
rum & apostolis nunciaturum, & paullo ante dix-
erat, eum non a se ipso locuturum, sed, quæcumque au-
divisset, dicturum; hæc non significant, spiritum san-
ctum a quoquam revera doctum iri (hoc enim in ve-
ram per-

ram personam tantum cadit) sed per prosopopeiam
 ista, ut alia complura dicuntur; & significant, vim il-
 lam & efficaciam divinam, quam accepturi erant a-
 postoli, & qua in omnem veritatem ducendi erant, de
 rebus ejusmodi eos docturā, quæ ad Christum pertine-
 rent. Cum enim certum esset, post Christi glorificati-
 onem, tunc videlicet, cum spiritus sanctus dandus e-
 rat, futurum, ut omnia, quæ Dei essent, ipsius quoque
 Christi essent, & idcirco jam Christi esse, ob rei mox
 futura certitudinem, dicerentur; merito dicere potu-
 it Christus, spiritum sanctum, qui de rebus planè divi-
 nis locuturus erat, deq; eis apostolos docturus, ea do-
 cturum, quæ ad ipsum pertinerent. Propterea subjuz-
 git ipse, Omnia quæcumque habet Pater, mea
 sunt. Propterea dixi, &c. Et hæc quidem, quod per-
 tinet ad illa verba, quia de meo accipiet & an-
 nunciabit vobis; in quibus ratio redditur, cur spi-
 ritus sanctus glorificaturus esset Christum. Atqui non
 propterea glorificari poterat a spiritu sancto Chri-
 stus, quod Christus illum, quæ annunciaret, docuisset:
 hoc enim quantumvis verum fuisset, nullo modo appa-
 rere potuisset: sed quod, ut dictum est, ea annunciaret,
 quæ ad Christum pertinerent ad ejusq; gloriam; id
 quod omnibus palam futurum erat. Quod verò perti-
 net ad illa verba, non enim loquetur a semetipso,
 &c. idcirco ea dixit Dominus Iesus, ut ostenderet,
 consolatorem illum, spiritum veritatis, verè divinum
 futurum eaq; patefacturum, quæ Deus pateferi vel-
 let, quæq; certissima essent. Nec verò ait Christus, il-
 lum a se

lum a se quidquam auditurum; sed simpliciter, auditurum affirmat. Itaque non a me, sed a Patre, subaudiendum est potius; quemadmodum idem spiritus non quidem a Christo, sed a Patre proficisci dicitur; licet non nisi per Christum, postquam is glorificatus est, in Ecclesiam derivetur. Ceterum, quod putas, filium Dei unigenitum citra spiritus sancti interventum divina luce impleri potuisse; id quidem verum esset, si spiritus sanctus (ut jam me statuere dixi) nihil est aliud, quam virtus & efficacia quedam Dei; non video, quomodo res ulla creata (sateris enim ipse, unigenitum Dei filium esse rem creatam) citra spiritus sancti interventum, quantumvis immediatè eam a Deo acceperit, luce divina compleri queat,

Hec habui, quæ ad questionem tuam breviter responderem, non quo te erudirem, qui ipse abs te doceri de multis cupio, sed ut, cum in ea mea conscientie planè satisfaciam, te rogante, sententiam meam tecum amicè communicarem.

Tui studiosissimus


Faustus Socinus.


Ioh: 15.
26.

BIBLIOTH. UNIV.



JAGELLONICAE





Biblioteka Jagiellońska



stdr0009417

